

洪北江詩文集

四

更生齋詩卷第一

陽湖洪亮吉著

萬里荷戈集

八月二十七日請室中始聞遣戍伊犁之

命出獄紀

恩二首

暫離三木卽身輕忽綴戎後隊行那彥成尚書奉命往陝西軍營參贊亦于是日天上玉堂虛想像道邊金甲尚縱橫預知

前路應長往從此餘年號更生穩卧側輪車畔好員扉

幾夕夢難成

已作孤兒三十春道旁今更泣孤臣全軀自感

君恩厚對簿偏忘獄吏尊人笑冷官羅法網天教熱血

灑邊塵受

知兩度真逾次未敢館卽簡任學政及內廷皆屬昇數敢向閑中惜此

身

蘆溝橋口占贈張吉士惠言并寄同館諸君子

張君本同里故交今歲五月初蒙

恩派教習度吉士張君適在其內執弟子之禮甚恭

余不敢當也其餘諸君亦竝絡繹出送致臆故作此

致意云爾

春明門外駐征輪簪笏同來喧逐臣我視黃州已僥倖

綴行相送較情親

出嘉峪關僱長行車二輛車箱高過于屋偶題一絕  
持燈行三更鞭屋行萬里削雪正欲烹一星生釜底  
出關作

半生蹤跡未曾開五岳遊完鬢乍斑却出長城萬餘里  
東西南北盡天山

抵玉門縣

萬餘里外尋鄉郡余家郡望敦煌三十年前夢玉關余弱冠時汪宅課甥曾夜夢至天絕笑班超老從事欲從遲莫想

生還

安西道中

萬古飛難盡天山雪與沙怪風生窟穴戰地絕蓬麻野

戊年將換穹廬日不華仍從候人問恐有路三叉

疏勒泉

一水懸天上遙知疏勒泉浴波童類雀剗岸屋如船齒

髮衝冰墮功名煮弩傳從戎本吾願前路莫茫然

安西至格子墩道中紀事

我行發安西十日五停軸疲蹤本思想所苦乏室屋兼

之山萬仞不貯水一掬狂風飛牛羊往往集空谷三更

寒霧重馬足植如木乞火燕束薪言依囊佗腹

此日風候嘉殘漏行百里荒荒紅一縷日出土囊底嚴

程原有限沙磧從此起來從天山頭去向天山尾沙深

行旅斷見客心輒喜泥漿藏破匱到口甘若醴飲馬投

百錢喧聲尚難已

偶逢陳世昌曾令楚邊邑殺賊為賊縛荷戈來百驛三歲得減徒炭幾歸有日班荆相慰藉反致淚鳴咽一妻前被殺兩子致殘疾生還雖可樂奈已乏家室東望嘉峪關中懷慘如結

林鳥大如犬兀傲不避人攫肉翔道旁足蹴十丈塵居民半焦黑人鬼固不分出穴競往來半雜鷄與豚襍被何處棲爬扶沙石根不然升高原廟古依土神

天山歌

地脉至此斷天山已包天日月何處棲總挂青松巔窮冬棱稜朔風裂雪復包山沒山骨峰形積古誰得窺上有鴻濛萬年雪天山之石綠如玉雪與石光皆染綠半空石墮冰忽開對面居然落飛瀑青松岡頭風陸梁一競欲餐天光浴林弱雉飛不起經月飽啖松花香人行山口雪沒蹠山腹久已藏春風始知靈境迥然異氣候頓與三霄通我謂長城不須築此險天教限沙漠山南山北爾許長瀚海黃河茲起伏他時逐客倘得還置冢亦象祁連山控弦縱遜票騎霍投筆或似扶風班別家近已忘年載日出滄溟倘家在連峯偶一望東南雲氣濛濛生腹背九州我昔歷險夷五岳頂上都標題南條北條等聞耳太乙太室輪此奇君不見奇鍾塞外天奚取風力吹人猛飛舉一峯缺處補一雲人欲出山雲

不許

進南山口

一峯西來塞官路峰頭一峰復回互人疲馬嬾亦少休雲外飛橋落無數山坳路古盤如殺却向林梢瞰遙甸一片伊吾曠日華黃金世界中現

下天山口大雪

危峰北去高無際過嶺風聲水聲異鞭梢拂處險接天風勢吹人欲離地千峰萬峰迷所向意外公然欲相抗雲頭直下馬亦驚白玉關千八千丈

松樹塘道中

馬定知人意穿松屈曲行漸忘遷客感足對看山情閱世心俱宋聽泉夢亦清林威丈人約何日許將迎

松樹塘萬松歌

千峰萬峰同一峰峰盡削立無蒙茸千松萬松同一松幹悉直上無回容一峰雲青一峰白青尚籠烟白凝雪一松梢紅一松墨墨欲成霖赤迎日無峰無松松必奇無松無雲雲必飛峰勢南北松東西松影向背雲高低有時一峰承一屋屋下一松仍覆谷天光雲光四時綠風聲泉聲一隅足我疑黃河瀚海地脉通何以戈壁千里非青葱不爾地脉貢潤合作天山松松幹怪底一直透星辰宮好奇狂客忽至此大笑一呼忘九死看峰前行馬蹄駛欲到青松盡頭止

菩薩溝道中

天山南北口百里積冰雪歲晚不逢人牛羊伴除夕

山隅一兩家早已閉門宿空明北斗光穹廬代然燭

齒髮能旋里應知亦

主恩時值有江西城徙西里者帶同成人齒髮歸里仍憐異鄉久魂怯玉關門此水酌一滴永清人世心臨流莫相照聞說鬢毛侵

廿八日抵巴里坤

南山高瞰城下復裂深谷巉巖千丈堞排齒入山腹晴

天飛雪霰即已沒車輔陰寒中人深肩背苦瑟縮千年

留戰地往往鬼夜哭年殘風益暴客至裏重幄燈火集

一城宵驚燭光綠

除夕巴里坤客帳祀先

昔日公孫瓚臨岐祀北邙潛然感先德忘却殊鄉燭

借穹廬火牲求牧澤羊荒寒一颿雪聊抵奠椒漿

除夕夜坐

世緣應已盡夢亦不還家別有關心處偏忘去路賒幾

行墳樹影千疊隴雲遮他日能歸骨從親傍水涯

鎮西元日

兩日松塘走急程亂雲開處出邊城奔馳萬二千餘里

來聽鄰雞第一聲

殊方都喜說新年板屋斜欹彩勝偏一事暫教鄉思緩  
家家門巷有秋千

逢人入關即寄胡安西紀謨楊靈州芳燦莊邠州忻發  
華州拈四刺史

何處能尋遷客蹤車箱眠已過三冬聊烹太古荒寒雪  
盡洗平時磊落胸人說更生同子政我慚行殞學山松  
心交海內今餘幾呵噤裁書手自封

覆車行

風漫天雪逼夜匹馬隻輪馳至山下驚沙撲馬馬忽奔  
削徑倒下先摧輪車箱壓馬馬壓人馬足祇向人頭伸  
身經窶逐死非枉只惜同行僕死妄驚魂乍定忽自疑  
奔車之上無伯夷

肋巴泉夜起冒雪行

北風排南山山足亦微動寒光巨千尺壁立雪若衝車  
箱心肌骨清絕無一夢更殘欣出穴飛白壓衣重百里  
僅數家山房疊成窠相將依爨火漿濁感分送人氣亦  
少蘇無如馬蹄凍

人日白山道中

三載逢人日驚心客鬼方謂在貴州今來遷客夢仍阻  
亂山旁莽莽沙如雪勞勞鬢已霜居人能尚義猶饋束  
脩羊逆旅主人子將投經屬余為分句讀

白白山至噶順

嚶嚶蕭蕭徹五更狗亦不吠雞不鳴車箱縮項凍欲死  
誰復料理征人行忽然破屋晴光出湧得天山一輪日

疲羸嘶風馬亦奮踏雪兼程到鳴順

發大石頭汎

天山界畫分半空白雪自白雲光紅馬蹄斜上雪飛盡  
衣袂飄入雲當中連峰中斷郵亭壞此是奇台鎮西界  
平沙日午捲北風數點牛羊落天外

烏蘭烏素道次

烏蘭以北地不毛極視千里無秋毫無荒鳥亦拙生計  
啄土飲雪居無巢居人靦面能欺客獸復欺人占居宅  
健兒彎弓射不得空手歸來氣填臆

初八日乘月行四十里至三個泉宿

人煙百里何渺茫疲羸獨行古戰場高天下地總一色  
明月白雪分清光拂眉時有山禽過清歡聲高野禽和  
三泉屈指尚半程我倦欲從雲外臥

古城逢立春

短轅車逐短衣人萬里來尋塞上春識路未應呼老馬  
岐途先已泣孤臣雲邊一笛驚殘夢天外三山伴此身  
肯把障泥容易潑就中猶有

帝京塵

鷹攫抵行

一山嶮巖忽裂口千羊萬羊出其竇羊羣居前牛在後  
鷹忽飛來攫抵走羣羊哀鳴牛亦吼北巷南村集羣狗  
鷹攫抵飛勢偏陡雲中健兒弓已折一箭穿雲覺雲薄

羊毛灑空鷹爪縮天半紅雲尚凝鐵  
牛觸冰行

天山十丈冰稜大牛角觸冰冰欲破牛向冰稜窟中墮  
馬車西來不能過三馬曳牛牛尚坐道旁田夫添十箇  
索曳牛蹄角先挫須臾冰陷牛方出一角已從冰上折  
牧童驅牛不敢叱更裂氊裳裹牛血

夜抵木壘河

到得山村夜已迷窗棉全不辨東西狼馴似馬憑鞭策  
鶴大千雞其樹棲穴鼠岸然欺客睡壘猿時復雜兒啼  
峰峰塞路誰能究只覺檐前北斗低

早發四十里井寒甚路人墮指者

極天惟有雪萬古不開山祇覺雲生滅從無鳥往還路  
人傷墮指遷客屢摧顏倘有拳蹄處思排虎豹關  
元夕過阜康縣七十里宿黑溝

君恩應已重不敢更思鄉卽此逢元夕先忘在遠方話

愁惟對影與僕互傾觴兒女雖相憶何由識阜康

黑溝步月

邊庭昨日已東風寶鴨頻添雪乍融一晌春人夢魂賦

焉支坡上月先紅

五家村裏獨裴回奇絕峰巒面面開三百囊它燈一盞  
夜深偷渡黑溝來

安濟海夜起

夜關安濟海波焰燭天紅迥異雲霞色都疑神火烘松  
杉開嶺末烏鵲繞圍中待得雞頻唱關門日始東

自烏蘭烏素至安濟海雪皆盈丈十餘日不見寸土因

縱筆作

烏蘭烏素迄安濟十日見天不見地有時天亦被雪遮  
天與雪光原不異惟交日午與月午日月破空光獨麗  
早離如鵬排齒舞舞黑象龍交角戲雙峰獨峰駝背開  
三角乙角羊頭細家牛渾乳酪尤厚楚雉作羹膏過膩  
冰厓倏爾超百仞雪窟不須分四季狹哉豎亥東西步  
笑絕唐虞朔南暨漢家亦僅開張掖惹得松茲益無忌  
何如

聖世中外一并斷胷奴左邊臂南庭北庭幕已空陽關

玉關門不閉二千餘年方拓壤三十六國皆請吏尤欣

樓飲盡軍食不爾鬪頭虧

國計溫都斯坦布魯特退木爾沙哈拉替修眉羅刹久

作汗戴角博羅都號比羣驅羊馬作互市從此番回悉

衣被賜之瑰麗手加額目以酋豪頭戴髻昆侖去天幾

咫尺日月藉此相隱蔽金銀臺殿誰得過我欲乘風縱

遊轡渾河入地波乍測熱海逼冬泉亦沸山傾西北悉

破碎河界天人此分際張鑿鑿空乃得到伯益藏寶何

其諦荒寒近始遭扶別神妙誰能復思讓元霜更在昆

岡外手握龜蛇出人意只憐我亦老史臣振筆欲增西

域記會看拓地逼西海不使羣生有殊氣閩船已具千  
百般宛馬益多三萬騎寒門銅柱親勒銘

功德高于百王帝

贈呼圖壁巡檢沈仁澍

如何遠宦經三徙君從曠展講署濟木僅比流人近十

程同向瞻高臺上立欲從何處望江城

三臺阻雪

北風吹雪入鬼門風定雪已埋全村村人鑿穴透光景

百尺稜稜數樓頂燒松作炭雪不消反使石穴全身焦

征人停車已三日雪穴驚看馬牛出平明一綫陽光開

烏鵲就暖皆飛來征人欲行馬瑟縮冰大如船復當谷

發二臺

看山不厭馬蹄遙笠影都從雲外飄一道驚流直如箭

東西二十七飛橋

行至頭臺雪益甚

天山雪花大如席一朵雪鋪牛背白尋常雞犬見亦驚

避雪不啻雷與霆幾家房廊陷成井百丈青松沒松頂

管驚一騎去若飛雪不沒慄風生蹄東風乍停北風起

驅雪松濤十餘里松柴燒赤老瓦盆奇冷更變成奇溫

蘆草溝

蘆草溝邊路茫茫日欲昏堅冰截南北空白合乾坤馬

避千人集雅啼獨樹村車箱夢囈昔聊足憫羈魂

伊犁紀事詩四十二首

城西乞得暫勾留到日將軍派居何止逃喧亦避讐只

覺醫方有奇效閉門先學陸忠州

素筆頻年上玉墀虎賁三百笑舒遲書生亦有伸眉日

獨跨長刀萬里馳廢員見將軍

環碧軒中崇不迷僅餘風折雨淒淒固知此老迂難近

絕勝宵分咒準提余寓齋相傳有魅全太守土湖居之

禁也余未至前數日却道夢魘已移去

到日先傳領督催無端堂帖復追回余到日初派督催

房開心檢點流人冊板觸西川御史臺余檢點舊事見

稅冊故及之

熟客先驚問姓名記曾躍馬入咸京當時書記疎狂甚

親屈元戎作騎兵講張總兵廷彥余辛丑歲寄西安節

花誰跨明駝天半回傳呼布魯特人來牛羊十萬鞭驅至

三日城西路不開布魯特每年驅牛羊及哈拉

已分從公老牧羊門生家世本敦煌金丹五百題容緩

臨行屬篆金先獻麻姑禁酒方房師王荔園先生官湖

丹五百字先遣戍伊單在將軍署課讀飲

酒時或過量故未語規及之畢竟誰驅瀾底龍高低行雨忽無蹤危崖飛起千年石

壓倒南山合抱松伊犁大風每

日日衝泥掃落苔一條春巷八門開鼓樓北有八家巷

外臺自有蕭閒法謂康使德泰乞余書構具方家說餅

來對門每邀余飯則兩人合治具外舍

坐來八尺馬如龍演武堂高夾路松諳吏一邊三十六

盡排長戟壯軍容四月一日隨將軍演武場

鑿得冰梯向北開陰崖白晝鬼徘徊萬叢燐火思偷渡

盡附牛羊角上來冰山為伊犁適紫爾羌要道常撥

古廟東西關廣場雪消齊露粉紅墻風光穀雨尤奇麗

蘋果花開雀舌香

城隅兩日霽寒威韋曲詞人尚下幃謂韋大趁得南山

風日好望河樓下踏春歸惠遠城南有望河樓

幽絕城西半畝宮古垣迤北盡長松危樓不用枯僧上

閨兩時時代打鐘西城外有古廟常白晝見

百輩都推食品工剪蔬饒復有鄉風銅盤炙得花豬好

端正仍如路侍中同里趙上舍炳先以事戍伊犁今館

歐脫宵寒忽異常行轅門外窠它偃堂期縱過天中節

明日仍冠骨種羊將軍一月內以二五八為堂期諸廣

仍帶暖帽遊蜂蛺蝶競尋芳花事初紅菜甲黃只有塞垣春燕舌

一生不及見雕梁春燕皆巢

一卷平臺紀事功十年循吏說宏農楊廉使延理曾首

爽文等著平臺紀事二卷時屬便同海外奇書讀頰痛

還思邴曼容內有紀君友湯大

城西連日雨昏黃急溜先傾羊馬墻夜半老兵驚起叫  
早鷓如虎撲人忙

萬死方來西海頭別司鎖鑰領兜牟謂張太守鳳枝南時派管軍器庫  
中老守疎狂甚尚憶東風燕子樓太守有一妾留河南親串署內時憶及之

將軍昨日射黃羊親爲番王進一湯承襲王爵來謝因  
照例百手盡從空裏舉更憑通事貢真香外番以藏香爲貴有所敬

芒種才過雪不霏伊犁河外草初肥生駒步步行難穩  
恐有蛇從鼻觀飛伊犁南山下有異蛇一種遇驛馬即立死

黃泥墻北打門頻白髮來辭喜氣新謂開鑿臺九牧以釋回至四川  
却買鮮魚飼花鴨伊犁鷺鴨必以商量明軍營効力

日餞歸人  
伏流百尺水潺湲地勢斜衝北斗垣高出長安一千里

故應雷雨在平原伊犁地形高出西安八百餘里  
生羌一月病彌留夜半魂歸戶不收忽變驢鳴出門去

郭橋何似板橋頭二月中有生羌居北關外將死忽變爲驢惟一足未化人皆見之  
偶送龍媒貢上方萬蹄如鐵剖河梁驂驅盡解如人立

瓊棋將軍下角場  
鴛鴦啼處却東風宛與江南氣候同杏子乍青桑葚紫

家家樹上有黃童伊犁桑甚極美白者尤佳

粟臣百計遣秋光學圃年來沒有方時得菊花三百本

歸家亭子宴重陽歸方伯景照善詩菊每  
窮荒連月有

恩綸邊雨初晴塞外春昨午北郊迎  
詔使分明捧日兩黃人純皇帝升附詔使到日雨連霽余隨將軍出北郭恭迂

怪風時起撲燈蛾舊燕巢欲鼠作窠蒸得春蚊大如斗  
南山溼霧入簾多

老饕到此已無緣且減常餐汲井泉十日齋厨冷于寺  
故應蔬味勝腥膻

達板偷從宵半過箏琵琶絲竹響偏多不知百丈冰山底  
誰製齊梁子夜歌夜過冰山者每聞下有絲竹之聲又聞有唱子夜歌者莫測其奇也

籬豆花紅鮮葉班時時約客語更關齋厨百品多嘗偏  
惜少山雌入食單陳巡撫灌食品總精關秋冬間煖煖尤美惜不及食之

山溝六月曉霞蒸百果皆從筵上買得塔園瓜五色  
溫都斯坦玉盤承果子溝至六月百果方熟伊犁北郭溫都斯坦製玉盤孟等

溫都斯坦製玉盤孟等  
近精伊犁亦時有之

偶向尊前學楚歌天涯誰識故人多郎官湖水清如鏡  
絕憶三更放棹過癸卯秋余自西安歸過漢陽族經聖

漢陽守亦在座余已不記  
德矣及至此廉使語及之

五月天山雪水來城門橋下響如雷南衢北巷零星甚  
却倩河流界畫開四月以後即引水入城街巷皆滿人  
戰門東去水潺湲山色周遭柳作垣日昃馬行三十里  
納涼須駐會芳園會芳園在綏定城總兵署後極幽爽



待得城樓月欲升竟攜茶具就書燈

九朝舊事無人聽只有西廳老郡丞詞知哈豐阿性嚴

一合者惟最重余又留心 國朝舊事以余歷直內廷

諸館頗諳掌故每夜輒攜果餌等物就訪乞余為說

九朝事蹟恒 傾聽不倦

結客城南緩步回水雲寬處浪如雷昨宵一雨渾河長

十萬魚皆擁甲來伊犁河魚極多皆 無鱗而皮厚如甲

一旬胡蝶已成團便擬開筵宴謫官攜得百花洲畔法

種來罵粟大如盤陳巡撫寓齋粟獨盛有五色如盤 者蓋江西所攜來之種擬分日宴客

積雨冥濛路不開噴岫歷盡始三臺萬松怪底都相識

曾向童年入夢來

雪深纔出玉門關三月

君恩已賜環贏得番回道旁看爭傳李白夜郎還

行抵伊犁追憶道中聞見率賦六首

嘉峪關前夕霧收布隆吉後曉星浮馬毛作雪明千里

龍氣成雲暗一州冰谷對床聲乍噤火山當戶汗仍流

平生每厭塵寰窄天外如今一舉頭

黃羊如織馬如梭託命三更有駱駝關展尾疑通地穴

巨靈手竟握天河松杉倏爾垂行帳螭魅居然避荷戈

行到路岐偏認取卅年前記夢中過

背可施鞍鼻可牽眾生疑鬼亦疑仙地幽古佛皆穿耳

月朔新蟾已抱肩初一日即 見新月厄魯特魚紅有影俄羅斯  
馬白無邊流沙萬里傳書少且續夷堅海外篇

總是非非想處來見聞無用更驚猜人如混沌何嘗鑿

天似鴻濛乍欲開日月偶搏空外影塵沙都認劫前灰

山爐獨足蛇岐首盡咒征夫去不回

烏弋烏孫視陝西九天九地判高低下飄鬼國須浮楫

上瞰神霄若有梯湯谷沸波今未改寒門標柱古誰稽

流聞何止征和碣伊犁相傳有張騫 石碣徧訪未之見尚謂倉公四目題

莫笑書生一石弓置身十萬健兒中雲烟氣總歸西海

孤矢音皆中北風跡隸伍符慙百戶階崇都護歷三公

將軍位在蒙 古王公上逐臣自問難酬

德且學張騫事鑿空

附題萬里荷戈集諸友人詩以得詩前 後為次黃聘三 闕舉

忠言讜論壯朝班能得 君心忽解顏臣罪當誅

寬斧鑕 聖恩過厚賜刀環賈生猶待三年名韓

愈何曾百日還青簡留題尤奕奕明良聲重如山

韋佩金 江都

莫作逐隊鴉百千為羣散風花須為鳴岡鳳忠孝會

使文章重投書樞府 帝曰吁容臣愚不殺驅寬

書丙夜 帝曰俞鑒心孤戌名除嘉慶五年閏在

夏擊鼓夔夔 詔書下將軍轅門馳匹馬趨跪當

階聽宣赦西海九死臣伏地不起放聲悲堯仁覆載

廣舜哲日月輝遺逢如此隕無恨豈在一人留與歸

作餞不為君設酒折贈不為君折柳 聖人解網

羣生有中外騰頌 主思厚道旁感泣泣稽首

陳淮商丘

結托十載前已識才如斗何期故鄉人翻遇雪山口  
諫紳動萬言樸誠真不朽直有回天力堪稱救世手

鎔經與鑄史莫不欽抱負荷戈來伊江閉門斷詩酒  
雷霆間雨露總沐 主思厚既不受人憐豈肯隨

人走委心任去留東歸瞻馬首煌煌 天語頌一  
德洵非偶 以上三人同在伊犁戍所

顧揆金匱

天祿藏書幾費詮逍遙舊作地行仙先憂早裕昇平  
業後會都成歡喜緣域外扶輪推大雅馬前揮筆著  
新編銘留 御座輝煌甚片札應同刀劍傳

張騫碣下拜 恩殊 聖德如天重碩儒文字

直堪追漢魏遭逢更喜邁韓蘇吟懷朗映三秋月飲  
量汪涵萬頃湖他日廬陵訂詩史可容秘演學浮屠

時成烏魯木齊

楊芳燦長洲

蘭山話別各傷神浩蕩冰天逐雁臣幸免若盧收杜  
眾還愁樂浪鼠崔駟孤蹤判作長流客 溫語旋

迴絕塞春開盡桃花消盡雪兩行紅柳送歸人

籛竿 詔向九天頌鄭重 君恩特賜環傳到

好音先破涕懸知小別未催顏朝搜斷碣窮沙積夜

聽清笳度雪山萬里只如庭戶近駟車聊當採風還

上書慷慨豈沽名願效涓埃答 聖明宣室舊曾

徵賈傳謠言今已念班生親知預擬聯裙屐造微行  
看洗甲兵見買夫須營釣艇滄江穩臥頌昇平

湖山佳處儘相羊蟹舍漁村認故鄉築室且教泥水  
蔽善書合付子孫藏羈魂恐尚依銅柱 溫都斯坦有  
莫時銅柱相

傳來外人死者皆歸  
之如中國之僑宗云歸夢時應到玉堂愧我浮沉銷  
志節白頭頹駟乞為郎

莊炳武進

聖主由來宥直臣投荒旋見作歸人重逢隴首飛黃  
葉此去江南采白蘋飲酒無多消歲序吟詩何益費  
精神扁舟我亦如張翰相訪城東月色新

會煥南城

聖主求言量獨宏謗書宣示舉朝驚竟將忠愛憐蘇  
軾不許公卿害賈生絕塞烏頭三月白歸裝駝背一  
編輕旁觀猶感 君恩重何況親為雪霽行

孫星衍陽湖

秉燭論心已有期尊前霜鬢認依稀我傷駒隙三年  
速君自龍沙萬里歸折檻風流成盛節理輪心事有

危機 晏在山左幾為附  
朝貴者所中傷不知此後方元白可仗文章

定是非 前尊詩有偶讀開成太傅詩七年  
我亦長微之之作故此句及之

趙懷玉武進

青楓林外擬招魂此日居然入玉門 詔下已關

伸士氣身留何以答

君恩可能詩酒捐狂態想見妻孥拭淚痕氛殺未消

雲漢皎時久幾人封事為時論

錢伯垌 武進

山峻嶒兮箭芳雪瀟漫兮際天白朝不見日出兮暮

胡然而止息荷戈者誰子度沙漠兮不知其幾萬里

莽寥廓兮寄生死落彼大荒鼠跡牛與羊大府特兀

凌穹蒼旌旗雲日刀劍光將軍使相曰中堂中堂屹

然坐堂皇叱聲階下走小臣帖身受汝何獲罪

聖天子 天子宥汝以不死但當蟄伏窮三冬敢

櫻詩酒款寒蟲翰林躬執旆帶刀跨馬前趨風

皇輿陸覆載此曰西域界是罪人所徙西盡日所曬

張鷟盤空疑不到鄒衍空談九州外問搜聞見落中

華地志山經補其隘忽然中堂宣拜舞 丹詔煌

煌奉天語賈生仍遣洛陽歸小臣涕泣紛如雨是能

先幾翊萬幾且將座右箴其辭大哉 王言詔中外

八荒共慶天無私昔年身向圖中去關門一閉入朝

天路今日生還作畫看謹誌 君恩不忘處

歷聖相承二百年吾鄉清節幾人賢妙筆生涯拓君

手畢勿安高七也實寫此圖壯哉斯圖洵不朽

楊嶠谷 武進

六合誰能賦千秋獨占難高岑纒塞上燕許只堊牆

更關詩中界遠馳域外觀書生空胸縮武士但糾桓

健者今詞伯風騷主敦盤臚雲登上第起草擬如千

葑菲辭誠過芻蕘慮畢殫無私天鑒近不殺 聖

恩寬慷慨行何畏頭顱亦早拚壯懷輕萬里祖帳揖

千官遠戍提長戟輕裝衣短襦雄關出嘉峪中土隔

騰蘆赤阪陰常餓平沙井亦智大風掀濤湧古雪積

噴崦險阻勞筋骨荒涼沁肺肝只疑天欲盡不道路

猶漫乍到名編籍先駮誓負簡空房鎮宵魅軍府對

新冠履尾凶將啞吞羶強勸餐愆尤梅山積感激涕

洸瀾舞劍霜華滿開筵月魄闌敢懷歸井邑長夢待

金鑿豈料烏頭白直隳黍谷寒炎崑分玉石集泮別

鴉鷲 持吉從原有危言策治安 賜環表葛

換匹騎往來單雙足重添躄千山憤據拳自來原鐵

漢服食謝金丹定遠生仍入終軍吏不攔眼中風景

舊歸後髮膚完慈訓三遷里才名百尺竿胸全羅列

宿腹稍露珮珥威鳳終巢閣孤鴻已漸碧菱荷裁野

服桑梓結清歡庭草親生意漁磯息怒滿親朋爭問

訊尊酒話團樂佛國追成紀荒經好補刊若非身自

歷誰信語無譎博異前賢少瑰奇後代看惠潮皆內

地小謫笑蘇韓

黃沙莽莽無行迹玉堂仙人碧霄謫天山積雪沒馬蹄  
 一萬里去陽關西長鞭搖搖入雲去繞袖濃雲若披絮  
 怒龍鬪雷騰半空蒼鶴攫人飛上樹二事皆集  
 一峯行盡復一峯奇句題徧峯峯松松濤風翠蕩胸臆  
 咳唾珠玉隨天風天山盡處軍容重曉謁轅門氣先  
 竦投筆能教壯士驚請纓都訝文人勇山中魍魎怒  
 侮人鍵戶瑟縮潛悲辛同時遷客皆開譙問訊爭來  
 讖君面邀月空憐太白杯微吟欲築望鄉臺楓林青青  
 塞雲黑五更笳管腸千迴殊方寧望生還路玉門不信  
 春風度一道 恩綸天上來萬人感泣成  
 甘湖美君出關後入關匹馬仍復過天山峯峯松雲若  
 相識馬首青山向君揖添得長刀短後衣用集生  
 向玉關吹笛入折檻曾憂直節難賜環旋荷 主  
 恩寬桂叢未老黃華綻待得歸人酌酒看故人握手  
 驚且喜快讀新詩搔首起天生奇境待奇才扶透靈  
 光筆端使吾謂才華學問雖絕倫不若獨乘至性歸  
 貞純機聲燈影少年事比鄰早羨樓頭人君少時隨太夫人  
 居外家樓上與余比鄰會作機聲燈影圖 萬言伏 關直聲震必于孝  
 子求忠臣一時風骨如君少孤隼凌秋羽毛矯長安  
 冠蓋去後來諸君哀哀奚為哉崑崙山高接西極妙  
 手圖成挂齋壁和君萬里荷戈詩醉卧聽前看山色

雨露雷霆次第過閒身始得返山阿故園快把初衣  
 遂小論榮於畫錦多寫入丹青傳大漠編成詩卷當  
 章我直開遠古鴻濛界那敷陰山勒勒歌萬里輪蹄  
 疲雪窖孤臣心事挽銀河履危欲坦顛輪道出險題  
 思灑瀆波重夢儘教游汗漫壯懷難仗酒消磨請纓  
 畢竟書生志不是封侯便荷戈

身到金釐最上峯人間還種碧芙蓉三年使節歸雙  
 闕一疏危言動 九重才子文章原慷慨 聖

朝進退自從容抽簪不比長沙謫閒挂仙山綠玉筇  
 去歲長安中說經當覆屋請業席縱橫過千啜齋粥  
 仄聞罪言上衆口譁不足晨趨視行李空庭烏啄木  
 追送踰國門聞已單車促驚沙斃盧溝佇立傷迷目  
 男兒得罪去身在己為福不知途路速寧惜毛髮禿  
 絕漢事耕種揖讓非殊俗行矣甘白頭飽飯太平粟  
 而乃 高厚恩矜全 天語獨投荒未百日歸  
 及塞草綠竄死固踰分生還竟何速海內幾交游感  
 嘆同一哭我行到江南問訊屢躑躅昨逢曾大夫示  
 我書累幅塞外天蒼茫鑑前墨滲漉又見先生筆措  
 目再三讀定知再造身安心侶樵牧村童及鄰叟拾

要趁秋熟嗟余迫行路未共離樽續奇詩隔江涓遠  
勝招魂玉

陳文杰 錢唐

青海西頭咽暮笳 詔書萬里許還家行周地角  
輕秦隴赦出 天恩陋漢槎小謫夢隨金闕遠生  
歸魂悖玉關遮閉門自有名山業珍重文章蔚  
國華

陶洪悅 上元

卿月分光照草萊桂花迎客已全開自攜塞北新詩  
至為訪江南舊雨來落紙雲煙多古趣驚人著作本  
仙才秣陵佳味尊鱸美好對秋風共舉杯

已治安球益治安賈生獻策滙忠肝桐孤真比臣心  
直海濶何如 帝量寬諫艸傳來荒服遍封章收  
上御屏觀 聖朝赦過開言路似此遭逢古亦難

霜冷窮荒草盡斑身騎匹馬出重關獨由絕徼難行  
路飽看中原未見山一片丹心昭盛節九重 恩  
詔許生還江湖切莫耽閒放轉聯除書 紫禁頌

積水潭邊荷滿池秋藤花下酒盈厄京華春好詩中  
記悅在京師屢陪 塞外風寒別後思蘇軾愛 君

青史重朱雲折角 聖人知望公丰采還如舊萬  
里行歸鬢未絲

張問陶 遂寧

無詩無酒氣縱橫誰指伊吾問死生萬里風沙悲獨  
往舊時李杜愧齊名是非終向平心得毀譽徒勞眾  
口爭落日安西凝望遠浮雲難掩故人情 此首送  
出關作  
窮荒一夕返驚魂天遣春風度玉門有詔傳觀袁諫  
草無人申掇見 君思全焚詩筆留心血重製儒  
衣想淚痕小別經年歸未晚殘秋高枕夢江邨

徐鏗 金匱

才名落拓誤儒冠醉著新書擬治安抗疏已招時輩  
謂平邪  
忌教號 投荒還幸 聖恩寬龍沙地古人煙少  
虎帳天寒道路難絕塞寄書愁不達朔風涼雪祝加  
餐

遭逢 堯舜際昇平忽設狂譚四座驚甚欲致  
君嗟乏術須知涉世忌孤行萬言書本建時用三代  
人原戒好名他日 朝廷思汲黯春雲回首鳳皇城

劉嗣綰 武進

一紙書來笑絕纓班超已復動歸程龍鱗肯恕孤臣  
死馬角終遊絕塞生天上本無私雨露山中還有舊  
柴荆歸時好濯江流足聞道銀河昨洗兵

惠遠城西萬里鞭 主恩到處總如天長沙漫泣  
還來傳太白真呼謫後仙 聖世漁樵原戀關清  
秋蟹稻好歸田登高准備茶黃酒便有洪崖共拍肩

蔣業晉 吳縣

譚諤昌言動九霄平生風義士林標羅胸列宿窮三  
史抗疏孤臣答兩朝荒徼賜環 天子聖家山柱  
笏碩人遙好賢不待蒲輪賁有客欣開石室招謂寧  
國府  
詳君設學仿紫陽  
書院幣聘相招

汪為霖 如舉

談笑天山匹馬馳讀書不愧是男兒十年我見先生  
晚一片心惟 聖主知塞月蒼涼隨遠夢秋笳斷  
續入新詩生還復恐除書到未許江干理釣絲

王 豫丹徒

語罷月沉水江濤忽怒飛不緣 明主詔那許直

臣歸白髮悲青鏡丹心戀紫微 朝廷留正氣吾

道豈終非

荷戈君遣後近覺直言稀君遣後 上論廷臣曰  
隱上陳者得毋以洪某為 天語真堯舜王心判是非  
戒乎即下 旨放回

直教臣節愧不負布衣歸正值憐才日終難卧釣磯

吳嵩梁 建昌

一疏居然動 聖明同時申救少公卿窮荒天許

重磨盾請室心猶望洗兵正氣三更銷鬼醜邊愁萬

里入笳聲孤臣垂死 思難報不願人傳敢諫名

春風吹入玉門關天上金雞 詔特頒五月雷聲

頓雪水一梯雲影度冰山神魚擁甲隨潮滿龍馬如

人立仗閒留得新詩光萬丈夜郎爭看論仙還

陳 蔚青陽  
侃侃陳詞迴不羣高岡鳴鳳振朝曠上書自謂同劉  
偉移副何嘗異李雲此日更生逢 聖主當時欲  
殺有將軍荷戈萬里詩篇富西域江山盡助君

釋清恒 焦山

一棹乘風過海門千秋事業喜重論長歌絕塞詩人  
福卽 賜刀環 聖主恩不殺真能容直道忘  
身始可得危言而今誓與焦仙約只恐 天書下

九屬

釋達瑛 攝山

目窮西海歸東海到處名山已盡探正恐欲問天未  
許不妨暫借與茅庵

又以下及門

呂 培 產德

古人求忠臣是必于孝子讀書苟有得家國一理耳  
先生起孤貧中歲乃筮仕思親不能報盡瘁供職使  
詞臣兩抗疏惜不作御史刑官據成律奏上擬殊死

嶽嶽 聖人恩幸免肆都市出門卽荷戈去去行

萬里先生愛遊山崑崙揮雲裏先生校輿圖絕域接

天尾何須博望槎海已過安濟長吟猿夜啼悽淡塞

烟起洪河文思瀾慈嶺筆峰時冰雪悟餘光風沙關

名理鹽論每一過孤懷緬朱李

陳 瓌 青陽

萬里輪臺縹緲間  
迢迢車馬出秦關  
探窮星宿源頭  
水題遍崑崙界外  
山諫草至今留  
御座詩篇自

昔滿人寰盤根錯節  
寧無意大任將肩  
豈等閒

譚正治 旌德

一片金戈鐵馬場  
挺身原不計冰霜  
詞臣舊慣鸞坡  
直諫吏今趨虎帳  
旁萬里外圖時  
勘校卅年前  
夢未荒唐此行敢為  
先生惜只筭天山  
債已償

陳塾 青陽

黃沙四起朔風吼  
萬仞雪山迎馬首  
批鱗不殺投新  
疆狂直緣知 聖恩  
厚書生此去學荷  
戈 天

語傳來談耽酒手  
疏猶繁 聖主心頭  
願豈落將

軍手呼噪壯志銷  
不得搖筆精神益  
抖擻黃沙青海  
入唵鞍囊帳旂歸  
墨數嶺海欣逢吏  
部韓沉湘快  
得儀曹柳百日方  
周即 賜環選秀  
剔奇愁未久  
善從西域歸東海  
小挫亦知終大受  
君不見丈夫勲

業高星斗豈獨文  
章垂不朽

呂聖 旌德

似此遊方壯身危  
氣不唐夷堅窮地  
軸博望溯天河  
鳥道千山折龍沙  
百日過從今校圖  
說時辨古人說

汪瑗 旌德

月朔先舒月一鉤  
望鄉客上望鄉樓  
投荒漫作中原  
夢此是西南天盡  
頭

莫作烏孫戍卒看  
十年長見侍 金鑿  
天山百丈  
冰和雪尙念瓊樓  
玉宇寒

呂偉標 旌德

奇山奇水酷相思  
勸徧方輿卅載時  
應恐較圖遺塞  
外天教萬里走烏  
支

中壘文章冠漢京  
石渠天祿校讎精  
先生前後相輝  
映不愧齋名號更  
生

于淵 丹徒

昨返南朔棹來尋  
西海菴 先生昨從  
洋川書院 要隨  
同卽至焦山遊署  
雲共宿不與佛同  
龕蓬島頻年住河  
源一昔探蹟公  
詩百首何異啟瑤  
函

已東傳經帳何期  
出 漢都 歲已未  
家祖延至書院課  
程後以入都奔 國  
師不至心惟 天  
子諒詩劍古人無  
鏡視藏行篋關山  
入畫圖喜今趨鹿  
洞一一指前途

譚時治 旌德

萬里沙場外孤臣  
匹馬邁死生冰雪  
裏呵凍尙高歌  
探遍天山境詞人  
幾輩迎生還 思  
渥厚足慰著

譚貴治 旌德

書情

平生學業尙淹通  
解語居然並馬融  
聚米圖知詳地  
域生花筆更奪天  
工萬言削牘人爭  
誦 謂孤邪 五字  
教疏

曹景先 補溪

堅城客敢攻文苑儒林兼獨行問誰能繼此宗風

更生齋詩卷第二

陽湖洪亮吉著

百日賜環集

庚申又四月廿七日特奉

恩命釋回感事紀

恩四首

出關無別念止有首邱願何期

聖人恩特敕返鄉縣將軍塔下九叩頭微臣之命天所

留上懸螟蛉下螻蟻百計無能報天地

繫臣七十人臣罪最不赦寧知未旬日先已

詔書下一人泥首百衆隨塔下戴德聲如雷命輕

恩重無所惜挺劍終南殺殘賊

虞翻作逐臣一世未賜環縱有骨肉親不敢期生還

聖恩直與天地參投畀有北仍歸南鶴鷗怪啼魑魅笑

此客入關真再造

五月始生魄送者盈北關捆載戚友書代致閭里問入

關一日走一驛計到江南止三月茲還夢想所不及到

日閉門先感泣

將發伊犁留別諸同人

如天

聖主沛殊恩料理投荒未斷魂一體視猶同赤子十旬

俗已悉烏孫詎留齒髮歸銅柱西去即鄂羅斯相傳有唐堯時銅柱上懸寒門



二字西城人死者魂氣皆真戴頭顱入玉門他日荷勸  
歸于此如中國之岱宗云  
農事了築廬先署海西村

嚴鼓三聲曉漏收將軍營外引纍囚此生不料能歸骨  
萬死無言祇叩頭常擬帶刀同佩犢何曾投筆學封侯

渾河橋畔春波闊一輩羈人望未休

別惠遠城

下馬步出城百步屢駐脚長刀短後衣未忍即拋却

逐客縱已歸猶念未歸客今宵路岐夢分道向南北

瑪瑙斯龍門雷行

雷欲飛出山石忽逼雷住龍神復驅石橫截雷去路龍

施水法雷火攻水影火影懸當空水火箴燭星辰宮忽

然雷奔龍亦走龍旁小龍哭張口奪得雷輪大如斗雷

神歸山訖失守

殺來縣

十里一戍樓無異畿緊赤山城忽橫亘云以界西北關

門白鬚吏日昨適上值椽微囊要務奸尤亦專責車旁

勤問訊藉以驗名籍其餘童僕馬無不視清冊長吏出

郭迎吏驚竄無迹招遊驛亭坐先已具朝食官賢誠念

舊一一訊遷客不知經年來添得幾相識離家萬餘里

百事宜自適諄諄意良厚其話移晷刻客去始閉門林

陰正西直

呼圖壁

一日渡百河馬力亦已疲星光瀉空灘懸溜復四飛豈  
惟乏纖鱗波急草亦稀渡旁茅屋中燈火已出屏騎馬  
入土城風與仙尉期佇聽鷄井談藉以慰渴饑兼聞徐  
南昌時同年徐大令午先時理征衣倘得合伴歸百驛  
庶不迷語盡夜已闌當窗警晨雞

大令頻日致餞卽席賦贈三十韵

我為東海臣罪重謫雪嶺前行望西海祇隔八達頂聞  
言潮洶洶已備閩越艇艤商威臧足此道實荒梗來時  
冰萬丈去已孕桃杏投荒雖百日屈指萬千幸曩臣先  
未到幕府業奏請

國書三百字引例悉嚴整狂愚乃至此不殺不足警余未  
到時總統將軍已具請字摺密奏  
稀踏故輒卽一面入奏一面正法  
摩刀營門前到日卽  
延頸鼓殿方喚入長跪氣先屏厲語若震霆官皆上持  
梃歸來荒屋下閉戶匿形影時時語僮僕恐不待朝景

皇恩實寬厚往返不俄頃倘非如天德未免汚湯鼎同  
官接踵賀喜極代咽哽珍羞羅中丞陳巡撫方伯邀說餅  
歸方伯景照徵生仍懼禍觴至代以茗離城三十里馬尚不  
敢騎旬時經精河庶獲休要領脫身豺虎穴足甫踏人  
境自綏來以東方設明明天與日再得見公等前時覆

尊前至此斷飲恩並將徐亦奉况聞寬大詔悉欲洗尤青昨讀諭旨  
以京師甘霖

音偏并赦常遂令九死客一返鄉井兵先清隴蜀盪所不能赦者滌到河頰災黎都踊躍羣盜命合併巖廊固無論耕鑿亦清靜東歸理春田彌覺日永此意告故人故人應早省

將至滋泥泉汎雨

未來滋泥泉風色忽十丈南山青數點龍已扶雲上排頭盡如瓮勢欲穿疊嶂須臾雲脚下放豎指所向真濠半犁雨谿水未及漲淘淘南溝頭牛羊尚奔放沿村拾新麥打鼓襍俚唱車箱徐眠北斗挂客帳

四十里井汎

四十里井間祇有十家住十家汲井過併向麥畦注麥肥如野菽飽食耐征戍耕餘了無事間或插桑芋遂令半里間夾屋無襍樹南山團作障三面塞去路時有歸墟人穿雲白如鷺

三臺夜宿

峰巒南北途千曲天牛亂霞烘馬足山程九十到未遲覓得山村最西屋綠莎窗開波影搖酒渴我尚餐山桃夜闌殘月僅一綫紫燕白鴿爭歸巢

未至吉木薩二里見賽神者絡繹不絕時劉二尹之芳

亦出城相逐因作此以贈

彩旗彩勝從空墮滿屋春人賽神坐賽神已畢跨馬忙十里紅袖沿春塘城東出城愁不及爭上城樓向西立

鐘魚聲中角聲響馬上人皆避官長

廿九日發古城巡撫伊江阿大令阮曙竝馬送至水磨閣茶話乃別

出城聞泉聲到關復數里逶迤岡四面雲向水中起濛濛萍藻綠水鳥浴未已曲處響始奔驚流出潭底人栽沙果好都入北窗裏板屋止兩層高瞻忽迢遞殷勤相送客門外尚餘幾揮馬去不停林長久延企

奇臺訪同里張縣尉潮海

一刺字半滅長鬚方嗷嗷縣尉赤足來窺門忽呼號前月流人來今月流人返

聖恩真如天來去僅旦晚飯我屋正中浴我堂北箱百斛塵土盡阡然餘清涼主人雖至誠留客已不及三更出東城持燈上車急

道白山口取小南路往哈密

一山傾欹一山斷宛轉前行入螺旋山頭雲氣復四飛人行忽如蝨綴衣行完百里無一家荒涼并乏棲林鴉黃羊上嶺客登樹相望遙遙徹天曙是夕人馬依高樹下宿

道中遇大風避入山穴半晌乃定

白山之東絕椽瓦間有土房人亦寡雲光裏地亦裏天風力飛人復飛馬驚人哭拚作泥吹至天半仍分飛一更風顏樵者喚人落山頭馬山半將至七箇井宿

日脚欲下雨脚酣半嶺草色同江南山坳一道去如綫  
卅里外人皆覲面霞光天半色若顏新月竟與斜陽爭  
星光延回日光暝一道彩雲生斗柄

朝發七箇井雨

初陽甫出山絕壁忽挂雨馬行益奮迅踏破雲萬縷濛  
濛戈壁暗行及卅里許我僕穿徑來提壺擊篲管陰厓

巢老鶴猛志欲攫取征人思暫佇我意仍未許空翠落  
不完欣同僕夫語

初四日至節節草店露宿

新雨乍傾飛瀑溜一尺水深疲馬瘦雙鞭齊舉馬忽騰

傾刻已過坡三層駝蹄峰前祇一家新月欲出峰欄遮  
車箱兀坐夜忘禾腐齒猶能截堅餅

早行四十里至一間房小憩

大風搖天山旬日不出屋茅舍縱一間寥寥雞犬足昨

宵天始霽雞犬屋頭宿尤欣飛溜急潭水綠如玉心空  
聊酌水小坐傍車軸亭午尚一程搖鞭出林曲

駝臺三老柳行

自根及頂僅二尋老幹橫披忽千丈枝梢幸遇坡佗轉

不爾居然勢奔放驅車覓路尤盤曲騎馬入林時俯仰

風飄羊角忽迅厲枝撼鶴巢頻震盪排空欲攫雷電影

入眼爭言鬼神狀土人所言清泉竟爾流根宿飛瀑無端

挂枝上半晴半雨勢乍分一幹一枝形不讓近看十戶

民居繞遠與萬株松翠抗鍊形或是倚丹井相近有挺  
幹終須扶青嶂距村十里復掉頭攔路青葱尚堪望  
至蠟子泉雨驟大

戈壁無端雨先愁急溜衝電低偏嚇馬雲薄不藏龍躡  
躡千盤磴低迷萬樹松時南山口前行及山寺剛打午

時鐘

宿沙棗泉

伊犁三月三哈密六月六風日固自佳其奈客幽獨今

宵宿沙棗馬病擾心曲時一馬中暑病五日不食矣揮扇急出門臨

流看飛瀑林長久延佇石喜可容足鴉巢厭人影月出

競相逐雙燕獨有情更殘導歸宿

余發伊犁日理事同知哈豐阿贈一白馬性極馴謹行

抵白山改道由小南路馬忽中暑五日不食至三堡

汛勢垂斃矣詢于逆旅主人主人以為尚可救余即

留以贈之并作一詩寄意

視爾如新僕相期返故鄉艱難同所歷寒暑忽違常魂

豈招中野年疑等下殤頻行亦何意偏一傍車箱

自三堡至頭堡一路見刈麥者不絕多回部所種土人

三堡至頭堡畝畝麥新刈咸攜薄笨車往返數難記伊

吾節候晚已及三夏季纏頭何辛勤風雨所不避全家

挈筐植兒女在旁戲一歲祇一收倉箱已云備窮荒無

天時祇復收地利今看戈壁外沃壤庶無弃尚書膺大

任本裕經國計時覺羅長麟秦隴多流民移來就邊地  
邪教近又滋擾秦隴一帶并突至靜寧安定間

抵哈密日識毅伯伍彌烏遜招飯署東蔬香圃

屋中書繞屋堂下水周堂清絕無餘事時聞薜荔香

昔聞東陵侯今見安山伯皆種五色瓜偏能餽行客

蔬圃雖一隅百種花皆具成團胡蝶來成團胡蝶去

相公眞蓋臣侯爲大學士 伍彌泰子司馬習邊事哈密土魯番十

年勞卧治

長流水題壁

短流頭長流頭長流水流不休黃蘆關格子墩二百里

無軍屯黃塵燒赤日炙聲如雷裂山石

自哈密至苦水鋪作

兩車一馬裝亦華後乘滿載敦煌瓜一旬戈壁苦無食

幸與瓜時適相值日昨長流河今日苦水泉不復置若

梳惟應進瓜盤兩旬遙遙入關口縱刺數瓜當亦朽卽

以車藏酒泉酒

十三夜三鼓抵星星峽

天上星白瞪瞪地上星黑纍纍星星峽中十五夜天星

地星光激射一屋皆文一星縛須臾天晦地忽明地星

却比天星青北斗黯黯雞初鳴聲三號眠一眨炎炎火

星星峽

月夜自馬連井至大泉

入夜程偏好微茫大小泉鵲巢雲外突馬影月中圓達  
板鷲斜下征車偶倒懸林稍朦房近已有角聲傳

度赤金峽

茲山多赤雲石石悉靈異其濛當月午寶氣燭天地丹

砂巨南北碧澗分巨細絕頂闕石房玲瓏逼天際青羊

及馴鵲一一向空聯稍南盤一徑石古路如砌森森女

媧廟客戶競私祭兒童聚鄉塾師出盡兒戲黠黠神燭

昏脂車作行計回坡何襍沓足滑沙石膩出峽月已高

驚聞鼓聲沸是夕村人賽神

入嘉峪關

瀚海亦已窮關門忽高轟風沙東南驅到此勢已縮候

門餘數騎駿足植如木風遞管鑰聲嚴扇忽然拓城垣

金碧麗始見瓦作屋羌回分眇域中外此樞軸曉日上

北樓長城莽遙矚平衢馳若砥雪嶺俯如伏天形界西

城地勢極南服數折向郭東泉清手堪掬尤慙關令尹

來往餉芻牧駐馬官道旁生還慶僮僕

示關吏

詔許南回理釣磯奇聲關吏莫訶幾書生萬里歸裝內

添得長刀短後衣

涼州城南與天山別放歌

去亦一萬里來亦一萬里石交止有祁連山相送遙遙  
不能已昨年荷戈來行自天山頭天山送我出關去直

至瀚海道盡黃河流今年

賜教回發自天山尾天山送我復入關却駐姑臧城南  
白雲裏天山之長亦如天日月出沒相回環朝依山行  
暮山宿萬里不越山之彎松明照徹伊吾左隆冬遠藉  
天山火安西兩汗揮不停酷暑復飄天山冰天山天山  
與我有夙因怪屈昔昔飛夢曾相親但不知千松萬松  
誰一樹是我當時置身處茲來天山樓欲與天山別天  
山黯黯色亦愁六月猶飛古時雪古時雪著今楊柳雪  
色迷人滯杯酒明朝北山之北望南山我欲客夢飛去  
仍飛還

古浪縣七夕

古浪縣邊逢七夕天河橋外說雙星夜深偶憶小兒女  
遮夢遠山無數青

昨來三伏差快意飽啖甘瓜過蕭州留得一枚如碩果  
夜涼聊與薦牽牛

過枝陽渡

危樓在天上天半一橋橫清絕枝陽渡平番只半程  
水如天上來欲冒四山出四山如覆釜東北口微缺

自武勝驛抵平番

萬重山險忽已收又轉百曲羊腸溝前行正愁途愈窄  
對面乃復來車牛馬行攢蹄牛怒目百計方能挽牛足  
牛人杏啞馬夫歎半日誤程時已宴南行噪鶴北喚鳩

晴雨亦如風馬牛

客歲在請室中崔大令景儼頻入問訊就道時又送我  
獨遠今歲余奉

恩命釋回大令適官蘭州先飛札道中急待把晤因  
率占一律以寄

纓辭獄吏仍低首乍見交親卽解顏杜甫預悲成死別  
虞翻偏幸得生還含辛客路奔馳速旁午軍情措置艱  
崔時理軍  
需總局 爲我急沽來落酒與君先話祝期山祝期山  
卽火鎮

十五日過車道嶺時尚留一巨瓜因分餉僮僕及同行

伴侶并以瓜皮飼馬

西域餘一瓜剖餉及童馭瓜皮兼飼馬人畜皆悅豫  
征車方下嶺雲已沒車轍風向西北來天空雨絲白

荅楊文學琴

我前訪子梁溪北鯉魚如龍相對食昨君覓我黃河邊  
北風如虎吹出關出關入關止三月意外訪君君不測

君前寄我詩一篇令我回環誦難綴君今五十道在躬  
遊歷幕府寧終寤布衣欲作車丞相文教先布船司空

我今欲行爲子留攜手且上黃河樓黃河洶洶欲歸海

我屬河流少相待海上先人敞廬在

七月杪道出西安費大令潛邀集同里二十餘人宴我  
于署齋之海棠小舫卽席賦謝

短衣昨日過咸陽故舊都憐鬢髮蒼赤汗馬驚來異域  
余乘一大宛馬入關素心人喜盡同鄉蕚羹羹秋皆  
是日贈莊刺史折具皆鄉味雪窖水天夢未忘蘇武廿年臣百日以生中客  
牧羊圖感

恩真欲藉千觴

八月十五夜中牟旅次邀李巡檢宐春及逆旅主人共

飲待月作李自甘肅解餉回

居然一斗鄭州酒復有雙尾榮陽魚秣陵醉尉興不淺  
逆旅主者言非迂秋花叢叢入檐隙眉上都飛一輪月  
回汀風勢疾轉徐出水月光凹復笑酒行干巡客將起  
頭上玉簫吹不已主人長嘯客亦呼秋燕驚飛鵲巢裏  
官漏亦已絕車鐸又復喧明晨醉眼上鐵塔飽看萬筆  
揮如椽時值秋試

十六日抵祥符與蔣表弟青曜話舊

十年又向祥符過把臂故人無一個祇餘髯蔣住北頭  
貧病亦憐豪氣挫我行萬里歷七州腹痛屢過週規樓  
昔遊西安開封皆依單尚書節署主人脫去巢已毀我正荷戟天西頭  
前遊轉悔耽書誤風月梁園等閑度嚴長徐堅王復復邵  
晉約客類只我書堂日扁戶此時豪興忽復來無意更  
上城南臺土街嘈雜棚巷窄且擇隙地同徘徊三更開  
筵四更歇望後清涼一輪月與君歷落論盛衰逐客亦  
厭遊天涯

十八日祀縣東郭阻雨  
兩日兩夕秋雨大祀縣東頭不能過疲羸顛蹶泥土中  
雨衣不完油輻破水深一尺村農喜東陌西阡麥苗起  
鄙人拚得三日留只恐灌頂黃河流

商丘作

三日愁霖大黃河欲倒流魚蝦成水市鷺鴨占城樓久  
戍兵纔返時守兵半隨巡撫守盧氏經時麥未收儒生半投筆土人云今歲應試者最少爭欲事兜牟

廿三日將至江南境大雨

堪憐海西客纔聽江南雨迢迢萬里來海西十日五雨  
行何稽八窗檐漏無時歇寒甚燭光青欲裂愁中淮岸  
三尺風夢裏天山萬年雪

過宿州

鴉鵲聲裏轉西風秋色江南倍不同夢醒鄉心覺振觸  
瓜花黃過宿州東

宿州東阻雨

州南飛鷺絲州北富葑草茫茫葑草高逾屋白鷺絲多  
部民少州城正當決口衝三板不沒天回風扶攜老幼  
向何處江北民戶逃江東高田出水會無幾却慮河流  
更東徙河魚驕盛不畏人白日城墻曝尾東西路斷  
已經月門外水泥皆尺一投荒客到且不愁飽飯魚蝦  
待晴日

道中無事偶作論詩截句二十首

偶然落墨竝天真前有寧人後野人金石氣同畫桂氣

始知天壤兩遺民

早年壇坫各相期江左三家識力齊山上蘼蕪時感泣

息夫人勝夏王姬謂吳祭酒偉業為江左三家之一

筆底居然絕點塵卅年大雅藉扶輪爭傳北宋南施好

恰與邊徐作替人

蠶尾山人絕世姿聆音先已辨妍媸何應一代才名盛

只辦唐臨晉帖詩王尚書士正

藥亭獨渡許相參險苦時同佛一龕尚得昔賢雄直氣

嶺南猶似勝江南

只辦人間時世粧名姝未稱古衣裳查編修慎行不凡作事

惟龍子拍手先驚斜律光陳檢討惟檢

枝刊存疑信可嗤近人刻吳天章集于後先相距不字二字同異皆注存疑譚吳妻康

多時名家往往無全集贏得人傳選本詩方心等

窘于篇幅師王孟略具才情仿陸蘇學古未成留偽體

半生益覺賞心孤

晚宗北宋幼初唐不及詞名獨擅場辛苦謝家雙燕子

一生何事傍門墻宋檢討

茶烟縷縷出山厨遠左名家竝不如一事枉拋心力苦

欲將尚史比藏書牙青山人李鎔

長慶老郎人不識開元宰相先知試看甲秀樓頭句

不愧名同諸葛福鄂文瑞爾泰有紀功鐵柱在貴陽虎南門外其旁有祠傍諸葛武侯字堂

亦名丞

近來浙派入人深樊榭家家欲鑄金何似耕餘老居士

百篇猶有古遺音謂鄭孝廉世元著有耕餘集

遊戲詩應歸苦海性靈句實逼香山同時老輩猶難及

只許錢程伯仲間袁大令枚錢俸郎戴程編修晉芳

四十九年前一日世間原未有斯人此二句阿文成相桂五十自壽詩相

公奇句誰能敵祇覺英雄面目真

雲谿南北兩詩人黃景仁追楊起文不以烟霞蓋魯芻

尚書亦足張吾軍錢文敏維城

鬼簿算經雖作俑王楊盧駱信難訶近來海內詩家少

一半人誇記誦多

氣粗語大定何如百輩先慚筆力輸各有醇疵不相掩

弁山前後兩尚書謂畢宮保詩集才氣橫逸絕似前明王尚書世貞

虞山文筆比詩工齊說一卷齊梁體格同贊善鄭贊善虎

文學韓王王方伯大岳學杜愛才兼有古人風

描頭畫足高東井高孝廉文照盪魄回腸墨叔遊醫主

上虞張處士每誇醉列月氏頭張處士鳳翔上三人皆同余在安徽學使未學

聯云藍園盧杞膽醉列月氏頭

祇覺時流好尚偏并將考證入詩篇美人香艸都刪却

長短皆摩挲壞編

將至固鎮

平岡方縱眺烟水忽無涯一道黃蘆港都成白鷺家竹  
房經雨壞漁網帶風斜問路偏難準蒼茫十里賒

過臨淮關憶亡友黃二景仁

及到淮南路尋思三十年夜窗書共讀吟舫客如仙  
更誰能解貧仍不受憐傷心黃叔度泉下已高眠

過滁州憶亡友朱訓導沛

所交盈海內誰可作人師只有朱居士無慙元紫芝百  
篇于道近七十八官遲腸斷西岡路瀕行手重持

自浦口放舟至觀音門

且展篷窗緩舉杯蒲帆百尺水鳴雷不妨東海波臣笑  
逐客新從西海來

燕子磯守風

陸程何其長一百二十日方買一葉舟風急檣又折空  
灘一步不可移烏鵲亦向西南飛蘆花白處雲氣黑坐  
看日腳平沈西逐臣自分千天譴萬死南回尚難免何  
堪十日五駐程風伯兩師頻致錢花樓攤書讀不休飽  
飯更上空王樓浮生過眼行可歎沿江纍纍石俱爛

抵家

鄰舍墻頭望親朋戶外呼生還亦何樂聊足慰妻孥  
雪窖冰天歸戍客瓊樓玉宇謫仙人生還檢點從前事

五十年如夢裏身

趙兵備翼以長篇題余出塞詩後報謝二首

四岳三塗力不支避公海外去吟詩惟餘日月同中土  
不覺鴻濛是昔時山鬼憤覘人動息天龍爭其馬奔馳  
歸裝正苦無奇句辜負先生弁首詞

老結雲笈朱莫鄰詞場官局幾番新七千里外尋陳語  
君前任貴西兵備及余視學此省已十四科中認後塵  
距二十年尚子行部時見君吟詠

雪舫正堪談往事雲山難得共開身玉堂此度真天上  
公作邊臣我逐臣

附原贈作

趙翼

人間第一最奇景必待第一奇才領渾袍倘無人可  
鑿不妨終古惜不醒中原一片好景光發泄已盡周  
漢唐所未泄者蠻獠窟天遺李白流夜郎又教子瞻  
渡瓊海總爲僑昧開天荒伊犁城在西北極比似炎  
微更遠僻烏孫故地羶裘鄉雖味何會讀倉頡近年  
始入坤輿圖去者無非罪人謫一聞嚴譴當出關如  
赴鬼門淚流赤豈知天固不輕與若輩紛紛何足數  
要等風騷絕代人來殉鴻濛舊風土稚存先生今李  
蘇狂言應受櫻鱗誅熱鐵在頸赦不殺廣柳車送充  
囚徒天公見之拍手笑待子久矣子纔到鍾儀故是  
採南音科律何妨歌北調從此天山雪嶺開神馬尻  
輿恣吟眺

國家開疆萬餘里竟似爲君拓詩料即今一卷荷戈  
詩已如禹鼎鑄魑魅狂風卷石落半嶺堅冰鑿梯通



九達人驚鵬撲抱頭竄雷怯龍門飛輪馳生羌變隨  
或刺腿降夷化魚皆遊屍皆詩中隨手拈作錦囊句

諾卑狹陋寧須支翻嫌

賜環太草草令威百日歸華表倘更留君一二年北

荒經定增搜考憶君唯恐君歸遲愛君轉恨君歸早

歸里後案頭見友人問訊書稜已盈寸作此奉答

南歸真復對妻孥更訪黃公舊酒壚絕域先傳界豺虎

故鄉否可見鴟鴞山海經鴟鴞見城傷離罷種文無草

避毒誰攜押不蘆時有友人索阿好語海濱垂釣侶

人休更淚成珠

余文學形畫山水竹石幅見貽作此報謝

千山萬山客始還無夢不與山相關忽然一客款門至

贈我百尺山彎環危墻陰日光縮復有三竿五竿竹

故人此意良獨殷以竹以山娛宋莫故人昔日知名早

下筆萬言超意表賣文不活方賣畫賣畫繼供一家飽

憶君更憶君茅堂亦有怪石兼修篁茅堂東邊襟雲樹

我昔曾從畫中住腹痛鄭公門外路君尊人余受經師也

答友人問近狀三首

自從伊江歸閉戶不敢出惜無先世田可以給晨夕中

年一哀樂并力事撰述茅廬枕江泥日起掃一室蕭閒

無客至時復理卷帙庶幾能備書八口仰以活

一兒初計備一兒未離塾呼僮拾墮薪庶可佐宵讀其

餘孫與子襁褓尚善哭梨桃雖未競時欲索饋粥昨來  
山中友約我種黃獨善卷山地美歲歲少荒熟吾將攜  
長鏡畢命此山谷

昨來方閒居老僕忽窺牖助我尺素書言來自江口側

聞雲霄客念及耕釣雙飢寒門內事詎足累交友幸茲

中歲後神智未衰醜奇書倘編校事或需下走吾雖乏

三長一得庶時有囊錢與東脯計功良可受

立春前一日出郊訪迎春堂故址因遇團叟均祥話舊

均祥余乳子

四十一年上衰翁挈家孫來從太平寺閒訪小東門野

鳥顏寧識堂獅劣尚存惟應灌園叟猶認乍歸魂

兜觥還趙歌為趙大令貴覽賦

神廟廟立當冲年方禮師傅開經筵忽然宰相報父死

據政乃不思歸田編修吳中行檢討趙用賢詞垣本乏

諫諍責抗疏反在臺臣先二公不死實天幸血肉狼籍

形廷前此時英英許文穆獨執兜觥行且哭同官饑別

事亦常正氣稜稜挽朝局君不見救朱雲辛慶忌救陽

城張萬福武臣何忠諄文臣反瑟縮差強人意惟許公

稍為儒生洗慙辱此觥閱歲二百餘如璧歸趙盟無渝

我作兜觥歌淚若綆貫珠梓宰相者罪瀕死忤

聖主者當何如始知吾皇聖德古所無歐刀在頸赦不誅僅使萬里行長途樞

庭昨忽下急符絕域已把流人呼小臣萬死不敵辜乃復荷此天高地厚

恩施殊我欲借兕觥獻觴于

九重并爲千古萬古臣子勸曷不肝腦塗地歸命于蒼穹君不見以今視昔何不同堯舜之主臣偏逢漢文宋哲尚爾遠不及何況明代末葉之神宗嗚呼曷不肝腦塗地歸命于蒼穹

劉舍人召揚自山左寄示潘文學夢陽驛柳詩四首并

約同作因恩猝賦此卽寄文學

萬綠濛濛夾去津鞭絲影裏柳絲勻何曾肯縮千回別只解平飛十丈塵地近紅心愁成馬天留青眼閱勞人春明門外重分手一度相看一愴神

半生蹤跡共榮枯記得迢遙往事無李白舊曾傷遠道

楊朱今與泣岐途秋期黯黯金風透春路茫茫玉雪鋪

擬向下河亭長說流年真欲寫成圖

憶共柔條賦遠征出門西望迥含情萬株密蔭長楊館

一逕斜穿細柳營馳道舊聞通候火捷書先喜報銷兵

風光畢竟秦中好走馬來聽谷口鶯

和烟和雨一絲絲三復君家憔悴詞絕憶戍樓勞遠望

前歲余遣戍時君適在都下送我獨遠并傾囊中爽相贈別

幾曾驛使寄相思愁生

王粲南登道南歸前歸話到桓公北伐時惆悵玉門千萬里合情頻折最高枝

小除日卷施閣祭詩作

不意茅齋內居然拓八窗源曾探西海派尚憶長江逐客形非獨寒梅影亦雙百壺聊自慰淺醉對銀缸

更生齋詩卷第三

陽湖洪亮吉著

山椒避暑集

辛酉正月二日步至前橋村上冢兼至大姊宅久憩  
 我行八九里筋力喜尚強前抵松栢林連屢眺層岡步  
 緊不敢舒先世之所藏何意俯仰間愛弟亦在旁攀條  
 泣然悲我鬢久已蒼地下骨肉多會面庶久長半里謁  
 姊居迎門慶扶將亦有容忝居闔戶羅酒漿三田昨大  
 收已穀一歲糧我謂隙地多代補幾樹桑却待菜作花  
 還來啜新黃

天寧寺僧借月兩以詩見投戲得八百二十字報之  
 我性不佞佛而喜方外交苦憶揚州僧八句名誦茗西  
 山有顛禪神理亦復超不語已九年見客兩手招今為  
 謫吏歸偶詣知客寮聞有借月僧形癯事推敲為爾播  
 蠟屐為爾經谿橋爾從百僧中揖我坐砌坳我于儔類  
 間望爾成詩豪我與宮樓肖爾詩筆高迢迢西蠡河  
 似爾詩致遙不然艤舟亭綠水可半篙與子攜竹籬悠  
 悠泛輕橈不然紅梅閣絳葢已半飄與子學坐忘沉沉  
 蕪香茅否則樓三層夜半禮絳霄否則塔七級凌晨歷  
 高標猶勝居一菴時時坐團蕉蒲半吼五更木魚響終  
 朝禮佛佛不知泥塑而木雕頃佛佛不磨唇乾而口焦  
 窳老盡氣時生趣總不聊不聞金剛禪能拒鬼伯邀不

聞大乘經能使罪孽消他人飫八珍爾獨食一瓢他人  
 羹重茵爾僅絮一條趨承象檯那世故仍膠膠經營伊  
 蒲餐歲儉猶嗷嗷不知天生人洪鐘鼓鴻毛天無所容  
 心人何必太勞我得定命丹非世所及科生老與病死  
 安坐任所遭不知人在世蟻蝨處縕袍附身身不知偶  
 或相爬搔我得養生法身外一切拋難豬與蔥蒜遇便  
 卽飽餐結習苟未忘間或追風騷我唱子必和我歌子  
 其謠三百六十日往往忘昏朝一十二萬年茫茫齊壽  
 天縱有甲子期何必詢大撓似聞三神山亦已沉六鼈  
 羣靈無所歸空中任翔翱誰向足底過不士噉盧敖生  
 生遞銷除物物難堅牢惟有行樂方可解末俗嘲黜生  
 時時來向我屢折屢醉鄉何其寬一世皆弁包炎精貢  
 火梨金母致木桃灤河鹿重胎淮浦蟹兩螯流沙割么  
 鳳蘆水烹文縑芸芳出陽華桂樹生招搖闔中紅荔支  
 涼土黃葡萄南州設寒具北地致冷淘妖姬蕞綠華童  
 真王子喬為我彈素琴為我吹玉簫湘靈鼓瑤瑟洛浦  
 銜雲璣或欲赤雙足或復垂雙髻翩翩有光施裊裊難  
 摩揣醉飽為語言古欲過卦又嫌鋪三百軸軸軸敝人  
 綃文簫與采鸞為我玉手鈔醉呼日月星吸我醅與糟  
 狂叱江海流變作醇與醪子其從我遊飄飄復飄飄庶  
 幾末路慳不為異說清彼教倘有人卽以子作招仍煩  
 走諸方一一呼其曹或歸士與農或混漁與樵同祈享

昇平各復修宗祧充腸苦壑鹽澗之以脂膏章身厭袞  
裘束之以紳條郁郁梅檀香化作蘭與椒森森檣幢林  
化作旌與旄所得如邱山所失無纖毫一炬尚可收無  
待原火燎一派尚可挽無待洪流漂我爲子作詩非徒  
逞喧囂冀子鑿苦心中道回風飄戒衣旣已穿華髮亦  
已彫生旣不可恃死亦不必逃我言旣諄諄我醉仍陶  
陶

過祥源觀訪陳刺史明善

故人近住祥源觀老友時過楊陟庭謂楊刺史準待北  
河春水發墅橋安穩共揚船徐壁

十四夜同人至各廟觀燈棚歸路過白雲谿步月

青牛老子廟白馬社公祠古屋門齊敞疎燈架已支東

梅纜放後春月正圓時却向雲谿步無嫌夜漏遲

辛酉元夕燈詞十首

百串歌珠百串燈綠楊枝外九龍升商量踏徧城東路

先把浮屠七級登

更關女伴各招邀八字尖西巷數條走得三橋更思五

迎春橋轉玉梅橋

撥灰誰復認前塵被酒黃墟屢欠伸只有溪童偏識姓

廿三年上喚舟人

今宵無月有疎星僻巷行來草乍青挈得蔣三茶話去  
洗心池上小方亭

燭龍七節影俱無空有邢溪似畫圖却約十番諸子弟  
孫家廳北戲於菟

夜久頻將玉笛催白雲尖上冷徘徊谿流到此先鳴咽

不見紅窗四扇開

轉憶輪臺樂事紆蠻姬十隊合吹竿三更人馬皆同色

杏子紅衫汗血駒

一條春港乍冰開艇子如風去復來看盡廟燈三十架

所思不到雨偏來

兩邊簾幕影參差方玉堂西月午時只向最無人處走

芒屨先踏晏公祠

日日衙齋燈火盈一樓絲竹慶昇平人生只有鄉園樂

萬里孤臣夢尚驚

積雨簡趙兵備翼

三月不雨當如何內河水涸連外河吳船寸步行不過

斷港日日挑泥螺忽然一雨卽五日怒雷聲喧喧不歇

人言未蟄先啓蟄一百廿日晴晝失西鄰翁歌苦寒見

示苦東手三日書難觀東鄰叟歌苦雨隔巷招邀期亦

寒歌東手三日書難觀東鄰叟歌苦雨隔巷招邀期亦

阻皇天有意寬災黎米價不復能居奇昨朝三十今廿

五只有菜把仍拖泥米價稍平惟蔬價甚昂市沽常糶況出糶君不見龍嘴

灘帆盡走豬婆灘停不久銜尾糧船出京口  
雨中得莊刺史斫榆林寄書言甘陝盜賊已盡喜而有

作

閉門六晝雨如塵，枉却江南乍好春。只有蟲書消永日，  
愁無蠟屐走西鄰。茅齋伴客餐乾糗，竈屋呼童爆溼薪。  
稍喜八行來遠道，早聞盜賊靖三秦。

廿四午後暫晴翌日復有雨意再東越兵備

乞得田間自在身，課晴課雨閱昏晨。天山尚夢三時雪，

人海初平十丈塵。浪說戈頭能浙米，幾曾釜底乞分薪。

燒燈市外雲如墨，辜負風光過早春。

東西街近屢經過，各有門迎八字河。此客半千殊未敵，

買卿百萬不為多。書生絕概曾磨盾，先生曾奉命參軍

逐客新疆偶荷戈。咫尺五湖烟水關，得閒休負釣魚

策

二月二日獨行至城東北謁土神祠幾徧回途至玉梅

橋觀社火作二首

巷南行已徧巷北此重經，一陣社公雨三層雲。母屏水

心初漾白柳眼乍回青，絕憶年時事斜橋且暫停。

土風今已變社日勝元宵草綠烏衣巷，花明朱雀橋滿

堤喧畫鼓隔院喚，餽簫聊復行歌去。城東有酒標

花朝日午晴邀諸同人各攜一壺一榼至橫舟亭小飲

乘月乃歸即席成長句一首

檐漏乍歇箬風清，天放一角東南騰。同人宿約竟思踐

十里五里同遊行，橫舟亭枕大河側。五兩往往衝簾旌

布帆樓外出無數，去者如送來如迎。辛夷纔放梅未落

墻角老杏先敷榮，風光好處一亭綠。綠柳裏，空中紫

與花對面設高座，雄談四出聽者驚。烹蔬各復出新意

洗盞未了仍飛觥，沉思往事亦何幸。昨歲此日烏孫城

磨刀置頸久乃釋，賜以區脫全餘生。豈知此日對花飲

座上八客皆知名，淡光簾影恍如昨。一一逞態來檐楹

諸公莫更堅，拇陣頭上怪石危。將傾喧聲入樹鳥，巢動

老鶴笑出筵前，鳴酒酣各復繞。廊步衫袖拂處香何清

臨河亭子闕丈五，玦月未出波先明。嫣然修竹靜如笑

似與花朵爭，高擎嚙攜一盞向何處。苔滑石洞穿崢嶸

祝花生日并自壽，笑我一往饒深情。髯翁去後七百載

或者海外仍騎鯨，不然即跨赤壁在。落落游戲歸蓬瀛

文章在世匪偶爾，動與氣數關。虛盈矧公大，節越流輩

詎止洛蜀稱耆英，零篇斷簡映天地。文采縱落留精誠

此詩此筆復繙讀，代有作者誰能爭。即如硯池祇一泓

墨，潘尚在光晶。瑩餘波沾溉及一世，清亦可濯塵中纓

眼前樂事最難得，何必擊筑兼吹笙。君不見仙亦不羨

茅初成，幻亦不學王方平。五侯綉復傾入口，狎客詎識

樓君卿。關心別有一二事，梁上語燕林間鶯。商量桃李

及時放牡丹，勺藥況已萌。山陰清酒京口釀，誰其為我

儲百累。此生萬事不可料，未審明歲將何營。與爾一笑

出門去，攔客花影偏縱橫。

十三日同人復約至趙恭毅祠看杏花，回飲蔣太守熊

昌宅賞玉蘭花作

五更枕上聞剝啄瘦僕排門徑相速為言紅杏開半株  
 恭毅祠西一間屋江鄉又饋刀鯽至驚筍出籬剛一束  
 眼前光景期不負遠拉髯吳俊臣及濯陸伯才南華先  
 生有加饌出水鱖鯪悍雙目頽州食指久已動有客梅  
 前避就毒厨娘洗手緩烹任膈若凝脂肪如玉其餘蔬  
 果七八種糟漉蟹盞鹽漬肉吾徒寧僅事口腹冀欲昨  
 詩今夜讀況聞阿買近已殤謂蔣與昌通判所馮一孫約至西齋慰  
 歌哭荒鷓留客談益縱茶味方回酒剛熟雜僧又復攜  
 花至七尺亭亭樹如沐為花位置久乃安徑把塔西古  
 苔刷秀栽修竹或四五白璧終須伴蒼穀主人意欲傾  
 家釀一斗初完百壺續參軍觴政東溼薪作吏極良糾  
 則酷淋漓百盞急思避口令瀾翻及詞曲雖然盤樂亦  
 當戒雅興何須十分足半圭春月縱未墮已換兩番銀  
 蠟燭歸途南北更握手天外濛濛柳絲綠青錢三百倘  
 復贏明日定來看覆局時太守與兩吳君角棋互有勝負  
 十五夜獨至雲谿步月

燕後花前春好鷓邊竹外樓高黃舒新柳一搦綠響回  
 波半篙

可惜舊時風月都銷一徑雲烟倪姬閣仍臨水即舊館  
 王家艇在誰邊舊雲溪有渡舟高師名王太年

十七日趙兵備翼蔣少府廷暉疊邀賞山查及杏花薄

晚歸看燈作

山查花紅杏花白兩地賞花日已夕寬衣側帽行水東  
 却好徑側來和風趙家茶花甲城郭亦繳當空日華薄  
 蔣家文杏種亦殊昔時一株今兩株闕干影裏分南北  
 花上晚霞皆五色春花艷極乃不香祇以顏色耐春光  
 風光只有花朝好燕剪乍來蜂尚少兩家觴客酒百壺  
 月出隔岸聞歡呼樓臺一帶光凌亂花影入波波亦綸  
 浴溪約略三兩家歸客攀樹驚棲鴉齊鐘初動客初醒  
 花外萬枝燈火影

十八日戴村土人約食河豚因放舟詣其居并留宿  
 鯪鯪肪白土花斑風約凌晨出北關却到戴村渾半日  
 舵工云轉十三灣

牛宮斜對讀書堂纔出堂扉便廣場不種疎梅與桃李  
 門前十里菜花黃

十九日偕陳刺史明善同詣亦園夜宿即席賦贈  
 我初來亦園主人耽賦詩坐客劉文學邵文學屠刺史  
 各各拈吟髭我再來亦園主人思彈冠名士欲出山笑  
 殺蔣特御與袁大令山中後窄拋離久卅載復來園畔  
 走紅香亭暗綠閣傾一壑一邱何所有亦園主人亦可  
 憐五十乞養囊無錢折腰空拜道旁吏歸骨已少城南  
 田窳州遠在風沙窟自說歸衰僅冰雪賣刀買債記前  
 時作字換鴛空此日主人工書時主人雖貧仍愛友布

一筵談夜漏闌空月出樓鳥驚醉折園花爲君壽  
月上攜酒花神祠下小飲

夢中欲去醒復還門外流水聲潺潺主人約客啓一關  
天嬌十二排紅關神令却立玉作顏佩影空際鳴珊珊  
仙人顏色皆渥丹騎雀無數雲頭看案旁一人堆髻鬢  
斃若桃李香吹蘭格高意遠不可攀幸昨識面緣非怪  
乍離乍合彈指間嫣然笑口合覺難三十三徧春花殘  
始知神仙在世亦不閒況我木石心同頑作詩題壁興  
亦闌月午花朵偏班燭放船出口越數灣卧看一桁船  
頭山

古香齋栢樹歌爲陳刺史賦

古香齋頭兩株栢出土根同餘如劈主人齋屋斜向東  
一樹從南一從北虬枝擊屋屋已破拔地青蒼刺天黑  
森然四角沉陰滿日出當心不能赤人間落落古丈夫  
天半亭亭挺孤直飽經雨露顏仍黝不與凡姿競顏色  
主人愛客客奇絕三十年前住所夕客行握別樹始栽  
樹竟幾番長過客今來盤薄山齋內樹與主人皆素識  
摩挲撫樹對主人可惜主人頭竟白客今行周三萬里  
樹亦添高廿餘尺祁連山頭楠木滿曾遜此株雄且特  
頂平不待修雷斧餘老偏能挽風力枝經數折撐霄漢  
根已三重透泉脉因思復有三十年樹欲扶天人入穴  
沉吟不厭百回步徙倚每聞三歎息十圍櫟樹枝皆俯

半里松濤響誰敵心空早厭禽巢關眼冷靜將人海閱  
商量何物件歲寒移得園東丈人石

二十日微雨自徐墅七里步至潘墅買舟歸  
徐墅及潘墅弓背路七里雨絲雖驟灑客步亦徐起買  
舟東岸下柳外天始霽紆徐路何曲偏仄橋欲圯行至  
西小湖驚翻一雙鯉

廿一日同人遊東嶽廟久憩禮斗樓

奇花初孕雀初胎曾約幽人一再來要望紫雲飛過處  
大家排手上層臺

長日悶從何處破拈得紙燈繡夜課三層樓上月當心  
燕子不來人獨坐

寒食已刻趙兵備翼招同趙比部編男將太守熊昌莊  
宮允通敏陳大令賓劉宮贊種之小飲山茶花下卽

席賦贈

萬花紅處展初停勝踏橋南百草青此樹果然同畫錦  
故交先已若晨星十餘年前曾同盧學士文報才奇耻  
莊明府編祖德此今皆下世  
著談龍錄席間主人論及近屋廣仍餘旋馬廳何辛洛  
時人詩議極平允屋廣仍餘旋馬廳何辛洛  
中耆老會始衰先得附頽齡生中客自八十五至六  
十惟余年僅五十餘  
是日晚偶成  
月到廿三剛半夜客從二十便孤征何因沙漠歸來早  
重見江鄉節序更蒸黍未嘗忘絕域伊梨清明日賣錫  
以蒸黍饋客  
先已報清明籬桃乍放溪梅落算在人間又一生

莫折柳歌清此明日起見人家皆折柳插門戶感而賦

君不見道旁人歲復歲傷陽春又不見道旁柳年復年  
摧客手緒白馬迎人歸所種樹皆成圍門內人門外樹  
縱相離無十步客欲折人已噴人愛樹花憐人前花朝

後寒食柳眼青人鬢白

清明日早起

一片迎神鼓驚從枕上來最憐新節序須覓好池臺鳥  
逐吟聲嚼花同笑曆開兒童漫相詫廿載客初回予自  
己亥

後至此始值  
里中清明

廿四日西堂獨坐

魏紫姚黃放尚遲東風先落小桃枝梨花白到銷魂處  
只有雙雙鴛鴦知

廿七日上城東浮屠遠望

偶踏城東路孤僧為煮茶因登七層塔看得一城花  
挂帆東北去尚未越溪灣只有吟眸關能看百里山

廿八日莊徵君宇遠招飲小山堂看花作

抱病經時履跡稀忽傾家釀佐鮮肥春從傍水朱門入  
花繞扶風絳帳飛雲外子規啼緩緩夢中胡蝶影依  
主人未是耽狂飲憐我新拋短後衣

初二日味辛齋看海棠作

無香色已冠香林艷向亭坳屋角尋隔岸綠先浮曉漲  
對牀紅欲膩重袞秋花祇作傷心草蜀魄原疑其命會

一曲闌干三尺影幾回燒燭到更深

三月三日攜酒出遊并上城東浮屠  
風光真已勝清明杏葉扶疎柳葉輕上已幾年悲遠客  
先庚三日喜新晴初一日晚積雨始晴  
至初四為庚辰日書從薄洛津邊  
至是日得蔣仲  
先河南書酒向浮圖頂上傾不是遇花偏痛飲更

誰佳節住江城

顏大令崇榘寄示明楊忠愍公名印敬賦二律

不與頭俱碎惟餘石一拳百年宗社託三字姓名傳入  
世心先剖登壇肘偶懸何須尋四角應有怒蛟纏

却憶明中葉權奸盜國章幾人關氣運此石閱滄乘尚  
有朱丹色彌爭日月光危塗如借佩螭甍爾何藏

趙兵備詩來嘲余牡丹未開遽爾召客因走筆用原韻

作四百二十字報之并邀同作

前日上已過後日穀雨至天公遲春容伎倆已畢試惟  
餘木勺藥墻缺尚需次舍苞雖未吐已復極委致春鶯  
翩然來胡蝶各展翅鄰家雙紫燕日向欄橋伺主人亦  
瞿然此足助詩思萬物取氣先遲恐不及事以口試問

心催花具當治倘經三兩日蜂蝶必大肆成團舞花下  
人反無位置鄰翁顧相嘲笑我先設施何如花放日花  
下具筵熾看花仍縱飲乃拜主人賜不知主人心蓋亦  
有所自流年如電掣稍縱即欲逝前時錢辛夷欲待月  
十四十三風雨破白壁忽捐棄留花無別法祇隕花下



涕因之悟消息事須早計一觴兼一詠庶不失交臂  
諸公誠詩豪亦可預先製名篇早流播不使有疵累又  
聞此花開神仙定遊戲以我廁其間造物或者忌何如  
先數日看此欲開意花光雖未破先足嗅花氣梨桃及  
棠杏四美況兼備縱然輪國色紅白亦奇麗午餘新月  
好旭日又晴霽譬如名姝來先已勝姪娣遲延至月望  
花迺徧甲第家家排花筵勢必窳百味而我先設餐庚  
不啻粗糲先生展然笑此或自爲地牡丹開十日鶯粟  
又當替藤花三兩架紫艷半空薇芙蓉與金粟一一綠  
此例主人詞已畢客或笑詞費仍須討主人別具餅一  
筭謝花兼謝客并助詩氣勢花月皆十分何妨再揚解  
趙兵備以十四日招客讌牡丹花下先期以花朶絕小  
作詩解嘲因用原韻復得五百八十字答之

我家一叢花發自月初九將開及全放自卯看至酉凌  
晨攜卧具月午竹尤久今年比前年花朶益稷厚將傾  
十家產約此數執友忽然敲門來遞到詩一首千言何  
反覆欲自飾怩怩主人詞未畢花已若蒙垢我爲花歎  
息轉向主人叩解嘲既前作踵韻曷敢後名花同主客  
兩造愈紛糾今來展詩讀花乃開笑口主人非憎花其  
實乃惜酒酒纔量升合花敢大如斗如能傾宿釀日日  
約儕耦更呼箏琵琶花外小垂手園亭雖未廣水木足  
淵藪池寧嫌屈曲山不厭培塿尋檐引芻尼關港貯蜩

蚪斜飛紅映蝶倒挂綠鸚鵡花光既全舒花蘊始盡剖  
圓花與圓月上下璧合紐自然圍徑尺益復致抖擻耐  
春倚池臺窺客入戶牖黃紅紫墨綠五色無不有主人  
不負花花肯主人負今聞乃不然花亦欲回語年前春  
乍半挈棹至虎阜買花先靳價遂不計美醜歸同薪把  
束益致種種糅譬如龍鳳姿肯齒牛馬走名雖市娉婷  
實則計子母花神暗中笑此老亦奚取如何不自責反  
使花受咎不見劉中允種之不見蔣通守昌千金買傾國  
臉杏臂則藕錢刀惟不惜貴在得幼婦名花倚闌檻靜  
女執箕帚理固無不同珍皆等瓊玖主人讀新詩唯唯  
又否否花無纖介失過總主人受鼠姑開已徧次欲到  
鴉舅香丁紫瑣碎茶甲黃蕾菩翻反山櫻桃旖旎水楊  
柳菰蘭成一頃樹蕙又數畝凡茲眼前景均足佐樽卣  
如思其晨夕竝可約誰某名花分向背好友列左右目  
成原不易心賞亦非偶闌干巡乍徧墻角放徧陡商量  
設几席羅列到瓮缶者寧侈水陸團自足筭韭沿林採  
松簞搜徑覓竹總將雜雜登木合隊魚麗鬪山陰酷正  
熟淮北麵須浚一一炊溼耕時時具乾糗花前成勝賞  
兼爲主人壽我若醉百回頽然亦成叟

偶遊夾城菴題壁

夾城菴風日好人欲往橋先倒牛羊多人跡少百株花  
一坡草僧歸遲燕來早

十五夜小飲牡丹花下待催三景侃不至

燕燕鶯鶯久作羣墻頭入夜望如雲得天獨厚開盈尺  
與月同圓到十分何處更容傾國見此香先已上樓聞  
誰憐露白燈紅夜倚徧熏爐待鄂君

劉中允種之齋頭紅牡丹盛開招同人小集卽席賦贈  
入座香風已四飛姚黃魏紫認都非神仙隊裏仍耽酒  
富貴叢中獨賜緋影共朱霞相激射情於紅袖最因依  
平泉十載纔開宴怪底從前識面稀

自無錫放舟至梅里謁泰伯祠  
山城距山鄉卅里挂帆往土風何清淳耕釣尚相讓崇  
岡經數折土殿亦軒敞東西無襍木列栢振清響咫尺  
堯峯山堯時日初上

古藤歌  
藤相傳爲宋蘇文忠公寓孫氏宅時手植今宅歸湯  
方伯雄業三月十九日湯公子招同人宴集花下卽  
席賦此

建中靖國藤一條剖半化作潛潭蛟猶餘半幹卧偏穩  
開歲七百如崇朝心空貌古枝尤秃自砌及檐剛五曲  
屆停偶憶孫居士移種竟傳蘇玉局花時一巷吹古香  
紫燕不敢棲雕梁借公真氣方壽世木理亦肖公文章  
距花百步看乃足高幹都遮出檐木沿溪左右三十家  
一半看花盡升屋葛仙橋邊路四通香氣已過橋欄東

半空紫繳益奇絕千朵萬朵飛玲瓏竟思遠挈鄂筒酒  
祝樹與公同不朽因花我復憶名花香國亡來亦云久  
藤側有香海棠一株亦文滌山釀水首重回風味不減  
忠手植康熙中燬于火  
歐家梅蘇州醉翁亭有歐陽文忠手植梅上廬陵幾載作滁守公亦三  
度常州來才名一代兼風義落落寰中此師弟詩狂久  
已上青天幹古尚能蟠大地樓窗八扇正面花欄楮屈  
曲枝了杈若將座客比花壽細校歲月無多差坐中十  
計六君不見紫藤花開墨池漲東坡洗硯池本在藤花  
百餘君不見紫藤花開墨池漲側四十年前始移至藤  
亭古色班爛各相抗此花畢竟始何時我欲東行咨石  
丈

雲谿行送楊上舍元錫北遊  
月出雲谿東照見雲谿西雲谿鯉魚亦成隊生世不肯  
離雲谿奈何溪邊人屢放溪邊艇我向溪頭望遠行布  
帆一一飛無影君居雲溪已七世三世及交情並擊君

祖衣文印曾及尊人救復皆余故交矧君才筆勝昔人使我論交復傷逝  
牡丹花紅繡毵綠搖蕩溪光數間屋家無長物殊可笑  
祇有貯詩餘舊簾城東別墅高數層君家有園在玉梅  
橋側俗名楊園

老樹尚挂千年藤昨因酒後一臨眺君已薄醉難同登  
竄憐雲溪春更向雲溪步我屬溪頭赤鯉魚送君直到  
江干渡

廿三日沈廣文元輅招飲餞春  
苜蓿盤雖舊櫻桃譜已新是日始嘗櫻桃歌仍呼趙鬼論早薄

錢神二句藥括 半夜乍升月五更猶是春更欣時雨足  
中事 歸路洗街塵

屋後圃中鸞粟盛開率成一律

日日衝簾柳絮風送春已覺酒杯空墻頭新月半鉤綠  
屋後好花三畝紅芳草更繁人跡外艷陽都在鳥聲中  
誰憐萬里烏孫道錦樣韶光早郭東伊罕年來鸞粟最盛花家視內地加倍

蔣州守業晉寄天遠歸雲圖索題

江漢爭流處茫茫鸚武洲又隨鴻北去直到海西頭楚  
國萍如斗天山月挂鉤何因暫謀面兩地訝同遊余兩至楚

中一諸塞外與君略同而路較遠又戊午年乞假歸曾于吳門一識君

萬里遙歸日輪臺雨夜過夢餘清淚落天外斷雲多此  
客情何逸勞人鬢亦皤披圖一惆悵疑聽郢中歌

端五日偶成二首即東趙兵備

古人稱禁煙不聞禁競渡此如唐水嬉亦若漢賜酺一  
年惟數日奔走及婦孺書生縱憂俗施設當有素調劑  
得其中貴在審時務何因與大獄幾至成黨鋼甘陵判

南北此事匪細故流傳到絕域眾口尚含怒欲救舉國  
狂惜哉謀已誤余昨歲入嘉略開節即里中因禁龍舟至與大獄

白雲一曲溪夢寐三十載流觀眼辰人已苦之同輩今

晨新雨霽耕者釋耜耒萬屐鏗有聲紛然聚闌闌榴花  
紅似火村女滿頭戴橋左幔已張波光迭睛晦沿溪尤

曲折窗牖分向背龍舟銜尾至畫舫亦成隊俗奢原可  
慮幸此豐歲再江魚頻入饌山果隨所愛水明樓上望  
趙儂已先在相應攜蒲觴終日與晤對

雲溪競渡詞十二首

雲溪如畫水如油今歲歡場昨歲留不肯更將風景絮  
六龍城現四龍舟

高處燈光碍月輪軒窗無地着飛塵生生視昔加三倍  
樹上禽巢樹下人

怒雷激電滿平川艇子如風不及旋齊向白雲尖上立  
萬堆蠟屐雨聲圓

傳來新調唱攤黃分半吳姬束急裝八角鼓完三弄笛  
十番絃索一齊忙

萬艇如梭集水隈兩邊樓閣亦齊開官河塞斷雙龍喘  
不管吳門水馬來

吳船裝束近來工南北窗櫺面面通一晌夕陽紅不定  
杏黃衫子立當風

枇杷桃杏滿盤堆遠有江鮮入饌來屈指半旬交夏至  
洞庭船不送楊梅

河泥船好六倉寬村女梳頭映水看燕麥兔葵蠶豆莢  
曉涼先向舵樓餐

占得雲溪好景多前門船向後門過詩翁住處人能識  
八字門臨八字河趙兵備所居前後皆枕溪

角黍堆盤酒滿壺家家歡喜易新符  
董龍社橘人猶指  
更禁魚蝦入市無

一句日日啟華筵  
醉向東頭閣上眠  
怪底月光飛不到  
船船燈影接青天

夢裏雲山一萬重生還真荷

主恩濃升平樂事誰能譜  
我本江鄉識字農

續競渡詞十首

紅板平橋次第過  
未昏燈火塞城河  
風光暗覺年來換  
畫舫珠簾卜夜多

緩雲閣接甌香館  
一帶紅欄間碧欄  
正值白雲谿水漲

龍舟南北打招寬

鳴鈺日午說傳餐  
鄉味偏驚水陸全  
拋却萬錢邀七客

將軍原合住樓船  
劉德鎮垣謔客極費爰戲及之

無舟可買上藍輿  
祇覺今年與有餘  
畫舫塞河人塞岸

更無隙地著禽魚

郭東千尺水雲寬  
老白龍來盡改觀  
更向榜頭題

御覽天津城北昔迎鑾

五色牙旗按五方  
東西北廟蒸真香  
更穿白馬司徒港

去謁金龍四大王

水中彩鷁岸雲車  
鉦鼓聲喧襍晚笳  
同向赤烏橋外過

霓旌紅閃半天霞

百尺濃雲水上開  
嫩晴先已過黃昏  
白須社長從頭說

二十年中第一回

兩邊簾幕不須遮  
日日輕橈泛水涯  
笑煞隔河諸女伴  
叙細質盡不歸家

雲裳雨笠剩閒身  
夢後樓臺愴客神  
依舊瑣窗飛燕剪

就中偏少賭茶人

趙兵備以地理數事見訪  
因走筆奉答猥蒙長篇獎假

并目為行祕書因率成四截句酬之  
即戲效其體

百篇君有連城壁  
萬卷吾無紀事珠  
一賦十年如製就

願同遠載注三都

尚慙正卯記醜博  
敢說師丹老善忘  
莫更一瓶綠舊例

次公猶恐醒而狂  
來詩欲緣借書之例問一事即贈酒一瓢故戲及之

一巷東西本接連  
數椽應愧卜居先  
倘逢款戶求文者

大作家今在那邊

三伏將臨九夏長  
不辭揮汗走門坊  
奚奴拍手還相笑

此兩閒人何大忙

西谿漁隱歌為會都轉燠賦

我家近南江  
乃望北江  
北桃花洲上  
三面山久欲臨流

築居宅君家住西江  
乃憶西湖  
西湖盡處一溪在  
碧水蕩漾天低迷

我為北江農志不謀稻  
梁江湖壁立一亭嵌  
日校五雅兼三蒼  
君為西溪漁意不在  
舫纏綠蓑

一領不肯穿  
日日吟詩  
北窗裏萬言落筆  
不得休雕琢

欲使前人愁  
明堂左右列樽俎  
武庫甲乙森戈矛  
西溪

漁隱詩六卷派與西江亦殊判沉思早挾天地奧古色  
不供時世玩竹西風月宦十年珠履賓客盈三千平山  
堂糲日登眺清夢只落西溪邊西溪近界江海中溪上  
南北雙高峰詩筒往往襍釣筒得句時復驚蛟龍才名  
京國誰能偶輩行居然欲稱叟西清東觀及外臺十六  
年中一千首歐陽戀頰湖安石號半山名流所在寓清  
興好景何必皆鄉關卽如西溪邊咫尺接東海拔地倚  
天詩筆在潮生潮落爾許忙漁弟漁兄欲誰待君不見  
宮亭湖上源兩支章水貢水流無時西江宗派吾豈知  
快意且讀西溪詩

袁文學廷構移居載書圖

不惜兼金百計儲牙簽時卷復時舒一紙日詣袁居士  
欲讀人間未見書

委巷南頭與北頭三遷我敢比前修丹黃句讀依然在  
時復傷心上小樓中河橋側委巷中有小樓二楹余少  
孤時母太宜人授經處也今從弟顯  
居之尚

袁文學集明東林諸賢及黃石齋手札彙成長卷索題  
不知我者不可言知我何不書連篇筓花委鬼正當路  
舉筆欲下心憂煎二周一魏書如此悼歎人生不如死  
求忠于孝古所云忠節門仍生孝子銅山先生起漳泉  
萬言一疏人爭傳明知末路不可挽獨抱白日歸虞淵  
夢洲詩石齋集筆底欲扶天地立快論時歌復時泣明

家社屋已百年紙上尚復生雲烟君不見季侯箋孔時  
箋

跋巨超上人足踏萬峰卷子

天下佳山水南條與北條我養慈嶺雪目斷海門潮是  
處皆飛錫何峰合挂瓢言從贊公宿相與話迢遙

佛國鳩羅什仙都梅子真欲尋方外友喜得箇中人論  
已參禪悅菴仍借隱淪百篇心賞在幽谷乍生春

十五日自京口渡江至焦山憩定慧寺作

西南行盡路萬千返棹乃訪茲山巔茲山風急不得上  
幸有巨石攔洲前山坳一石戴一屋步縱曲折心安便

側身東望始寥廓初日欲上湖無邊心飛西海足東海  
下瞰無地高惟天放臣逐客罪應死跬步懼有神拘牽

山靈怪我貌衰老頭上雪色來邠連齋厨粥飯客寮酒  
彈指已近三十年僧雛髮白野猿老只有崖頂紅逾鮮

四山松柏悉合抱嶽老盡起青蒼烟少年事業百不就  
削壁僅把新詩鐫浮名在世究何益回顧我已慙焦先

塵勞擾擾及一世足繭欲乞空山眠來歸萬里去萬里  
祇覺豎亥堪隨肩昨呼漁叟與堅約終老誓種江南田

東升樓看日出

海日欲出海先有龍龜鳴青氣一綫來潮與佛閣平樓  
上客未眠光景榻畔生一杵京口鐘先遞瓜州城

山半訪隱君洞

此山開何年此客殊突兀兀形骸生卽委真性任汨沒遂  
令巖樹上飛鳥性皆拙想見千載藤猶纏君骨  
觀音厓待月

我來觀音巖月出斷厓口稜稜紙聲碎壁上蜥蜴走海  
風吹幡竿石冷坐偏久夜半扶月歸清輝膩人手

法界樓夜坐

龍界與人界相去僅咫尺夜半驅潮來知晝夜又力枯  
僧樓上坐親見髮如戟復恐漁叟驚懸燈照昏黑

山齋訪冒鳴茹壽衢兩秀才并招小飲

書聲出戶蟲不鳴山鬼一足深宵行人頭魚身慣窺戶

見慣不怪心能平昨來酷暑剛三夕讀得好書盈一尺

鄰翁最喜文字交夜半煮酒來相邀

翠屏洲訪王秀才豫

此洲樓閣何參差五十年前盡江水廣陵城低波浪闊  
藉此居然障東海圍洲三面煙水空正與北固成屏風

更殘日出東海東照見一角樓窗紅

六月二十一爲宋歐陽文忠公生日同人賦醉翁操以

壽并邀同作卽呈曾都轉煥

醉翁去後七五十年平山堂下仍復開賓筵醉翁生  
日重理醉翁操欲使醉翁心跡一一傳人間醉翁十年

二十年孤露蹤迹殊可憐父書讀罷母垂涕空骨尚未

營新阡卅年四十年醉翁作直臣葬陵滁州兩遷謫身

縱可屈眉仍伸幾年作詞臣幾年作循吏治平至和中  
遂爾登政地醉翁文筆世莫儔超軼六代直接韓潮州

遠不識柳開近不數穆修醉翁志節尤崢嶸手挈正士  
歸明廷是時青苗免役新法尚未行洛黨蜀黨亦未交

相傾醉翁居朝端一世仰作範仁宗朝相不下數十人  
公也獨參韓富范醉翁勳業又如此一世如公幾人耳

醉翁吟吟一篇惜之沈夫子亦無杜杉琵琶皮作絃醉  
翁操操土風此曲依約來滁中當時坡翁及浩翁門生

後進詩筆縱極工若論文福一一皆輪公昔者楊靈州

道公我前身揚州守芳燦顧進士敬恒扶凡公名如太

山詎敢追逸塵惟餘一事薄相似唇不掩齒厥效何其

神無事得謗如前人因之壽醉翁醉翁或不噴冷洽絲

竹公賞音逸興更或彈鳴琴斜月欲墮長江潯陳後山

謂東浦曾南豐詩名官爵皆可次醉翁不見題襟館中

來日集都轉生辰荷榦荷葉依舊吹香風滿堂樺燭漏

盡不須剪正好來日直接朝曦紅

寄酬曾都轉見題荷戈集詩二首

記程一萬六千里蔥嶺遙遙接蒜山今日竹西歌吹地

又從吟榻夢陽關

我于經閣論心久君已詩壇駐足牢絕似鄴中諸子會

主人吟比客吟豪

附原贈作

曾煥

君得為詩是

國思長歌萬里入關門笑他紹聖元符際蘇軾文章

禁不存

滄江風雨一船高招我松寥看海濤君時在焦山遊

絕少行吟憔悴色知君未肯著離騷

題襟館贈崔

空廊怪底步不前五雀一客隨吟肩廊斜入屋勢尤窄

窄步故緩人爭先回風開窗捲羅幕客醉欲眠聞擊析

閒扉六扇夜不扇窗裏客眠窗外雀

又贈柳

柳枝西北禽巢大枝下砌蟲鳴百箇三更星暗月欲來

蟬響復從枝上墮乍眠乍起天欲明絲柳拂面人先醒

比肩豈獨同心友添得三株水楊柳

巨超偕棲霞僧慧超過訪喜賦

一僧江北去復挈一僧來把卷憶前度論詩日幾回病

依節作命瘦與雀同胎夜久生衣薄相遲般若臺

月波臺夜坐

萬聲聽不絕人靜此樓頭地缺洲三面天空月一鉤烏

鴉爭噪暑蟋蟀遠鳴秋夜半龍吟水寥寥衆響收

贈巨超慧超即題二僧詩集

巨公居江心慧公住江許詩筆如龍復如虎句成寶氣燭九霄龍虎鉢中頭盡俯生平我喜七字詩不可一世

人儘知眼中無人締方外一任下士相嘲喚君看建業

東來水日夜滔滔欲歸海二僧筆力可截江端坐已受

潮頭降餘力更把焦山扛巨公欲雲遊慧公欲高卧飛

錫竝從天外墮他日蓮臺孰高坐

廿六日同人月波臺看潮

東南風轉急全不見朝曦雲欲沉江島潮爭截海門鬢

因思舊白眼覺讀碑昏偶問滄菜事枯僧幾個存

曾都轉燠及諸賓客約以廿六日至焦山見訪聞至瓜

洲阻風二日尚不得渡作此戲柬

七日東南風不止倒捲滄溟入揚子順流一葉不得下

斷渡先從象山始一客既去不得來一客留滯仍難回

時翠屏洲王下二生過訪一松寥閣小一無事飽看雪

留象山一留此皆不得渡浪飛千堆回頭却憶瓜洲客日日江樓看風色別來幾

日心眼空清夢時與焦公通君不見波濤繞榻一萬重

正好日試登山節時叱櫂外巡江龍

酬慧超僧二首

因觀竹栢樓月遠指高旻寺燈三世佛前老衲六朝山

下詩僧

嬾到不參佛座閒來唯理詩瓢寰中五岳難住海外三

山見招

廿八日同巨公慧公松寥閣早飯

山僧約客松花飯破曉同登竹葉樓正爾日長思就枕

未妨風急遽回舟始聞都轉等怕傳消息來三楚時楚  
匪尚未開理心情說十洲淺醉更從窗外揖午潮無際中教  
淨盡接天流

將至消夏灣在新塘守風晚值雷雨

一湖水欲入船一湖風欲揭竿雨沉沉三十里消夏灣  
在波底

泊舟夾浦七夕

此夕新湖汉口去年古浪城樓笑看新月生處曾到斜  
陽盡頭

一叟自談衷曲十年寄跡湖邊衣食全家已足瓜田盡

處萊田

夜攜酒至湖口望縹緲峰作

明月鋪不滿全湖半生陰東山飛鳥來飲宿西山岑一  
鷗初完一鷗續倦向望湖橋上宿潮生月落方賞心天  
盡海飛空極目

東南風急不得至西山因回舟從伍浦抵東山作

白鷗入我夢知我無窮意憐茲眼前景不作身後計浮  
名生在死即休不見敗筆作冢糟成耶石公咫尺不得  
進回棹決向東山遊

自新塘至伍浦溪行雜詩

溪水綠已窮巖扇忽重閉日華與山翠層疊川上賦前  
村爨煙好穿此石林細一徑山雨來寥寥入秋氣

瓜花黃無端被此一川綠晨涼把竿好閑坐此籟曲人  
家隔坡水路暗通石谷日午攜榼來人聲出山腹

兩村本一村中有雲水界溪流經數折南北已分派連  
宵風色緊目送去帆快人定波有聲神魚望星拜

陸行富乘麻水行富葭茨惟茲雲水鄉不虞年歲儉門  
前臨水路鷺鳴數堪點屈指白露交秋未及將歛

寄長興邢大令游二首并柬李司馬慶芸

故人久宰長興邑逐客新遊消夏灣甚欲牽船遠相訪  
斜陽影外浪如山

年前寄我長牋好說奇異經通峭文章擅一時更憶南

荒李司馬同官同榜兩經師

偶成

橫風兩日住江干夔辰桃花米已完咫尺荒村無處糴  
芡頭蓮實抵朝餐

煙雲堆裏漾龍鱗一片荒寒景色新猶勝玉門關外路  
案頭無水動經旬

伍浦夜泊

高土宅邊新月上伍胥浦口落潮餘多應念與雙峰結  
未覺途經百里紆別路更須尋馬蹟此行端不為鱸魚

宵殘燭跋攤書卧靜聽松聲落枕虛

五鼓自伍浦渡湖至東山

到來青歷歷七十二峰巔駭浪魚先拜驚雷鳥已顛水



聲搖短夢風色眩長年昨夜前山雨茫茫笠澤煙

喜晤程司理思樂

我借全湖水來清百斛塵故人吟骨健遷客鬢絲新感  
激樽前語扶持難後身屏旁營釣舫久約其垂綸

憩東山道院

松杉千百株小者僅及肩歷盡松杉梢一院開山巔黃  
庭讀未完丹爐火猶煎道士識未來勸我山頂眠白雲  
有塔級倘可升青天

孫總戎廷璧坐上卽席賦贈二首并憶卍總戎九敘四

川軍營孫爲庚辰科武探花

萬頃洪濤艇似梭相逢先唱定風波山中共說支離叟  
天上同魁甲乙科話舊半皆渝宦海謂畢宮係沉童湖  
源先已到黃河狂吟痛飲三更盡衣上分明燭淚多

獵獵營前秋雨斜將軍筵上說龍沙何曾一醉輪臺酒

卽出關憶昨同乘博望槎薄譚最憐家似夢感

恩新覺鬢添華誰知萬里歸來客依舊軍門聽曉笳時

在四川軍營勅力已補都司矣

初九夜乘月自東山放舟至西山消夏灣宿荷花內

花光碍月舟不前花氣薰客宵難眠三更一棹破花出

客夢尚結花香邊東山荷花十里長千枝萬枝送客忙

花朵露滴波心涼西山荷花一灣好千枝萬枝迎客早

曙色上波花愈姣楊梅樹繞花灣深紫已落新紅殷

荷花香破夢亦闌再轉已入仙人關

梅花仙人歌爲程司理思樂賦

伯牙臺前花一山君家梅愛花人住梅花灣無夢不與

花相關莫釐峰頭花萬樹愛花人宦梅花渚却喜官閑

作花主少年愛名花花外無性情離花一步不肯行四

十不復營功名中年愛名花花外少肝膈一官雖卑意

亦適靜對花枝已忘食世人不知君笑君作花癡君聞

亦夷然直受顧不辭滿堂花開滿堂客客或呼君作花

癡君聞若不聞意亦良自得一花初開詩一首爲醉花

枝亦呼酒花神感君祝君壽來歲居然七旬叟花癡花

癡君寧然意與花有前生緣君不見梅花賦就三百篇

我今署作梅花仙

消夏灣歌贈蔡博士九齡

全湖三萬頃包此千仞山湖流再轉已不見山腹復有

溪響環溪流迥與湖流異湖水如油溪水膩荷花世界

夢亦香淺白深紅炫天地幽人家在花深處正闌軒窗

摘蓮藥蜻蜒舟小逐客回半日醉客荷筒杯荷筒杯醉

君酒荷露烹茶沁人口荷花中間結一樓主人約客樓

上頭烹魚煮藕日尚早手劈蓮房客先飽

白雲

白雲濛濛空所依傍天風吹之偶落坡上魚吹浪蹴忽

爾孤往空中亭亭儼若覆盆成陰既溥一世咸仰

新浴後怡雲閣望縹緲峰

不向前山策短筇新涼浴後且從容幽窗正苦日西轉

陡落一支縹緲峰

雨花臺待同人不至

凌晨發清興瘦馬入絕壁沿山石理黝雨點亦深黑馬

力忽已微斜行憊危石風雷莽成障花雨渺無跡却啟

西北屏高臺望孤客

四鼓自西山渡湖

挂席向何處五更風色微海雲天半立山兩月中飛百

念籌關隴全家理釣磯東峰此歸去魚鳥爾何依

更生齋詩卷第四

陽湖洪亮吉著

滙濱消寒集

題孫文學韶行卷後即送至浙江幕府

江左詞人最擅場卷中亦復唱伊涼通天臺下曾三過

怪底新篇壓沈郎

怨李思牛意氣真罪言草罷見經綸能容一個真名士

足抵孤寒八百人

重修水繪園卷子為冒文學鳴作

記曾彌勒與同龕

園中廢為僧舍近始復

小劫誰從靜後參檢點

樓臺及魚鳥風光依舊壓江南

人物當年勝永和時時觴詠雜笙歌更關偶向樓頭望

天上星無座客多

雙鬢愁同萬樹凋閒窓話舊雨瀟瀟乘田是處連滄海

門外時時起怒潮

雲耶去後小楊枝檀板都吟絕妙詞只有夜烏還記得

冒家園裏放燈時

蔣斗燦童養媳呂貞女題詞

烏乎何辜貞女生不見父兮童養于蔣又不及見始然

貞女之幸兮會未結繭而已得數面其夫何貞女之遇

屯兮守義二十五年而尙未及撫孤我聞而心惻兮感

外氏之衰徂緬前孫從表兄定安妻孫氏亦未嫁守貞年過五十卒而後呂

分顧兩見夫貞妹倘貞女而有後兮吾將代郵夫遺難  
生日自述

今朝柴門開親故怒羣集云將壽先生共向草堂揖我  
問方猛悟答禮恐不及回頭語山妻治具爾須急嬌兒  
與孫子禮數未嫻習賓來盡歡喜傳語競出入先看具  
杯茗繼復羅酒汁仍愁翁欲醉預向膝前立長孫纔毀  
齒口語已提給私語更五年阿翁剛六十

偶成

閒從里巷說新事卧聽兒孫讀故書不必更携芒屨出  
閉門紅日下階除

喜張上舍舟過訪口占以贈

五回曾領江淮運君補有衛籍會兩度同招楚蜀魂魂甲  
善沉毛州守大濂與君最赤米白鹽家已破朱旗元甲  
年上事清梅零落野雲昏辛酉年新正在漢陽  
三山徑訪梅握別

陣猶屯多愁自覺新詩少老友今餘幾輩存話到十三  
黃主事不烈祭書圖

古人飲食必祭始何以讀書則不然致身通顯不知報  
是為飲水忘其源先生瓶例實陳例拜庚子曰尊文宣  
陳書萬卷復千卷燭炬如梃香如樣書神報君亦孔厚  
往往獲一珍珠船宋元精甄本幾備尤喜篇幅皆完全  
先生嗜此若性命快意不惜千金捐搜羅書目所未採  
中與館閣明文淵樓名傳是閣天一嗜好亦恐無君專

就中精本秘不傳緘以篋笥承之瓊偶逢識者一啓示  
先掃几席除鞞瓊何應寒具致汚軸千載以上嗤桓元  
君家舍宇本精潔又少俗客相糾纏焚香偶復展一卷  
眼與明月光同圓君不見時逢期望列一筵不必牢豕  
須新鮮胥谿菱茨石湖藕一一皆可成加籀書田雅與  
穀田等報養或可祈豐年我曾借本細營校例得陪祭  
來筵前虔誠拜罷共飲福一醉欲乞書倉賑

九月十三日越來谿見燕

寂寞漁莊欵水扉越來谿上月微微何因燕子不歸去  
却向夜涼庭院飛

自吳松江抵上海與友人夜話

吳淞江上路乘月去迢迢海氣全疑雨天風不捲潮夢  
餘頻悵望雲外偶招邀及此燒紅燭層樓已半宵

唐大令仲冕招飲網師園即席賦贈

纔從識面便忘形飯我城東水上亭老友瘦真同野雀  
謂王廣殘荷多尙比天星百身未易酬 恩遇時生  
伊犁釋 回日月一石偏教吐性靈歸去且營耕釣好得閒隴畔  
文邑孫 便橫經

偶成爲陳太守廷慶賦  
一幅蟹賤任屈伸半鈎新月倍精神關心幽鳥能窺客  
過眼空花不惹塵雲影去來傷往事水光搖蕩識前身  
悲秋宋玉支離甚况復登臨送遠人

過盡三春爛漫時  
九秋籬落訂交遲  
來猶背面誰曾見  
去不回頭事可知  
海上早應隨范蠡  
洛中枉自賦陳思  
黃庭一卷香千縷  
半欲銷魂半自持

顏魯公名印歌

一方石千餘年魯公名  
誰所鐫海中搜龍刷龍骨  
更點星星老蛟血地老天荒丹不滅  
君不見公名怪底天子驚  
河北二十四郡僅一顏真卿

哭蔣二尹齋羅

萬里歸來訪病身  
劇憐面目已非真  
余自伊犁歸訪囉君君牛面已毀  
心疾比麗船客懸腕書同透  
爪人兩度悼亡形轉悴  
一官瀕死志難伸  
東山絲竹銷沉盡  
垂老羊曇益怡神  
余受侍御舅氏知每過居第未嘗不揮淚也

偶成

萬念俱空後寥寥  
酒易醒未能離世網  
聊展度人經路  
暗燈明整窻疎劍指星  
書生爾何意空自逞心靈

石湖訪范文穆祠分賦得石字

茲遊日已斜霞采疊蒼赤  
携茲書畫舫償我山水癖  
舟行十餘里心境一開釋  
杉藤凌澗紫鷗驚點波白濛濛  
湖一曲落落樹千尺非無懷  
古意風捲渺無迹危登開  
士閣幽轉范公宅  
祠即文穆舊宅  
斯人預機軸時事已過窄  
終焉感滄來渺爾念疇昔  
憂時識希文蹈海憶少伯  
遭逢速伊管隱顯並賢哲  
丈夫如有志于世匪無益  
庶幾不

朽名勒此崖上石

夢遊仙詩三十二首

屢識瑤池鬢已蒼  
偶從天半話滄萊  
鞭韉幸是仙人屨  
踏盡紅雲到上方

科頭跣足任天真  
隨分燒香拜紫宸  
卻喜近來蕭散甚  
蓬壺管領謫仙人

生世應居離恨天  
愛從生後說生前  
銅仙又復垂鉛淚  
會面居然五百年

白雲紅葉影參差  
欲向前頭訪素知  
拖得月華裙半幅  
却來波面立多時

誰從天上號詞宗  
淡寫新篇墨不濃  
一朵絳雲環一字  
笑他人世碧紗籠

尋常每夜不呼燈  
却坐雲窻第二層  
一卷道書時背誦  
惜無人與證飛昇

下弦殘月訂幽盟  
青鳥傳來誤已成  
幸有玉妃來世約  
眼波回處定三生

慣拈針線作生涯  
剪得靈河一道斜  
認取近來花樣好  
青城雲氣赤城霞

我識飛仙萼綠華  
最憐秋鬢挿春花  
天田亦種人間果  
一味香清愛木瓜

繞砌萸蒲倚閣松  
仙人眠處五雲濃  
夢回報道高真過  
先鎖閑門十二重

出世情懷絕世姿，冥濛香氣散如絲。紅雲一瓣遂同坐，奇福難消見此時。

紫府新來品秩高，隨風上下聘輕軺。磨厓五岳都應徧，且復題名北斗杓。

屈曲房櫳宛轉風，一樓疑復住虛空。盡驅雞犬雲中去，獨敞銀屏待八公。

心思一串最瓏玲，更有長鎗射眼青。欲筭人間未來事，滿盤珠借滿天星。

挈伴時來阿母家，采蓮艇子住雙娃。神仙一例嬌羞甚，不折天池並蒂花。

幽居隨處費提防，忽報飛星已入房。親到下方緣底事，借將弧矢禦天狼。

生來不假翳蘭薰，坐處偏離粉黛羣。欲灑天山萬年雪，單他巫嶺不生雲。

住近天河水氣涼，萬株荷幹一方塘。蓮花蓮葉都嘗徧，不及仙人舌本香。

欲逃百劫避羣魔，天上誰知事更多。斲斷玉虹橋百尺，神仙從此絕經過。

桂樹扶疎月影涼，漫無情緒守吳剛。靈山採藥他年事，先與栽成出世裘。

雲漢西頭路幾叉，浮家真欲擬乘槎。兩三紅淚揮天末，都作人間異種花。

早住扶桑暮落棠，仙人遊戲本無方。忽然招手來天外，認得麻姑拈爪長。

雲耕一步一徘徊，不分前途分手來。啖得荔枝三百顆，此時應向海南回。

日月雙丸剩半丸，東西海水亦齊乾。仙人一笑春風轉，萬劫偷從秘籍看。

王母池邊踏月回，羣花妒影不曾開。何應三百神仙侶，總學劉禎平視來。

巧笑仍含一種愁，見人常自不梳頭。朝來偶凭闌干望，自有神光照九州。

高居豈復有塵情，魔境應從道境生。惹得龍華先罷會，人間飛語謗雙成。

要從南粵達南閩，天潢東頭與問津。十度錦箋何處寄，倩他三百六魚鱗。

多應清福不曾修，逐浪來居羅刹洲。莫歎姻緣簿多錯，天孫亦復嫁牽牛。

朝正儀從最輝煌，龍虎前頭列隊忙。騎得鳳凰拳一足，笑他六六紫妃央。

鋒車晨夕響如雷，結屋星辰頂上來。卻約下方人未到，天門一日走千回。

日正斜時月乍圓，紅林處處露珠懸。洪厓洞古誰能訪，只有修真謝自然。

趙兵備翼以所撰唐宋金七家詩話見示率跋三首  
一事皆須持論平古人非重我非輕編成七輩三朝集  
好到千秋萬世名未免尊唐祿魏晉欲將自卽例元明  
塵羹土飯真拋卻獨向毫端抉性情

詩家別集已成林一一披沙與檢金作者庶憐傳者少  
前無古更後無今法家例可平心斷大府文非刺骨深  
卷卷漫從空處想就中多有指南鍼

名流少壯氣難馴老去應知識力真七十五年纔定論  
一千餘載幾傳人殺青自可緣陳例初白差難踵後塵  
君意欲以查初白配  
作八家余固止之 只我更饒懷古癖溯源先欲到周  
秦余時亦作北江詩話第  
一卷泛論自屈宋起

附和作

趙翼 武進

詞客低昂本不平品題間弄腐毫輕但消白首無聊  
日豈附青雲不朽名老始識途輪早見貧堪整壁借  
條明洪崖拍手從旁笑猶是燈窗未了情

何限紛紛著作林揀來只剩幾銖金論人且復先觀  
我愛古仍須不薄今耳食爭誇談娓娓鼻參誰候息  
深深錦機恐負遺山老枉度鴛鴦舊繡針

晚知甘苦擇言馴一代風騷自有真老學我悲垂盡  
歲大名君已必傳人幸同禪窟參三昧不笑元開隔

偶成

一塵從此國門縣呂覽聽他辨舌騁儀秦

愁多久已置形骸 恩重終須異輩傳長慶業仍舍  
諷諭東方論敢雜歌諧銷兵午喜流亡返橫潦仍嫌變  
理乖何自近來恒斷肉安貧聊學太常齋

汪庶子學金以捉月圖屬題戲成三言詩一首

天上月地上人煙茫茫隔十塵隔十塵欲捉月馳風輪  
風輪遲月輪快不得已及天外隔十塵欲捉月轉地輪  
月輪寬地輪小不得已出天表隔十塵欲捉月借日輪  
日輪紅月輪白不得已兩相食上弦月捉不得彎如弓  
向人射下弦月捉不來愁如眉慘不開十二三十五六  
圓疑環白疑玉玉與環難把握醉中客總不知時呼月  
一問之蓬萊山作糟邱捉不得即拍浮滄溟水作醇酒  
捉不得即濡首排千觴列百樽我欲起爲解紛仰明月  
呼先生爲詩伯爲星精時或醉時或醒酒星暗蟾月明  
啓明落長庚橫萬萬古傍月行

曇陽仙觀題壁

生天成佛事皆真二百年來記昔因化雀人歸究已剖  
釣鼈客到觀重新觀爲州守 蟲魚篆尙留遺跡麟鳳洲  
先謁後塵 王鳳洲兄弟 畢竟傳疑由弟子曇鸞枉說化  
前身 鳳洲作曇陽仙師傳未後說  
師爲曇鸞師後身以致人疑

題明姜黃門蕪圃諫草樓二圖  
折檻朱雲氣已粗時艱不敢作身圖愚忠自欲回天地  
臣罪原難保髮膚滄海變來留隙壤危樓築處傍浮屠

敬亭山下春蕪滿月黑愁聞杜宇呼

吳梅村祠題壁

寂寞城南上一邱  
空梅零落水雲愁  
生無木石填滄海

死有祠堂傍弇州  
同谷七歌才愈老  
集中有避難七歌 株陵

一曲淚俱流興亡忍  
話前朝事江總歸來已白頭

題王應宸太守洞庭泛月卷子

修月八千戶常居天上頭  
釣湖三萬艘亦趁水東流  
我

覺飛仙好時陪帝子  
遊宵涼亦何事嘯起岳陽樓

苦愛蓬心叟煙雲筆底濃  
冥濛舟似蟻活潑水如龍  
欲

到三層閣仍携九節筇  
天風忽然遞嶽麓寺前鐘

又歲寒宴坐圖

不知門外路爾許雪霜深  
客念此時寂鐘聲昨夜沉沉

然忘世味渺爾豁幽襟  
在在都無著空明此夜心

如公能換輩未許卧蓬蒿  
終為蒼生起應知素望高  
志

猶營宇宙跡暫脫塵囂  
即此坐忘處天風響海濤

題扇贈汪童子元齋

昌黎已序張童子魏國先知  
貞半千他日蓬萊問家世

童子祖父已三世詞館  
四傳應號小神仙

吳舫卽事

杜曲城南記最真  
繁華悟後始尋春  
蘭香仙去秋孃老

零落尊前見此人  
水明樓上會羣芳  
屑玉研珠費較量  
折得一枝紅芍藥

鏡臺先欲贈花王

別友

謫下蓬萊又幾春  
形骸疑假復疑真  
天荒地老重相見

君是前身我後身

意外相逢是昨宵  
可憐知復在明朝  
十三夜月難連曉

魂斷溪南長短橋

消寒第一會萬大令承  
紀招集吳舫聽寧福校書彈胡

琵琶為賦長句時長至前一日

金閨城外人煙密  
琵琶一聲萬聲絕  
萬聲縱沸亦不聞

琵琶聲高壓四鄰  
夕陽欲滅猶未滅  
喚出團圓海邊月

比風吹潮海上來  
怪響迸入蛟龍堆  
繁弦促節手不管

似有玉虬纏玉腕  
神明矩度心不關  
金鳳獨翔金指環

一聲舒遲一聲疾  
霹靂出山天  
乍裂大絃展拓幺絃收

雲霞鋪空地欲浮  
欲完未完聲一束  
直立琵琶若鼇足

我行崑崙葱嶺二萬里  
青氣漫漫障天起  
非無胡琵琶

拉雜彈不已妖姬十五  
如山魍十指漆黑  
聲啾嘈招來

區脫彈數曲帳外似虎  
天風號烏孫戍客何  
曾久意外

生還感高厚禽巢南枝  
獸邱首百里遊行畏  
讒口蒲帆

無風向東走忽復遭逢  
數良友烹龍魚鳳為  
我壽更拉

琵琶佐樽酒金戈鐵馬  
音鏗鏘奔厓裂石詞  
激昂玉門

關前天雨霜天馬欲走  
蹄先僵天山界畫陰  
與陽日月

影碍冰頑碾曲終四坐  
慨以慷似識遷客曾  
投荒我為

琵琶歌行酒復食炙商婦當年已衰謝何似茲樓起聲  
傾雲英翩翩未經嫁拜起尊前貌閑暇當時樂天淚墮  
琵琶下我謂時平遷謫何足訝况復經時卽蒙赦南冠  
初除囚服御席地幕天無所藉三百六日擇此最長夜  
金烏玉兔光激射二十八星環水榭君不見樽前情淚  
何能灑百歲浮生亦虛假留中之奇誰識者出戶茫茫  
眺原野有淚或向銅仙瀉

消寒第二會汪庶子學金趣園座上追賦嘉慶戊午四  
月編輯婁東詩派成爲諸詩老設供建水陸道場用  
瑜伽薦度法并考生平行詣分上中下三壇別設閨

秀一壇七日乃竣分賦得栢梁體一首

玲瓏水上飛千燈東海壁月同時升佛香妙處稱大乘  
掃屋更結壇三層一壇別設列采繪雲鬣飛入皆翦鬢  
天人丰格不敢譏淨名居士智力宏佐以百六高功僧  
婁東詞客繁名偁恒河沙數量不勝詩編大小束以絙  
平生慧業此可徵魂魄化去心神凝光采尙若燔薪蒸  
靈車鬼馬空騰騰一一彼岸祈同登否亦尙冀天衢昇  
仙人心空鑒亦激品第甲乙復經外置修改定品第甲乙殊兢兢空中  
番問空中鷹忠如龍比孝閑會陳雷朱范篤友朋賈彪  
郭泰借李膺拄世風骨真稜稜就中節義尤所矜生可  
模楷沒豆登列上上乘皆曰應其餘稍或寓勸懲亦不  
以愛不以憎原心略迹目匪書大邦齊魯小杞鄆州蓼

隨紋邗薛滕次等亦復難加增灌夫罵坐肆轢轆樓讓  
結客多依馮留中鱗甲手葛藤甚或遇事全模倣諫垣  
瑟縮啞凍蠅酷吏伎猛同蒼鷹亡身破家刺史澄降胡  
負漢都尉陵品列下下無能陞知人論世最足憑不以  
文筆相誇凌大弦稍緩之絃拒筆法直似朱絲繩定論  
無用參疑丞此邗前代尤峻嶒後先七子稱代與兩王  
荆石相國荆石相國尙書事業世所稱各有祠廟羅看晉趙功集若雲  
霞烝日觀曠鳳天池鵬梅村祭酒緒復承此道亦屬三  
折肱歷年二百留雲初流光疾若矢射珊瑚邗太原壇  
坵仍品題直到驢與驟語簡而當爭鈔騰我于彼法習  
未會服此論斷非僂僂忠賢奸佞各列棚竟若二水分  
淄灑學仙學佛縱不能何必苦判溝與陸山雲欲凍溷  
欲冰萬丈雪霰愁難表歸衰幸有十束綾敬錄一本隨  
行贈

消寒第三會王孝廉履荃胡明經金誥邀遊樂郊園因

出婁東十老圖索題

十老爲王育字石隱年八十陸義賓字素朴年七十  
一宋龍字子猶年六十四郁法字儀臣年六十五顧  
士璉字殷重年六十四盛敬字聖傳年六十二陸世  
儀字道威年六十一江士韶字虞九年六十陳瑚字  
言夏年五十九王撰字異公年五十皆婁上明末隱  
君子也



十人慘慘荒江溽時歌時哭天為陰朝無食案夜之金  
 尚披朱履行空林沈思古昔淚雨淋往者不作何況今  
 魯連既向滄海蹈屈子又復湘江沉田光勿頸裴宏施  
 漸離矐目豫讓瘖吹簫吳市亦有擊鼓河岸誰能尋  
 寰中止剩伯倫鍾海上自拊成連琴冀生未授新祭酒  
 伏勝尚屬秦儒林以之相較盡不愧餘子未足披深襟  
 歸迂顧怪在咫尺庶可與爾稱同心

消寒第四會汪刺史廷昉座上賦南園古梅歌梅為前

明王文肅公手植名一隻瘦雀

一隻鳳去不同一隻雀翩然來城北即雙鳳鎮翩然下啄莓與  
 苔渺爾化作羅浮梅羅浮仙夢何時醒幻作梅花尙未  
 頂三生落落出世姿七尺亭亭照波影不飛不鳴作高  
 格四出枝猶排逸翮亭空月冷露欲零仙客欲騎騎不  
 得百餘年來丁令威游戲倘復時來歸人民城郭縱非  
 是尙認一樹衝寒開幽人幾日園南住香氣橫飛海東  
 路滄溟今已作桑田斐河口今壘長海沙遂至淤塞此樹應須憮然悟  
 園林之主先後殊昔者太保今尙書南園近為畢秋帆尙書購得以居甥  
 沈慈團棋賭墅偶然得瘦骨尙欲凌高林研薌居士開  
 賓閣邀客詠梅如詠雀長身安得居樊籠復恐化雀飛

橫空

消寒第五集田大令鈞邀集官廨即為題荆樹山房圖

卷子

荆樹山房為大令六世祖明萍鄉令所建嘉慶三年錢唐黃司馬易為補圖

田家集在何處門前清濟會濁河百世流傳紫荆樹紫  
 荆樹老花愈多四出不復分枝柯尋根既悟一本義學  
 樹時作同心歌我願兄弟心化作此樹陰祥風甘雨萃  
 一林三冬三夏不使嚴霜烈日交相侵仍願手足誼化  
 作此花蒂千枝百枝同一氣花葉雖繁枝不替李家花  
 萼樓馮家棠棣碑不及君家此樹好顏色千古萬古各  
 猶垂山房三間下有池容易得值花開時花前盈盈酒  
 滿危旣不識尺布斗粟三字辭亦不聽然其煮豆七步  
 詩君家此樹真堪愛大令逮君剛六代一門草木皆異  
 常茅苜不吟護樹背龔梧生黃小松為君作圖作記皆  
 極工君不見紫荆花花色異絕愛君家好昆季六世相  
 傳獎循吏更覓甘棠栽隙地

消寒第六會汪公子彥國招集復初齋觀王石谷繪山

水直幅畫係石谷贈公子七世祖明處士汪溥溥亦工畫為婁東第一手

我行徧天下却愛黔中山黔中山勢盡壁立出地萬仞  
 無彎環南峰升雲北峰月畫裏溪山亦奇絕靈泉破空  
 山石裂飛出千年萬年雪崖窮路古林光倩斷壑奔灘  
 鬼神現林花對客纔一笑山鳥窺人剛半面洞門怪響  
 七尺筇奇古似是商山翁商山翁居海曲得意時歌復  
 時哭地老天荒一間屋滄浪之水清濯足鴨鵝鸚茲與

同浴放艇時來玉峰麓森然非松亦非竹植立門前開  
剝啄主人開戶喜不速邀坐茅檐背同曝忽然一筆寫  
不足肌膚如山骨如玉狂叫自呼王石谷我題此畫亦  
非偶二百年前倘良友畫中蕭疎兩閒叟著罷枯槁偶  
垂手瞥見洪厓拍肩否王石谷自題有山中古洞如敲  
洪厓拍肩之語  
開兩翁曳杖還能來消寒集上醉幾回大笑手覆三千  
杯

消寒第七集唐明府仲冕招集吳縣倉廩觀唐六如畫  
馬

唐生畫馬如畫雀仙骨稜稜難捉摸不識人間有羈絡  
唐生畫馬如畫人霞采奕奕光瞳神氣軼天半心難馴  
唐生本是神仙謫畫馬亦與龍鱗匹眼空千里萬里程  
一點飛從草頭黑蹄高四尺尾徑尺全力都從尾間出  
頭有背腹髮踉膝大氣回環如一筆蠻靴烏帽衫落拓  
此客我疑孫伯樂不然何以神飛騰氣磅礴我曾行  
經大宛兼烏孫枕戈萬里求絕塵生還豈意復相值雪  
夜對此開芳樽六如畫品陶山詩落筆往往饒精思前  
生不是趙承旨或者即為李伯時君不見旄頭星尙照  
巴蜀眼急捷書來不速十萬驛驪競馳逐饑火燒心尾  
毛禿何如此馬真有福飛行限以尺一幅低首且食太  
倉粟

消寒第八集孫兵備星衍遶同人泛舟至永昌鎮訪孫

武大家率成四首

初日甫欲升照我出東郭巫門已迷離何況家廊落言  
尋永昌鎮十里路初拓英雄骨未朽其上已耕鑿雖然  
巢家鵲鷹隼不敢搏緡罷越絕書酸風下懸關

伍胥貢奇士本欲爲國謀寥寥一寸心亦報身家健要  
離與專諸詎與公等儔蕭蕭吳宮中頸血五步流遂令  
姑胥臺濃春倏成秋平原不知兵亦斬笑者頭

生齋而仕吳位視容卿例如何蓋世才乃用作兒戲兵  
鋒纔一試已取郟郢地嗟嗟甬東叟不及盡奇計至今  
十三篇海內悉衣被

荒墳極十頃上有柏樹根高碑止留跌文字已不存茫  
茫今古殊地尙名孫墩百步絕采樵沒世若有神千年  
倘思鄉魂登望齊門

消寒第九集臘八日李廉使廷敬招同人至虎阜憩梅  
花書屋看黃梅作

十步巨一閣五步橫一臺藐姑仙人尙未來風信先已  
催黃梅門開稜稜石千尺徑險最宜雙蠟屐小樓開處  
三面花花下屋古如浮槎闌干東西屋前後不及捲簾  
香已透紅紅白白不並時南枝北枝開故遲維餘寒影  
互激射凍蓋落葉光參差黃蜂千頭綴枝冷只惜南園  
蝶無影乾千山雀時一雙噪得遊人發深警日當臘八  
月上弦樓上兩兩排華筵飲中八客疑八仙是日同在  
詞館者共

有人不飲我欲花前眠花光既分飛燈影亦交錯君不見談深不覺冬日促樂樹夕陽黃不落

右會晤詞

回頭卽相思對面忽無語妾身雖堅貞妾意已相許妾如團樂月無缺儂似曉星常逐月升天入地影不離何必更判雲與泥

右訣別詞

紫驪不會歸青驄不會去同行復道中意外復相遇黃梅一株香未折花底忍寒來訣別暗影朦朧啓比扉嚴霜正白城頭月

邦溪步月

空外月華直幽人此際來寒梅三兩樹並影一齊開臘月十九日卷施閣邀同人爲宋蘇文忠公生日設祀作

東坡謫南海我謫西海頭東坡更三歲尙未離儋州我項荷戈來僅止三月留我歸正值黃流漲海外奇花未全放天山六月汗不流冰雪千層萬層障場來半載荒江泚一念感 恩先欲死江田時陸復時沉自歎浮生亦如此年殘百事如蠟毛歲未全稔民仍勞憶公更憶初度日置酒遠復邀朋曹初陽離離開竹屋黃白種梅香乍馥遠行萬里今甫歸濯足卷施一隅谷君不見坐中七客鬢皆斑難得人閒歲亦閒同獻樽前一杯酒

祝公生日我生還

瘦同年廷堪以其族會祖明侍御遺札屬題率賦

一首

一紙留遺墨千秋識盡臣更因懸腕疾彌覺剖心真臣節終橫草朝端尙厝薪傷心江總輩文采竟亡陳

借月歌爲借月上人賦

出門卽看山閉門卽抱膝上人于世何所需祇借天空一瓢月有時欲閒吟一瓢月在心空濛百斛光先與祛煩惱有時欲說法一瓢月在頰靈明百琲珠如看瀉行篋空空相色并非想瓢月時時復盈掌離鄉忽欲念鄉山天姥天台或長往去年住城東看此瓢月生異宮樓前燈影明今年住城北看此瓢月蝕天王堂中香炷熄僧旣不還俗月亦不上天假而不歸凡幾年聞說塵劫歷百年經千天邊之月時或缺月在一瓢光不滅許上舍汝原觀壽圖

避人何敢學乘桴東下滄溟住得無轉眼忽憐塵世小

一杯海水一葫蘆

三千里路客何久十八家村住亦難我欲與君同卜築

城南陽羨好溪山

題畫

峰峰嵐氣誰能辨一色采雲分一面山形正闕西北峰卻好海霞生片片山深六月徹骨涼世事不到三間堂

回厓偶爾透日光水流花開天地忙石壇中間棋局具  
五客入門饒逸趣纔完一局已卅年騎鹿公然上天去  
荅友人問近狀

門前三萬六千項架上二千四百年宵次近來無一事  
釣竿纔放枕書眠

跋唐豐溪處士呂從慶詩集後

處士本大梁人以唐廣明元年避黃巢之亂至歙又  
自歙移旌德之豐溪遂家焉處士卒時年已九十七  
自題其墓碣云唐詩人豐溪漁叟之墓時已屆石晉  
天福中蓋處士之不忘唐如此自後遂世居豐溪迄  
今已九百餘年子姓繁衍多至數千家余來主洋川  
書院其末孫璽與培皆從余游近復從零緣斷碣中  
搜羅處士之詩并前所刊共得四十五首乞余序之  
因并繫以詩

君詩四十有五篇流傳九百十六年豐溪自此占居籍  
百世尙識開封遷人丁至萬戶至千前後南北關墳田  
清明歲歲上先冢十里以外聞香煙千年家法堪則微  
不用西方化人教牲牢奠後布路回墳頭從不飛紙灰  
君不見司空表聖羅昭諫唐末英英義聲見詩人豈藉  
詩句傳大節所在尤昭然豐溪處士生晚唐末路乃值  
晉與梁時險時輟心內傷醉後自比陶柴來烏衣山王  
官峪斜嶺柵峰同窄寧九原數子如可作愧煞陵陽杜

荀鶴

友人貽所知集見卷中錄先君子詩頗多敬讀一過感

賦

親承色笑猶如昨孤露餘生五十秋夙好尙能依膝下  
愁多時復上船頭傳家舊業詩千首卜築新塘土一抔  
便種梅花滿墳屋他時地下鎮從遊

更生齋詩卷第五

陽湖洪亮吉著

箬嶺授經集

廟志詩三十首

蜀木可製棟乃反裁作橋蜀木之橋心焉搖擗蜀木可立柱乃反刻作舟蜀木之舟或沉或浮

天形不知以農為師地圖或滙引商參問欲知古詢及買欲通俗訪及僕

羅網待物不擇飛走資格縛人不問賢否

慢神無福諂亦如之不慢不諂是為得之學佛無益毀

佛無損不佞不毀達人所允

萬燈雖明不敵一星九流雖精不敵一經星晶瑩海宇

寧經習熟治術足

奔佐飲茶佐食腸浸活口呼吸一火攻一水厄消肌膚

鍊精液

一家飢寒擾及里鄰四民飢寒憂及君相

靈狐狷狷善惑世人神祠穴久不蠲土偶林禽剪舌巧

過百物有法制之禦以木訥

身欲死業不靈心欲死語不經語不經神殛之業不靈

鬼殺之

我欲上天祇憑一梯天之高高梯則已低我欲渡河祇

結一壺河流湯湯壺不可附

以力養人力懼不展以心養人活及無算以財濟世財有匱時以言濟世利無窮期

妄思奇福必得奇禍妄思窖金必至家破

龍行雨聲不聞龍出聲雷即噴鵬搏風翻不露鵬奮翻

天即怒

我所思在九域以外九域既窮天地何屆我所思在萬

物之究萬物既究孰持其後

心無款傾不畏震霆行無疵累不具社鬼社鬼所搏必

非強梁雷火所觸人或不祥

齊三士可稱勇伏劍死不旋踵魯兩生可號儒叔孫先

不能污齊三士誰可敵田橫島五百客魯兩生孰可同

哀平中楚二龔

衣無複單難以禦寒家無法紀難以服官衣之有複潤

及肌肉家之有法化及鵝鴨

惠人升斗莫惠以口殺人刀戟莫殺以舌口惠人怨必

叢舌殺人已必凶

妖禽九頭妖狐九尾顧首顧尾不見可喜并鼈斷足形

天斷頭時起時舞不見有憂

盜賊水火不過家破飢寒困窮一身之凶妒賢嫉能破

及孫曾利已害物禍至殄滅

環堂而行跬步有幾行之不已可積千里索書而觀書

苦易竟循環讀之義乃不盡

欲身不病無與物競欲身無災與物共財

檻虎縱馴不使導遊吾誰與偕岸有白鷗籠禽雖俊不與論心吾誰歎曲案有素琴

不隨俗可挽俗不趨時乃挾時

父母存苦賤貧蒸鹽蔬菽日以奉親父母逝感遭際錢刀錦綺僅以營祭東流滔滔逝不同西日宛宛誰能追行持形骸入蒿萊元堂幽扇承趨陪

鵬六翻難傳天蟲百足難陟巖終爲人所嗤不爲人所憐

百步之內必有嘉木吾拜松竹重其先拔俗一林之中必有飛翔吾拜鳥鵲重其不出鄉

一身之事妻孥不詳欲告我友又苦各一方百年之中半不居里惟蠹魚追隨見我輒喜

喜飲海水喜食海魚春夏卜居無違巨區喜餐湖溆喜采湖菱秋冬讀書宜傍禹陵

鏡不留物影過卽滅世不待人事去卽陳浮雲激電生滅何速視世以心不視以目

壬戌新正九日吳封翁端葵等邀集世經堂看梅作

昨夜羅浮月微黃挂屋端居然半間舫釀足十分寒殘

葉樹頭墮古香枝上探花前兩年少吹笛勸加餐

十八日借陸孝廉繼裕莊上舍曹儀黃秀才載華至城

東橫舟亭探梅回集卷施閣小飲卽送孝廉北上

東風纔解凍北風又飛雪已傷青春遲復與友生別陸

郎卅載同鄉里早歲聲名日邊起蝶夢莊周昨已醒牛醫黃憲今誰比三君一例皆少年各矯健翻凌風前流

光真慨孰羊朋壯志欲餐生彘肩嗟余病已經時臥五

十五年彈指過范雎翁向生前折荀偃頭從夢中墮閉

門且學楊子元精義一一離言詮雪花六出梅五出日

月右旋天左旋因茲悟徹無生旨大地春光亦如此要

從鸞燕識春秋不與蜉蝣共生死燭光千頭淚百堆日

昨畫鷁從東來元夕城東城壁天門一笑卽飛電地軸

半拆驚轟雷閉門却倩梅花守掃徑惟應待良友二頃

雖無陽羨田百壺且中山陰酒東門之東花幾株草根

樹皮春已蘇大姑城訪東晉剎少伯河接西眺湖荆湘

米價平難得楚蜀軍書尙馳驛燈火初回眼已青干戈

乍砍頭先白八角籬門尺五汀暫時分手若爲情南行

欲趁鳧溪棹北上先題雁塔名

將至洋川書院先詣郭北謁別先坐

經年方覺定羈魂松栢蕭蕭謁墓門已分頭顱行萬里

昨歲蒙思免死遣戍伊犁至戊所僅留皮骨反孤

將軍又欲行法亦荷聖思以免

村長愁擬共張平子妙德愁無哀慈孫揮淚更從原北

望鶴鳩聲裏上朝噉

過東垣

已斷中江路銀林五頃長水難歸震澤波轉笑丹楊別

派分天塹低圩減地糧明五垵成高埠諸縣遂為澤國前  
等臺濠遺事在三復感滄桑明遂奏減地租派入宜興荆溪

花朝日阻風江口望采石太白樓咫尺不得上

今朝花朝無一花今夕月夕亦無月因之酒人無酒飲

空向酒仙樓畔歇沉思往事心內傷陳劉應徐均已亡

謂三十年前學使署及沈太守業富署中諸賓我前同  
客如邵學士晉涵高孝廉文照汪明經中諸人

公謫夜郎意外復得還江鄉眼中千里裏萬里只坐沙

洲慵不起忘機雅有忘機伴鳴鶴鷺絲飛不已君不見

江源亦出昆侖中往者險欲探奇蹤伊犁去昆侖豈知

勞人家住海東岸江水過我始得東朝宗奔馳歲月方

三載江水未移青鬢改竹扁偏憐壯志虛乾坤剩有詩

名在二更月出斷崖口遠道呼童復沽酒花時雖無桃

杏花且向原南折新柳

涇縣道中夜宿

春山一路幽蘭香菜甲遠糶斜陽黃藍輿時向杏梢度

薄取尚欲穿層岡一山初平一山出怪石總從頭上突

却到山溪夜已闌橋南一樹花如活

過茹麻嶺

茹麻嶺南無隙地麥隴盤盤上天際青松陰裏紅杏花

波影日光微覺膩踈踈一樹闌干右燕剪未來蜂已逗

晴空復聞喚雨鳩况得一角陰雲浮

行次桃花潭山店看杏花作

整整斜斜劇可憐桃花潭側杏花妍銷魂樓上三更雨  
似畫江南二月天小語未妨留睨睨間情只欲惹鞦韆  
慈恩回首真如夢露冷烟殘又十年

山坑道中

雲乍離山日向晨浣衣津口淨無塵不知頭上花齊放

祇覺遊蜂戀美人

抵洋川書院

來路雲已遮去路山復塞山禽亦分界飛不妄南北惟

愁山外事傳到此山側預戒五尺童不延山外客

追思荷戈地亦有萬仞山但覺白氣周無此青鸞環攤

書向樓前鳥語殊綿蠻勞攘三十年獲此一歲閒

生徒十數人曙即攬衣起周廊聽書聲都穿白雲裏與

談前世事一一盡色喜所愧學業荒欸門來不已

樓前半畝花紅氣通八牖朝霞復相間赤白分左右欣

茲讀書暇時亦陟岡阜日昨山雨肥園丁獻新韭

詠亭側海棠

薄暝行山坳花氣籠一谷紅襟一雙燕守此花畔宿紅

紅白白競半春只此花態尤清淳亦如名姝善守身豔

極不欲銷人魂一花初開承一葉葉上時時綴胡蝶雲

紅露白夜不眠要看殘月來花前

曉起看梨花

一白疑無影亭物外斜祇宜將曉月襯此欲開花飛

瀑空相照幽禽靜不譁闌干兩三曲何處著春華

山樓喜雨歌

一月不雨憂三田四山出雲高接天雨聲似挾海潮至  
一夜迸落山窗前山中懸溜本數重添出百道如飛龍  
喧聲忽然入室中欲挾床几凌虛空漫空花雨尤堪訝  
桃花李花成陣下海棠可惜昨始開連葉都飛北窗罅  
園丁失喜農師幸風伯差嫌煞風景翻盆雨驟晴亦驟  
北斗仍看挂松頂沉思往事聲暗吞憶昨雨急趨烏孫  
窺身無地得空穴雷電又入控驚魂兩行作雪夜若年  
我僕尙滯南山巔羊裘濕盡不得脫指凍欲裂饑腸煎  
卽今生還萬事足況復眼前書可讀雨聲風聲縱凌厲  
足不下床頭戴屋君不見雨餘濕翠復幾堆曳杖更欲  
登層臺老饜無端笑口開明日驚筍登盤來  
山館靜坐憶孫大星行戊戌年曾共隨學使  
峽號墟荒澗響琴卅年前事一追尋巖腰柳尙凝青眼  
谷口蘭真愜素心偶尔塞翁悲失馬依然山館仿來禽  
舊遊十輩今誰在最少如君白髮侵

將至旌德趙兵備翼枉詩相餞未暇報也山館無事戲

作長句柬之并約同遊黃山

逐臣初歸戀鄉土日日醉眠腸欲腐有花卽向花前飲

不問誰賓復誰主少年英英丁與陸明經履恒 孝廉繼翰跌宕文

場氣頗粗就中我敬西頭趙七十高年健如虎哦詩一

字不相讓往往雷霆雜吞吐牡丹八首尤奇絕老筆轉

能生媚嫵百年文獻差不愧一輩賓朋試重數忘筌莊

叟善高論通敏荷鍾伯倫稱大戶召名揚沈吳近又結詩

社廣文元幹劉蔣頻招宴花圃太守德昌養神我憶月

廿三去歲二月廿三日清明競渡人喧日端五波光已覺淨如綺

筆力復看強過弩座中詩派判唐宋壁上兵鋒看秦楚

危詞縱累十二碁定律不差分寸忝便教長樂殿刁斗

敢與淮陰鬪旗鼓強梁幾欲扛周鼎弱肉何堪試蕭斧

叢譏杜老作詩瘦轉學荀卿著書苦此來百里程迢遞

實遊千言氣莽鹵仍攜季豹同趨壘符孫兒于未碍伯

鷺居賃廡萬山已距南來轍一屋祇開東向戶三天子

障肩堪並五老人峯頭復俯九華山距此不及二百里雲光破曉嵌

簪曉清氣歷時克肺腑耻同詞伯競壇坫可許散仙居

洞府狂遊尙未卜時日郵意終須待儕伍我餐黃獨纔

匝月君跨青驄去何所時聞有吳名山欲入先鼓興此

老若來當步武朱砂泉記仍可續紅杏原詩不須補綏

程水定由青弋回路嶺仍登白紵狂思策蹇升龍脊醉

或然犀燭牛渚餘閒并可覓酒人陳巡撫淮近寓居蕪湖得暇未

妨談食譜君如爽約當有說意必兩端持首鼠蹤疲旣

畏行客笑句劣或恐山靈侮興公果係天機淺安石輒

爲人事阻縱然曳踵看山色應悔埋頭住江澣溪南帆

席不肯挂屋北降旗定須豎歸時擲示一巨編讓長我



歌擅今古

登山半小閣

一閣瞰四山缺處望箬嶺山坳一千戶歷歷若居井白  
雲穿入曠曉夢尚難醒幾家晨爨早烟縷上山頂烟光  
觸花氣倏忽暗朝景獨坐心轉清憑闌試新茗

山下訪友

門前古樹分向背千枝百枝鳥聲碎有時出屋不及冠  
頭上白雲如可戴興來欲訪溪南友水鳥鷺絲分作隊  
橋心甫過魚驚窺瘦影亭亭嵌波內南山雲晴北山暗  
坐覺一窗殊顯晦野人留客頗勤懇手剪青青一畦菜  
家貧不諱糲無粟舍北村南總堪賃飯餘一晌眠初熟  
倏忽怒雷喧水碓竹中一徑穿曾慣人去鳥來都不碍  
零星舊事談難竟送過前溪步方退爲言山僻有一龕  
明日倘來堪晤對

侵曉送客過嶺

孤帷隱一燈行客尙未起殘月下北山寥寥犬初吠  
一峯抱一峯劣徑人隻騎十里吹濕香原空瀉花氣

偶成

鳥聲不下樹蛙聲不上山夢醒聞泉聲寥寥隔層關前  
宵一雨山光綠添得水聲飛上屋三層閣倚百尺松飽  
聽日午唵蒼龍

連日風雨花事零落殆盡牡丹芍藥尙無消息感而有

作卽示諸生

岡北岡南厭登涉十日看花都作葉風飄萬朵無一存  
隔隴蔬花尙層疊閒情幾日少歸束春麥百番難妥帖  
負暄行客乍脫綿驟暖高齋欲搖筆無端頃刻變晴雨  
或者陰陽欠調變名花縱謝柔桑嫩樹上家家有蠶妾  
攜壺挈榼上冢忙刷土四邊封馬鬣茶畦偏多麥畦少  
久矣斯風盛宜歛洋川書院擬半山築屋居然象城堞  
一甌我尙遠借書百里寂慙爭負笈閒繙左氏獲麟史  
教傲義之換鵝帖蜂腰終覺句可商鴉舌半憐音不叶  
九經四史孰淹貫八體六書宜涉獵百房燈影遙相射  
半里書聲恍如接埋頭已覺遙夜永陟足偏欣上山捷  
諸生英英志莫惰春日遲遲睡防壓何時便可放勺菜  
此信定難購蛛蝶花寬十日五日約香已千枝百枝衰  
新蟾屈指黃半鉤嫩藥關心紅一捻二分纔向枝頭吐  
一朵誰先鬢邊貼花前勸我頻攜酒花下阿誰時步履  
醉同山簡接離倒兩學郭公巾角墊金疊總向人前濕  
玉笛須從樹頭壓半街月霧籠衫袖五色花光照着曉  
商量却待榴火紅青弋江應放歸楫

度嶺

一山初平一山起更有一山生足底怪峯稜稜都礙屐  
山鴉啼愁山鶴喜翠柏青松淨如洗山頭回身望山尾  
來路都沉白雲裏天梯初升石門啟已隔下方三十里

山樓曉望

花紅宜朝嫩花白宜曉月梨花尚帶殘月光一樹棠梨  
已迎日人家分住東西嶺菜甲作花連十頃平田雨後  
飛濕光雲朶亦與花爭黃

微雨

天半浮雲過山頭暗一重早涼開北牖微雨入前峯已  
度三層澗全迷萬壑松冥濛看飛鳥歸樹尙從容

山行

添衣欲出門日色驟晴煦濛濛北原上春氣零若雨斜  
穿松樾徑百鳥頭上語草花三兩種曲折礙芒屨前渡  
淺水灘牽衣待僑侶

三月三日憶里中雲溪諸勝

今晨三月三禁烟亦此日風花無一朵清冷值佳節携  
樽上高阜轉覺鄉思切遙憐池館好疎雨亦將歇北郭  
展嫩晴雙橋上新月應有挑菜人延回出城闕

我家白雲溪雲白溪亦漲一鳥溪上鳴千花樹頭放近  
移東半里築屋轉相向春來倘無費麥輒在溪上樓前  
楊柳樹開牖可閒望花落溪水深春人定惆悵

郁李

階前郁李多只惜花瑣碎沉沉春晝影迷客有如醉幽  
蘭獨高格開尙與人背梨花嫣然姿亦出桃李內庶幾  
顏色淡蜂蝶所不愛三春孰蹤跡一客獨盼睽欣然携

茗具晴晝看至晦詎忍折一枝夜窻仍晤對

半山看雨

雨聲欲走北風力欲挽西遂令一谷雲分向西北飛風  
驚西來南北走天頂依然挂星斗風聲雨聲入夜昏鳥  
歸人歸爭一門君不見歸人歸鳥何太急鳥亦有巢人  
有筇

大風拔木歌

寒食前一日

危亭不合皆畫龍怪底拔宅思騰空爪牙森森頭角挺  
恚得天龍下窺影雨聲飛完復飛電風力驟回先拔木  
飛泉如濤響空谷餘勢尙摧花與竹畫耶真耶不可知  
但見半壁雲分馳雷聲亦自屋中劈照見鱗甲尤參差  
江南山高水復澗幽處盡爲龍所窟以龍招龍龍卽出  
或者真龍怪唐突黃山之西白嶽東勒翁掃壁更畫高  
高峯不爾龍挾此屋飛入雲當中

寒食偶成

伊犁河上值清明東距關門尙百程今日萬山深處坐  
雨花如夢撲簾旌

誰向洋川紀歲華沿門都已採新茶山中春事忙如許

桃李先開半月花

日午山窻睡起遲東風吹夢入游絲愁無一架秋千影  
閒煞滿庭紅杏枝

衰遲未敢說春愁帳觸鶯花憶舊遊只有白雲知我意

隨風都到海東頭

借諸生至下洋川修襖各賦一首

我來已半月未及洋水濱茲逢禁烟節又值上巳辰諸  
生學經時用志已不紛相攜勝地來驗此心賞真聯行  
亦無多童冠八九人章衣過石橋酌蠶向水滸頗感歲  
月馳奄忽及算春吾徒勤讀書尤在志行純心性苟不  
滿邊計泰與屯朱雲折安昌其氣尙未馴及對辭讀君  
品乃絕等倫寥寥一千年冀欲追絕塵狂狷致失中又  
恐戾聖門同堂貴參稽得間盍共陳歸及新月輝陶然  
欲芳尊

清明日望遠

三更白雲四更雨踏青人聽更殘鼓聲繞絕人聲擾  
已見春衫度林杪濛濛松竹徑尙昏春燕亦復隨春人  
風光縱好春人訝似怨桃花已先謝山中一歲止一來  
棠棣枝下仍徘徊一旬春鬢無顏色却戴幽蘭露猶滴  
洋川曲折徑亦斜沿路喜尋親串家潮裙春水年年好  
只惜紅顏鏡中老

階前艸花黃白可愛爲賦一絕

黃黃白白滿窻紗破悶聊拈午後茶從此不嫌風景淡

草花能替樹頭花

清明日憶女紡孫却寄

小白長紅幾樹桃嫩黃淺碧柳條條春光偶到三層閣

客費頻牽八字橋堪可學文愁病肺兒能涉筆幸垂髫  
請符他時卜宅烏衣巷時得孫大季仇札約買宅共住江寧故云門外山光  
即六朝

偶成

校得南華內外篇晚春已覺日如年新紅看罷看新綠  
正是江南麥秀天

夜起

尋詩似厭春晝忙三更起行百尺廊紅蘭花前月尤皎  
白鷺影外天何長樓臺密處欄千襖北斗正垂關北曲  
水西一燈行不休夜半已到山南頭款門殷殷人不識  
失喜偏逢寄書客山深不及羅酒漿飯客祇有蔬花黃  
主人將眠客復起欲到縣中還卅里

水北三松歌

日日樓上看三松今日甫向松根過亭亭拔地百餘丈  
遠望仍疑水邊臥松邊一橋亦千步橋盡松根始全露  
盤空天矯不可名一半橫遮水南路松梢沉沉足烟霧  
白鶴不來棲白鷺一枝北出勢更奇尋得樓臺復無數  
五松中間兩已枯問向岸北尋根株移南倘復十數武  
老幹直欲掬浮圖霜皮一尺裂一縫堆得苔錢已無空  
風聲雷聲昨恁龍欲出山雷雨踵倒海排山浪齊湧  
只有此松兀不動攪掣星辰疑有力回轉陰陽不踰刻  
根株盤盤穿入石透出石中枝尙直松聲近樹反不聞

數里外覺驚濤奔鄰翁下見五代孫自說輩行無松尊  
愛之不忍手撫玩一月幾回來斷岸君不見四山中間  
人跡斷此客此松聊作伴

暮窻看霧

分半山坡枕水涯讀書樓上一燈斜怪來眼界空如許

白霧漫漫蓋萬家

望遠

挑菜游裙總未曾半旬常自睡膏騰小桃落盡春無夢  
雙燕歸遲夜有燈舊友許貽京口酒新詩都寫刻溪藤  
惟餘望遠心偏切月黑高樓上幾層

山杜鵑

十日不出戶杜鵑紅滿山始知造化功足補春事殘紫  
藤亦牽花掩映松竹間胡蝶去已久何時復飛還曳杖  
一縱觀花露衣上班側聞鄰翁言消息到牡丹有此匝  
月紅庶可待藥欄

山中

山中雨半宵三日足清響蛙鼓亦上山寥寥非意想

即事

山雲朶朶欲凌空單得山花處處紅自覺著書心地徹  
不知身在白雲中

雨夜友人過訪友溼縣人

竹笠匹鞵猛叩關匆匆知自震州還故人欲話三年事

積雨先沉四面山勒客酒杯心轉怯照人燈火鬢初斑  
離家早已忘家累擬築幽居水乙灣所居水西山水九勝

洋河橋題柱

不教喚盡野田花

題士女遊春圖

白白紅紅艸亦香且扶新月過橋梁春光似海人如海

不避遊人說大方

羅衫葉葉趁春遊竹粉時時拂面流摘得菜花何處用

嫩黃先襯玉搔頭

黃蜂何處覓遊蹤欲上層梯意轉慵拂面遊絲已無數

第三層塔且從容

驟晴驟雨筆難描一朶輕紅未破苞乳燕尙嫌毛羽重

祇教胡蝶上枝梢

曲曲溝塍之字斜踏青纔了路偏賒一條春巷門無數

何處能尋阿姊家

十四日夜起

及此三更後唵堂宋不諱夜雲時作態春月亦能華蝶

夢穿書幌蟲聲落畫叉空明一灣水似不隔窗紗

十五日詣日涉園看牡丹

紅踈綠暗悵無端路僻山深夜尙寒似爾鏡中花爛漫

鬥他天上月團團風光艷憶餐霞閣香味清迤承露盤

迢遞樽前小兒女故鄉春好不同看昨歲友人貽異種數叢植卷瀟谷中  
此時當亦感開故憶及之  
看花歸值急雨

雲頭候已昏雨脚來亦驟歸途經畧約四面水聲湊忘  
攜簑笠具衫袖薄將透幸茲坡險處我僕已迎候扶攜  
到軒墀早復注簷溜樓頭窗八扇看雨做前後只隔山  
兩重空明月如晝

夜坐

好書圍四面複屋住三層花氣能消酒雲光不得燈下  
帷更乍永擁被月初升只此清涼境年前得未曾

十八日詣延芳書屋看牡丹

別分池館枕汀洲花外繞停喚雨鳩修到紅顏仍有福  
開從綠野不知愁吹香簾下頻牽夢照影波中亦並頭  
倘仿徐熙圖没骨焉支山下我曾遊

歸途復過日涉園花事尙盛

別來莫恨花開緩月缺一分花尙滿風風雨雨即不時  
梅枝李枝能護持牡丹旁有梅一株高梅枝高更出簷  
角雨縱日飛花不覺固知顏色異出檐角為蔽風雨常樹亦曲意憐花  
王花前艸綠都如帶花影將沉夕陽外朝霞色淡暮色  
紅雨後花尙嬌春風片時危坐北窗裏靜聽周廊鶻聲  
喜君不見林陰初昏客初起香氣逐人還半里  
二十日大風雨屋瓦皆飛至四鼓乃睡

四山都羃雨雲氣代成峯怪響時穿屋飛濤半入松夜  
燈迷百級露天揭三重誰說高居好眠遲待曉鐘  
案頭盆蕙盛開

書纔完一卷蕙已舒九朵清絕山館中幽花伴人坐  
二十八日破曉雷雨

驚雷一片穿窗紙花上稜稜電光紫朝霞欲上倏復收  
讓此霹靂穿雲頭日光初明電光暗雲外數峯雷尙占  
陰晴百變誰得知殘月尙挂青松枝

連日風雨山杜鵑紅者盡落復有黃色一種花朵較大  
滿山谷喜而有作

昨朝山杜鵑一雨紅盡退今來黃更艷萬朵出山背深  
山花事好五色若相代花黃不到處點入四山黛森森  
碧合流纍纍綠成隊如拳復如合花朵不繁碎已有采  
藥人嬌黃鬢邊戴

自十五六日雨至此十餘日不止春事將闌感而有作  
只惜花千片都隨雨腳飛此時孤客夢樓上一燈微夜  
久頻牽幔春寒孰寄衣惟應入簾燕語舊尙依依  
眾響居然寂天風靜掃開殘春懷遠道斜月逗前山影  
逐孤雲上魂隨獨鶴還鄰翁縱相約花事恐闌珊  
二十九日稍霽向山後縱步  
上山平下山險霞光舒露光飲雲頭尙有瀑一重雨脚  
亂飛花萬點厓窮谷斷步欲回對面樵客穿雲來沿流

飛渡捷于鳥說北山花事好

山樓讀書雜詩

朝陽出東山生氣滿空谷春禽飛不到時亦響啄木經

時春露好潤北松與竹閒披東北牖偶復眺村屋空外

飛爨烟慮知飯將熟

晨興對聖賢夜夢侍親側神明渙然開真趣誰復識孤

生百年內所苦駒過遠庶幾餘寸晷藉以獲三益平生

尤與悔至此已冰釋

平掌三日晴原野漲春氣裊裊青竹竿森森逼天際高

低楊柳外鳥亦鳴得意而我久客斯孤生或如寄山農

勤播種僻壤少隙地昨者餉豆苗盈筐綠猶細

山樓極高寒所苦山霧重誰云春日暖幽谷未消凍軒

墀行迹絕艸密已無縫冠裳束高閣月朔偶一用離俗

愧未能經旬有鄉夢

閒身三十年一日書不離每于積軸中獲此神解奇一

義苟豁然詎識渴與飢遊山素所耽近屢改日期亦恐

心志專或以耳目移殘漏披北窗攤書竟忘疲

山雲不出山舒卷如在我林禽知客意時亦近窗左軒

墀無別物積軸致堆塚而我顧樂之時行復時坐風花

雖已謝又綻滿林果今日山杜鵑入簾開幾朵

頻年著左傳詰已欲告成偶題一律

頻年几案整精神詰方與勒較真于世已疑成棄物

此經未愧號功臣時將古意參前哲不肯多端誤後人  
紅豆一株今在否莫教嘉種化為薪紅豆山房惠徵君  
定宇所居也此書  
承徵君九經古義  
頗多故憶及之

三十日餞春

屈指將長至攤書晝漏長日濃花氣淡山靜水聲忙紅

隱新遷社青連古戰場北去即蘭石為晉宣城  
守桓爨屯兵距蕪陵處殘春今

已盡三復舉離觴

山館卽事

三重碧澗客難渡一片白雲吾與居平心已任喚牛馬

壯志偶欲箋蟲魚樓頭青松下芳艸樓上著書人未老

經句窺徑無一人抗手欲招飛過鳥

花光一重雲一重花氣香入雲當中雲頭花香亦分鄙

高下任逐冷冷風幽居百日絕妄念山在屋頭看不厭

惟嫌村酒淡不釀卅里呼童走山店

初七日夜借同人至鄭氏園亭看勺藥歸途遇雨作

閉戶纔旬日高原麥已黃亂流雲外湧百草雨中香地

僻留春氣廊虛閃月光居人無乃笑曛黑看花忙

喜青陽陳明經蔚過訪

驚起山南鳥鵲羣筍輿穿徑已斜曛意中欲定千秋業

時以所作乞肩上猶飛五色雲種蛤近添新事業近于  
訂定并乞序他時九子峯頭

數頭射魚仍憶故將軍君客福建將  
軍署中五年路訪罷東巖便訪君東巖卽九華東峯三十年前與  
君分手處也時訂重遊九華

豐溪道中望天都峯作

山南地陷如智井人鳥爭巢松柏頂高低山麥皆已刈  
留得白雲鋪十頃千峯萬峯雨模糊一峯獨立天所都  
記曾曳杖至絕頂七百里瞰高浮圖戊戌歲隨學使者遊黃山曾偕土人陳某登天都峯頂天氣晴朗約畧望見江寧城外報恩寺浮圖蓋相踰已七百里矣陳某土人名彪山虎聞死已及名山歷徧人驚老如虎健兒今亦少君不見置身高處眼界開足底復有千山來

畫符嶺

竹笠芒屨雨腳粗更從峯隙望平蕪畫符嶺上無多地  
除却茶菴便酒壚

涇縣道中山行

水東水西天下最一縣好山都染黛人行螺旋不得休  
纔欲出山雲復礙溪光五采霞五色霞外樓臺好登陟  
艸頭黃白時有花紫燕交飛亦如織仙人溪上雲冥冥  
山青一路至敬亭君不見車箱驢背坐已怕欲借仙人  
鯉魚跨

琴高溪小憩

連山雲氣暗層岡瘦僕偏憐策蹇忙只有雨絲無日影

琴高溪上十分涼

琴魚琴筍更琴茶琴高魚之外地產茶筍亦極佳土人名為琴茶琴筍似與仙人

共一家欲約麻姑過溪上平田添種女桑花

渡小南湖

稍晴渡南湖波瀾三十里鷓茲及鷓鴣水面飛不已一

綫日影中湖頭達湖尾四山青乍露雲已伏不起何因

吳地犬見日亦鳴吠只有南人推蓬展然喜時陰雨已及半

第一村圖

于徵君宗林家在蒜山之麓相傳即晉時孫子荆所  
居第一村也壬戌六月十日徵君招余過洲上信宿  
並命幼弟淵問業于余坐次出此圖索題因作長句  
以贈

京江西頭第一村大水細水吞柴門柴門閉處一峯立  
對門即直上稜稜百千級水邊楊柳分三層鳥巢人屋  
魚有醫水光不動山雲化魚鳥與人皆入畫東瞻北固  
南五洲屋背更壓金山頭徵君兄弟文筆優闢屋別築  
藏書樓草堂時來第一流十日五日能勾留萬株青竹  
竿百頃香水稻九派江流入懷抱君不見晉人風流安  
可效合署此村名有道余過介休日嘗雨詣郭有道村

十一日同人遊九子山

今朝北風好吹我入南山一谷怒當路千花靜掩關時  
佳者微客從三伏斷雲自五州還却挂征帆去幽巖未  
及攀擬重遊巖子窟未果

剪江至焦山并遊巨公厓諸勝

火雲燒處戶難開却被支公信使催我比海湖還有信

兩隨圓月渡江來

石骨峻嶒石髮纖海雲東上日西淹來春我看桃花處

之字江流品字巖 匡正對桃花洲

巨超上人于焦公洞西北復闢一厓境極奇峭十二日

邀余及同人避暑其下并乞命名余因以巨公名之

復繫以詩

道人夜洗山洗入北山腹玲瓏逢一竅貼若巨龜伏梳

爬及三日寬已半間屋西來山勢猛至此始盤曲石石

恣欲雙惟茲石成獨安排青石磴甫可展遊目南瞻及

京口西正眺浮玉鬱鬱卅里洲雲烟互重復鑿山疏水

續始事尤足錄成功雖欲讓衆論久已屬剝苔題數字

庶配朗公谷

十三日早至別峯菴看日出

一峯既別出一水亦別流山水各有別于茲起危樓樓

上八牖開正對東海頭百怪未及藏光已燭郁洲森森

赤玉盤正向案上浮朝景既已開夜氣始盡收我心亦

空明障翳一不留僧難訝久淹敬進水一甌稜榻闕上

眠心神與天遊

詣高旻寺如鑑上人招登天中塔望海

不信帆檣上居然戶牖開岸疑穿地出山欲渡江來舫

屋東西接樓船楚蜀回贊公招手處飛鳥亦驚猜

此日隨飛錫多年歎轉蓬三層感香漢百級出樊籠天

意誰能問坤輿已欲窮請看東海水流入尾闈中

萊黃灣別墅與諸同人納涼分賦 卽放生池

萊黃灣中無六月水竹水雲涼沁骨支公迓客竊亦隨

毛羽離披脛先折房廊已達官河口四壁都依水楊柳

幽人見慣亦不驚水面大魚人立久斜陽欲入雙徑松

一杆已過焦山鐘雷塘螢火忽飛到百劫尙識歸江官

石牀旁邊安竹榻僧古說詩如說法道心不止鷗鷺喻

善念都看到鴉鴨勞勞行客慙入荒誰識此子疲津梁

天山冰雪話難竟 客論及出塞舊事 座客心地皆清涼茶杯門

罷門酒杯七客反送孤僧回君不見東西咫尺涼燠異

隔岸火雲飛驛騎

高旻寺 行宮敬賦

一水居然跨兩州塔前千尺步廊周怪蛇古柏爭橫砌

海燕溪雲各上樓話久綠莎廳外路涼生 黃屋殿西

頭誰憐憔悴江千客曾侍長楊五柞遊

侵曉詣放生池看荷花因夏仲雨水過多花事寥落地

上謝公祠等又半燬于火感而有作回途復至卜家

池上小憩

謝公祠畔路不是不能來水雲既已荒水上無樓臺半

池枯苗苗十頃黃蒿萊沿溪三兩家枕此蘆荻隈終朝

女墻影鏡裏常衰回待此曉日升久坐石砌苔回經卜

家池紅荷反齊開



盆蕙盛開

東南卅步回廊直香氣出門如索客尋香覓蕙淡不分  
花葉稍分淺深色一枝亭亭凡九花根蒂尚帶山中沙  
君不見離山更憶居山日萬朵奇花一鈎月洋川書院在山半此花尤

家

哭張編修惠言

直為朝廷計尤須惜此人義堪風有位官僅作詞臣嫉  
俗翁常欲憂時意獨真研心仲翔易骨相亦同屯君時注虞

易

萬里逢嚴譴三秋值抱疴避人來請室鞭馬及渾河己未  
八月余在請至中君無日不入訪瀕 閱世知心少思鄉  
行復扶病送至盧溝橋聚談竟夕

別夢多 屢欲乞假 十年無淚灑為爾一滂沱

校禮圖為凌同年廷堪賦

君年三十正據鞍相與共客河之干丁未戊申曾同是客河南撫署

時我有左傳癖未暇從子研周官禮經盤盪若干例近著禮例

釋例甫完先擢第木天粉署非所願只覓著書

將母地宣城僻在水一方昔為詩教今禮堂驚人不賦

謝賦句解詰問學盧中郎我行千里與萬里羨子枕書

眠不起昨宵訪舊來此州萬卷都堆竹窗裏遊談我已

戒不根况子經術今專門留賓亦復太狡猶倉猝為我

羅雞豚君不見溪茶可煮荀可食官滿十年階欲陟他

時博士擢禮官兀兀看君稱其職 受業呂培 正培 校字

更生齋詩卷六

陽湖洪亮吉著

蠶河傷逝集

夜宿九華山東巖讀壬辰年朱學使筠題名碑共十二  
人自亮吉外十一人無一存者感而有作

前遊十二人十一登鬼錄惟餘一生者西復窮地軸當  
其勢倉皇天地為一哭寧知過返迅又此濯雙足平生  
時檢點恐負友生屬餘年惟欠死除此萬事足山僧勸  
問訊把袂恍如昨灑酒對石厓四山紅躑躅

度柯冲嶺

屋前童失聲屋後山起立尤愁沙石滑空處不置級斜  
暉初沒水行客勢轉急君看厓上樹迅羽亦不集飛騰  
如梭猱我僕愧難及明星三兩顆天已逼斗笠石罅出  
一門雷霆復相襲時時涼沁體衣袂宿雨濕過嶺望九

華凌空向子揖

湛清園夜宿為陳明經蔚點定所輯聯珠集  
不用屏風六曲遮屋頭了了見金霞門外即金霞峯一門詩集

追元祐百里溪光似永嘉墨雨醉看飛四座水雲涼欲

卷千家平生幾兩遊山殿到處爭圍問字車

下洪溪愁雲嶺書屋贈芮茂才炳

泉聲碧瓊瓏石氣青瓊巖林柏花匝潭隙魚瑣碎主

人雖獨坐修竹列成隊主人雖抓眼翔禽舞成對閒雲

知夙契空水識心愛中年富文史亦屢至都會因緣無  
把臂甘此事恬退况今耽道寂久與俗相背閣仍課經  
卷偶亦勤耜未拔履不出門寥寥今廿載

自廟首至石柱山久憩

二石絕不黏高下及三丈凌晨北風峭積勢欲顛蕩將  
頽仍不下突兀出意想奇峯靚千百此石僅能兩行人  
經脇下險絕不獲仰無心雲亦憚出谷徑皆枉孤盤千  
級磴竟少一寸壤艱危歷方盡烟水忽貽岩貪看遊屐  
過樓閣幾家做夾岸紅蓼花沿途足心賞

歸途訪白山精舍

南山與白山勢若不相接青紅雲萬縷祇向白山貼望  
中纔數步忽隔嶺千疊松梢高復下門此筍鞵捷樹杪  
露石樓參差間層堞山深富文史百里爭負笈讀書精舍者甚  
衆禽巢及人屋近若舂與曉窗開瞰峯鏘鳥道入休歛  
棱棱飛瀑外山鬼或能涉爆竹偶一聲颺颺落如葉

松澗

藍輿一折已入山百折不獲升松關鳥聲噪客一何急  
飛瀑復向輿前攔夕陽欲沒仍不沒始覺石門天半突  
雲頭陞落一片陰且憇松澗聽鳴琴

余本約焦山僧巨超同遊九華巨超遲至山二日遂不  
相值巨超瀕行丹徒顧文學鶴慶繪天臺踏月圖見

寄因作長句題後以貽巨超即寄文學及王秀才豫

我前遊九華苦乏熟客陪有僧名道成道成俗家江都  
峯精舍有峯號飛來登峯挈僧行奇險始盡開猶遲過江

僧未及登天臺天臺山高一千丈却值秋中月將望山  
光正好客不來一谷後祿致惆悵我來早數時君來逾  
二夕蒲帆何遲筍鞵疾百里白雲迷去轍數君住近桃  
花洲見晝忽欲生離愁君不見我今讓尔出一頭逸興  
竟與神仙儔天空月華露不收任爾徹夜成清遊  
余以九月初旬至黃山浴朱砂泉及門青陽陳博士坡

文學壞及塾昆仲後十日始至亦不相值博士等宿  
文殊院及紫雲菴各二日始下山并迂道過訪出遊  
山詩相質復率作此篇跋後兼寄巨超

半春約客遊天臺芒屨已返客始來半秋約客入黃海  
可惜疲蹤復難待山靈笑我屢失期不待伴侶相扶攜  
豈知事會適然耳僅隔百里趨先岐山山秋爽山山月  
爾仁入山余轉出題餽說餅與益豪不負秋中兩佳節  
狂來翻怨天半風不逃笑語來雲中諸君清福亦誰及  
各以月滿升中峯一峯參天一拔地盜得乾坤最清氣  
環山宜飲十萬家下視冷冷垵中蟻九華既愧雲水僧  
黃海又復慙吟朋君不見天臺天都讓爾登我轉下厖  
塔千層萬峰中間一水澄寶氣上燭光如燈三宵七浴  
爾可能痼疾若失神明增靜中道氣時鬱蒸他日或者  
能飛升

七月廿三日道過宣城凌教授廷堪邀趙舍人良霽戴

教諭大昌陪遊南樓晚日即飲教授學舍率賦一篇

奉贈并呈趙戴二君

我前來宣城北樓正盛南樓傾樓頭七客作高會璧月

夜半縣簾旌我今來宣城南樓招客北已肩江城不雨

及匝月樓上習習涼風生地高正可瞰中外岡阜缺處

蕪蒲平春歸臺前望敬亭山色無復前時清流光擘指

卅年耳舊友一輩誰崢嶸紫微舍人有盛名前遊正直

歌鹿鳴靈光歸然尙及見謂舍人父侍御青藜余壬辰年隨學使者至此猶及見之

令我再到思前型西頭博士官極冷大戴小戴俱橫經

敬諭于孝廉揚輝亦隨行邀來共向此樓坐意外一一欣合并我行

僻路人窄經頗怪百輩隨人行我顏衰慙衛洗馬我句

拙愧蘇端明郡人看我亦何意後先轉告喜且驚得毋

平生性拙罪屢攫或者疑我非人情不然又疑昆侖雪

窟在何處怪我萬里遊行輕豈知我荷再生 德投界

又許重歸耕此來訪舊亦偶爾難得四面山如屏依然

遊興尙未減九子蓮萼思逢迎凌陽仙人寶子明邀客

不惜飛千觥烹鮮斫膾煮菱藕灑掃竹徑開荒廳茶杯

初停酒杯續愛我奇論特縱橫主人先醉客轉醒隔屋

僕豎杯難停君不見燭花墮穗已四更門外僕馬催長

征炎天雖熱夜氣清嵐翠重疊浮冠纓帶騰醉客路香

冥照徑幸有東南星南樓北樓此夜一回首落落更鼓

餘三聲

霜降前二日得家書知山妻病甚亟時以事淹滯未得

急歸書此遺問

山館傳經底事忙一旬猶未返江鄉青林盡變爲紅葉

那得愁人鬢不霜

宿京口于徵君宗林宅

日月雙丸竟若梭此愁難遣酒銷磨癸辛雜志從頭讀

丁卯荒橋接踵過鄰舫乍驚歌小海寓樓偏苦逼長河

淹留信宿非無事課得侯芭奇字多

焦山法界樓記夢

法界樓前雨乍昏半宵忽復見驚魂夢中不畏波濤險

飛盡江關到海門

幾番推枕睡難成索索愁聞故紙聲一語似傳陽羨好

微茫或已證來生夢中見蔣宜人似言將往宜興

悼八首

蔣宜人亡已匝月心緒惡劣不能握管昨赴弔吳門

舟次無事勉成八律聊寄哀思云爾

四壁都無百事非依然佐讀恐朝飢窮年累日埋頭憤

月地花天攜手稀質劍記供除夜燕購書先鬻嫁時衣

貴來只憶居貧候宦海頻頻勸息機

會稽僚壻寂輕浮心薄酸寒笑不休顧我幾時糶奮翻

累卿長日鎮低頭補衣怕在人前綻缺米羞從舍外謀

春半好花秋半月可曾結伴出清遊

客久燕臺復吹臺遠人難返遠書回中年總覺愁眉斂

上第纔令笑口開官俸薄憐隨手盡宮紗新憶稱身裁

宜人二次入都皆直端內廷紗綺之賜歡場畢竟平生少夜夜逢眠漏

暗催

奈此迢迢遠道何行完舟楫上車贏七千里外攜家往

三十年來負汝多憶塔夢魂逾紫塞傷兒涕淚滴黃河

余視學貴州出都日次子粉浮生本擬難重見卿咏飛

蓬我荷戈

百齡原未敢輕求安冀同將甲子周昔日望夫幾化石

他時喚婦怕聞鳩裏屍馬革吾曾具滴淚牛衣爾尙收

奉情過情蒙叟達悟來一笑欲忘憂

常將家計一身支甘苦誰人得盡知慈母羹湯調隔日

宜人自都中問母莊孺人年已九十宜人日饋甘旨不絕兒曹衣履製隨時輸官不

待催租吏掃室先延課讀師可惜了無情緒在譜他遺

事入哀辭

深閨解笑元才子捷徑行纓冠百僚尙謝俸錢逾十萬

可知名節墮終朝偶思卿語閒中涕頻把生魂暗裏招

我亦營齋更營莫居貧未改舊簞瓢

一種傷心譜不成畫看窗外總帷橫何堪枕冷衾寒夜

重聽兒啼女哭聲隻影更誰憐後死遺言先已訂他生

無眠轉羨長眠者數盡踈鐘到五更

客中雨夜不寐起坐讀吳祭酒錫駢近所寄詩

誰憐奉倩最傷神起坐披書屢欠伸垂老僅餘囊底智

獨醒時啖果中仁閒將晴雨占庚子未許雌雄判甲辰

祭酒與子同舉鄉試正是客懷淒斷處玉梅窗外影橫

陳

十二月十日同徐達源待詔陳煥理問唐在簡潘翁沈

翻三秀才呂英馮珍兩上舍遊故宮傳周元理宅後

五畝園率賦

我來黎里鎮冬杪意淒蕭悠然思縱眺退傅存老屋維

時歎戶客笑語聆皆熱攔門富烟水惜尙少喬木尙書

曾一面歸棹昔何速休神家街日久已鬢毛秃死有五

畝園生爲八州督同時弁山叟亦復振英躅俄焉大星

隕倏爾故巢覆並看饒遠畧獨此享殊福無端判豐悴

誰得識倚伏去去訪墓門靈巖北山麓畢官保墓在

贈徐達源待詔

居鄰水國號山民校勘陳編事業新官爵偶同文待詔

唱隨欣得管夫人君配吳夫人亦工詩買書船好通支

港寫韻樓高絕點塵屋後女桑三百樹不妨來訪異時

春

跋屠秀才揆鱗燈筆談

吳江書生授徒畢不朽思憑退臺筆文章李益詩韓翃

鬼董狐兼作三絕比來作家殊可商數日便已盈巾箱

春秋三傳閣上束委宛一册  
區間藏豈知著書人貴在  
義劍獲陳編盤盤出心得  
世事悠悠嗤耳食元之又元  
倘難冀謔以傳謔究何益  
韓陵碑外呼以驢墨仍矜  
信手

嗤作賊游談縱欲宗儀行  
邪說遠不如楊墨仍矜信  
手一寸可畏當頭法三尺  
汗牛克棟出不休郢書燕  
說

吾所羞流傳縱復屏不視  
雅為世道人心憂掃除一  
切斯政要昨者竟煩

天子詔近有論日銷禁說部等書  
從茲委巷絕傳布不與俗  
儒資

語笑六經置案廿史陳吾  
儒事業本有真見聞自此  
可畫一風俗或者歸真醇  
君之此書我所喜有勸有  
懲非

眾比因君發我所欲言白  
日當空照窗几

阻風二首寄吳祠部蔚光  
殘年心跡閑如此為訪知  
交屢阻風料得故人吟案  
側

寥寥先有夢魂通  
燕然日日荷戈馳苦憶孤  
蓬聽雨時何幸望湖亭外  
路

阻風中酒更題詩  
偶成  
俗儒不知古亦復不識今  
喜作經世書何異聾與瘖  
聖人旨昭昭不向六籍尋  
沉埋語錄中痼疾既已深  
事故

紛疊來隨俗而浮沉仍然  
嗤老莊又復哂向歆一册  
挾

兔園更詔工詠吟遐哉鍾  
子期何可託賞音  
阻風二日隨地泊舟率書所  
見四首

昨宿吳淞營今宿海虞鎮  
官塘咫尺不得近且向波  
心候風信雪花夜半縱復  
橫一燈如豆寐不成老龍  
窗外欠伸立來聽五夜吟  
詩聲

一村無十家屋背皆黃蘆  
村前村後集釣徒衣食總  
靠門前湖大魚網得愁無  
法倔強先將石砧壓魚多  
市達

不值錢時割銀鱗飼花鴨  
人蹤既已稀犬吠亦不聞  
舟移一村復一村對面忽  
迫

前朝墳荒碑半埋難卒讀  
落月正懸墳上屋多年翁  
仲欲出行石馬石羊爭尾  
逐

一舟依魚梁一舟衝蟹斲  
鴉巢紛披鵲巢亂風急船  
船欲登岸清晨糴米路復  
遙蠟屐險欲經危橋船窗  
飽飯

無一事行客水鳥皆無聊  
山村雜咏

殘冬已見蟄蟲蘊晝暖無  
人詣酒壚看徧市橋春帖  
于家家都已寫神茶

豬欄鴨棚護偏牢柴積先  
逾屋香高一事轉驚除夕  
近堆盤春餅祀年饅

蠻方聞未息烽煙近聞廣東復有會匪蠢動  
造物恩于此地偏但得  
臘頭三寸雪江村又可卜  
豐年

江鄉歷盡更山場蝦菜都  
看入市忙曉日淡黃天淡  
墨竹梢先已逗春光

自吳江歸取道宜興舟次  
他同年邢大令澍話舊卽  
席

賦贈

前年西子湖同訪孤山鶴戊午冬仲在西湖把酒今年鼓歸棹值

子鷗波閣我行萬里歸兩年君官一縣還未遷即今大

吏舉尤異鞍馬結束行朝天官舟初停我亦泊意外值

君殊錯愕山陰踏雪訪安道西陵遇風獻樂樂分張久

已慨班尹同泛近看追李郭君才轉以繁劇進我境苦

從憂患縛吟詩不已復著書君前著全秦藝文錄近又

三萬卷多有藏萬卷總為秦風儲精心復緝宋會要俗

書家所無者欲緝宋會要官齋聚書至

史百輩誰得如邇來述作殊難說往往著書成頃刻惟

君畢力究經史餘事猶能及金石家山憶在古隴西君

在帶近聞尙未歇鼓擊秦川之中血沒腕白日已有妖

禽啼怪君語及顏色慘日日心馳到關陝飛書走檄君

竄憤殺賊持刀我尤敢瀕行索我輿地編我今學業荒

可憐投荒來去絕吟咏即有亦不如年前昨來歷徧甘

涼蕭荒翳從誰借書讀河西子弟多才俊筆尙須資

卷軸君駝萬卷歸秦階可作隴右藏書家開門看山閉

門讀課子暇日還伊啞妖氛銷盡山容爽隴底平平亦

如掌秦中山川我神往挈杖來遊異時儻

夜泊

忽風忽雨入黃昏繫艇聊從古樹根五夜單衾驚驟冷

卅年傷夢喜重溫荒途似訝非人境密意憑誰寄鬼門

我已傷心不能說更聽鈴鐸語荒村

十二月十八日吳祠部蔚光招同邵聖藝封君孫原湘  
席世昌邵三孝廉雅集小湖田館即席分賦

小湖田館值年殘難得詩人六輩閒映雪半窗聊讀畫

衝泥雙屐罷登山休官未免仍憂國荒飲何曾更閉關

尤喜賊氛消咫尺符離城外戍兵還昨宿州鹽泉成官

領兵至徐州防守適聞事已大定兵可撤還

打冰行

船頭歌冰如夏玉船尾打冰如擊筑一冰飄來大如斛

船尾船頭手皆束北風如虎冰所憑冰面又復添層冰

嚴霜一層雪一層照耀白日初東升枯樹灣白楊渡舵

樓指點擊冰處鼻涕先驚作冰柱

守凍雙河口竟日對錫山喜賦

平時祇覺山容峭不識玲瓏石千竅今晨看山山益奇

九峯高處鳥不飛半宵稜稜朔風驟雪壓白雲如絮皺

更殘缺月上嶺時雲白與雪光參差霜加濃雪增厚觀

得空林鳥巢瘦三日凍雲難出岫

小除前一日祭詩作

過江名士涉難求温嶠居然第一流懶把黃金鑄生佛

閑裁碧玉繞新樓時于屋後築一小升歌尙有兒能讀

斗酒先無婦可謀誰更殷勤送梨橘時宜人在日余夜

待以未經沉醉已生愁

癸亥元日影堂祀先感賦時壽宜人亦附祀

收拾全家畫裏看，愁從紙上話團圓。藥如卿已又衰成，袖只我何時定。蓋棺殘臘雪封梅，蓋白五更風颯燭光寒。朝參久罷朝衣典，野老應知禮數寬。

新正十九日趙兵備翼招同莊宮九通徽劉官贊種之暨舅氏蔣檢討荷湛貽堂雅集適同年曾運使煥過訪遂并邀入會並詞館也兵備作三詩紀事余依律奉荅并寄願修撰舉莊吉士辟男謝吉士幹

是集本約三君 修撰以道阻二吉士以屬疾皆不至

堂高真認大羅天，五輩飛仙一謫仙。同羨玉皇香案吏，仍參釋縣老人年。檢討舅氏以年過八十賜第已甘名士稱龍尾，中齒居末曾與將軍導馬前。余滿成伊犁將軍今日蓬瀛重預會尚疑枚乘是張騫

一院陰陰覆薜蘿，清談原不沸笙歌。筵前客尚遲三少，修撰及座末人猶冠七科余于詞館為後進然下距壬寅吉士座末人猶冠七科成新及第諸君子已屬七科詩筆選日早欣傳里郵，使星偏欲駐巖阿。運使以公事起吳門歸塗宿余舍揚州金帶圍，休羨只此梅花瑞氣多。

屈指先庚與後庚，兵備以庚午鄉舉余以庚子前後却三十年迢迢卅載許齊名。登科記憶燕和仲，諫獄書慙馬長卿。九秩乍開稱晚進，檢討舅氏年已近九十官一室分半禮先生家風晚進尤與余皆舅氏執經弟子一文策謝敬有父子相雪窖冰天憤敢詡，鑿坡世澤清承四上鑿坡之直云云

是日座上有懷孫兵備星衍復成一律即呈諸前輩并

寄兵備

白門旅客亦詞臣，却望歸帆已浹辰。坐次尙虛三秘閣，飲中原擬八仙人。居然皓首稱先輩，同向青雲逐後塵。兩度木天高會好，占他殘臘與初春。前歲臘八日李廉高會生中同館亦有八人吳祭酒錫鬯范編修來宗李提始奕鳴屏兵備星衍李太守堯棟張吉士溥賢余及康使也

十三日約蔣二廷曜出東郭看迎春  
今朝却喜值花辰，是日撥晴雪能消隔歲塵却約白雲始放花溪畔客試燈風裏看迎春。

二十四日小窗獨坐聞慧超巨超連艇三上人已抵西郭即欲過訪喜賦

薄寒開南窗，默坐苦不樂。忽聞三上人遠到，慰離索閒雲西北至，並落天際鶴呼童。掃徑先把長帚縛溪邊，梅樹古細驗開與落山人庭宇。牢畧復具踞蹻更生新，作齋卷施昔名閣。沿階攤坐具相與話，寥廓未知江上艇。能得幾時泊，蕭然忘世味。蔬止辦藜藿，飲罷訪定僧。謂天寧寺丁月方丈連翩出東郭  
二十五日雨中同三上人至紅梅閣探梅小憩  
久晴既望雨，久雨亦望晴。街泥滑如油，攜屐忽遠行。一樓入虛無，三面拍作屏。沿階石，後貌色帶苔。辭青中藏全真虛，儻然誦黃庭。達摩開士來勞此，道侶迎清談。忽移時天色，又已冥。仙人既飛空，梅蕊亦不馨。特開後古梅凋落殆

朔風擊衣裘難臻橫舟亭惟應梅檀香歸塗訪天寧  
蔣宜人亡已百日感賦一首

生離每經年死別又百日感此泉下人時添鬢邊雪薄  
帷風乍舉暗燭燈自滅如何傷心淚先作冰柱結椒漿  
聊此奠時物爲卿設笑言猶在耳音響已終絕明明稱  
共命惘惘冀同穴行築土一坏衰年願方畢

邢大令澗松林讀書圖

作宦已十年讀書近萬卷仍然勤吏事訊讞無剩案時  
移六經筆頻寫五花判精嚴吏胥懾事事取心斷輕囂  
吳下俗近已樸而愿公餘仍泛覽官廨若經館寧惟勤  
載籍百氏悉貫串太湖三萬頃此際實南岸旁通菴與  
雲百里足溉灌官清放衙早嵐翠塞庭院挹茲清遠境  
迥異繁劇縣松青三面列竹綠四時看官賢既如此多  
士亦競勸曾聞哲人訓仕學本同貫作吏卽廢書彼哉  
何足算

二月十七日早至凌江閣久憩浣梧道士爲招張高士

鉉郭孝廉莖早梅花下小集于生淵昆仲聞信亦至  
日昃更放舟至金山駐江天寺看夕照作卽寄浣梧  
道士

凌江高閣平明開橫江一鶴先飛來犀聲殷然磬聲落  
道士迎門亦如鶴修看長爪彈素琴朔風冷冷絃上音  
張生郭生住咫尺招我花下同披襟花當爛漫人惆悵

萬事不如花未放初春閣上景亦幽春酒初濃月剛望  
于生來從第一村拜浪先復驚江豚忽然興發欲西去  
挂席日昃來山門一山遊完屐方駐樓小如船欲同住  
回瞻閣勢尙隱然却在斜陽正紅處

江天寺晚步

一曲中冷泉至此波始濶多年石蟲風筋理已欲活豐  
碑八尺柏木輪壓岸不使鼃鼃騎青霞赤日登絢采神  
物終須走東海

西來閣夜宿

一巷名西來圓月向東出江空迺夜永雲水四邊微僧  
樓一一高挂空倦客似鳥投樊籠三更以後羣動息萬  
夢並落蛟潭中

曉登慈壽塔

孤筇摩青蒼一塔壓白日梭梭開四牖絕頂海門出濃  
雲浮江帆不舉江南北江南洗春雨高寒鐘磬已絕聲自  
在一鈴天上語

頭陀巖小憩

墻頭開鳥巢墻下出蟻垤天風飄客下已復抵石室莓  
苔青青石色赭人語依微出巖罅陰房舉火照始驚百  
歲枯僧鬢其下

方丈僧出宋蘇文忠公玉帶見示並恭讀

純皇帝御製四詩敬賦三首



八尺囊裁宋刻絲雕盤中有上清詞平生不合時宜處  
輸與團圓碧玉知

七百年來步後塵乘雲游戲任天真更從以上推前輩  
只有金貂換酒人

蓬萊謫下已多時肯向紅塵挂一絲莫笑寶山空手入  
髯翁留帶我留詩

二月廿四日程文學贊皇吉士贊寧王上舍豫招往平

山堂探梅卽席感賦一首卽寄汪司馬端光廣西并  
近東儲明經潤書汪秀才文錦

花朝已過十餘日梅枝纔杼三兩花舍舟登岸一展眺

今我三復悲年華浮雲變滅誰能說轉憶邗溝授經日

當時白給諸少年眨眼忽驚頭盡白汪生憔悴秀才金

生死高郵金明經蕭在揚州日秋雨卷中土花紫窮邊

遠宦今何在馬端光消息三歲不貽書一紙岡南岡北

梅花村何處可覓詩人魂他時鶯燕亦惆悵靚面已少

前時人新知雖多故知少百歲交情願相保徑草猶稀

敗葉深林禽已老雛僧小花枝映水作淺紅沿岸更潮

東南風同舟擬向虹橋歇準待四更山吐月

古意十篇奉酬范文學棠見贈作

西山望東海東海何茫茫衝此木石來力若不自量何

補涓與埃口舌均已傷青鳥昨賦規與世期相忘  
與世而相忘在我殊不敢閉居緬前哲所慕莊與黷平

生揆世事又苦知識闇欲獻封禪書將毋近于詔

謫既不可學戀亦不敢居東溟及西洋三萬里有餘一

身周其間力竭敢告劬自非覆冒恩詎返先人廬

維茲先人廬經始已卅閏感此聖善恩頻嚴義方訓童

年粗有識先戒以千進奉此庶畢生敢稍逾尺寸

妖氛昨已殄欣此海宇寧耕鑿率厥常時時詠升平兒

曹能讀書僅令畢六經留此樸魯風長爲聖人垠

河汾伊洛間風氣一何質齊俗愧未能先以訓十室故

人從政久半已遁仙佛獨善良所嘉于人貴求益

波流何迢迢熠燿亦裊裊經天日月星明豈藉腐草所

悲微末質志欲燭昏曉不畏霜霰零衝寒出林杪

頻年筋力強日出逐羣動雖耕東海田時有北闕夢投

荒獲歸骨  
恩渥亦云重懷抱尺一書時時隴頭誦

平時苦諷誦暇亦窮幽尋尋源酌其流間愁嘉樹林此

木經卅年綿綿甫成陰乃知造化功生物具苦心

仙人海上來貽我縑數尺蠹書周四角字古不能識緘

藏何敢讀讀卽三歎息中有經世言今人豈能得

汪上舍璨自泰州枉道過訪不值邵寄一首

君居海陵倉我客江濱祠相隔祇百里聞聲久相思故

人昨復貽新詠聞說薄寒成小病梅花香裏倘復來同

聽茅卷六時磬講院旁即贈寺

二月晦日家太守梧招同族子瑩族孫維德小集梅花  
下用少陵示從孫濟韵見投率酬一篇卽用來韵

東風被郊原寒久氣已温冷冷踈梅花宛宛成一村窺  
檐雨三株樹古皆蟠根吾家太守賢花下羅盤殮招邀

數宗盟情話逮日昏宗支雖已踈誼則視躬昆同登三  
榜中敢云齒末孫吾家欲之西里有通德門裁裁忠宣

公品望自昔尊平章及簽樞畫象今尙存所願子姓賢  
邊計泰與屯我頃荷戈來縱談及昆命冰天雪窖中鴆

酷亦難吞得預合族筵詎非  
大造恩興到酒反踈頻覆空樽時久已節飲

閏二月朔日曾同年煥招同人至平山堂探梅歸途值  
風雨漫賦一首

今年花信何太遲探梅幾及修穉時寶珠木筆絕消息  
風裏未見垂楊絲長春嶺畔花千樹縞袂紅裘出無數

仙人間有萼綠華時綠梅數樹尤佳一湖波光飛上花花光炫  
處波光暝隔岸山容恍如病花前舉酒不得休花外時

浮一聲磬東風吹香香乍回雨脚似妒花齊開乍開乍  
落止一日千點飛入黃金鬪花香方濃酒香續消得千

條萬條燭主人愛客客亦豪風雨何嘗敗花局一更初  
聞柔櫓聲二更分燈入北城三更濃香袖中起客夢猶

疑踏花底  
秋雨巷

溪花紅不然溪水綠無語瞳瞳日影中似有蕭蕭雨竹  
聲穿戶水到門三面皆有春人墳春人墳上梅花發烟

露濛濛樓獨鶴  
鎮海樓

一樓枕邦溝江水出其右到來東海聲已復走南瀾炊  
烟十萬攢郭門窗隙下瞰千帆奔樓頭城上統如鼓風

急三更遞江浦  
江口喜遇焦山僧巨超賦贈一首時巨超將從焦山移住山陰縣玉笥山方丈

欣逢一棹入江濤與話春波浩洑間笑我轉成僧退院  
時余以性疎懶將辭揚州梅花講席美君真有術移山何妨講席頰南北

更擬名區遞往還爲語若耶溪畔客忘機何似白鷗閑  
題秋海棠卷子卽贈金秀才學蓮

醉完春酒醉春茶三十才人鬢欲華滿砌海棠雙瘦影  
時君已兩次掉公傷心人看斷腸花

江左孫郎最少年每吟詩輒問青天君詩筆絕似吾友  
此才只有君堪替合跨茅龍統衆仙

初至梅花書院  
橫合東西竹柏林暫停行笈事披尋二分明月三生夢

萬樹梅花一客吟閱世更須堅晚節傳經先已負初心  
枕流漱石吾寧敢且與同堂惜寸陰

史閣部祠

尚餘坏土枕荒汀冢樹蕭蕭戰血腥末路愁呼大丞相  
初心思挽小朝廷時危未可無安石事去先驚有隕星  
擬把烏金鑄螭馬程番與阮懷寧

清明日招同人各攜一壺一碟至艤舟亭小集酒半崔  
三景侃以事先去餘十五人並至月午始歸分韵得

闕字

十五地上人十五天上月初紅欲膩月正圓不缺相  
招花下飲佳節興起忽空濛柳絲外水綠鑑毛髮鬪  
三五轉怒草生鬱勃亭亭辛夷花香氣盈十笏盤殮隨  
所見各各辨嗟咄無愁獨欲罄門外酒旗捐人生歡會  
少半又感存歿黃生景仁久埋玉莊叟寶書二人皆昔時同遊者又歸  
骨神仙吾嬾學況肯事禪窟餘生益踈懶久已罷于謁  
惟餘花月夜往往與孤發客來常不速客去亦倉猝  
生逃席半瘦影窺林撻追之不能到足滑致顛蹶其餘  
凡幾鞏杯底任汨沒天空亭月午清響益踈越空明無  
障礙醉影自笑兀終當跨茅龍矯焉歸玉闕

舟行

一道溪流之字斜阻風阻雨路尤賒柳絲綠入船艙內

為泊橋頭賣酒家

泊楊家港

小樓三面花光顯分半紅深半紅淺濛濛三日春雨絲  
浸得鶉鴉巢半偃沿階細艸三兩叢艸心更比花心紅

一雙燕子乍前卻似怨簾角西南風

過三塔蕩

花光照夜都無隙帆底畧聞香氣息三層簾外軟東風  
開到桃花已無力紅窗一扇紗斜破夢裏驚聞紙鷲墮  
湖波添得尺五寬胡蝶驕翹飛不過

抵銀林垵

溪流南北都如箭風急爭飛萬花片愁看上垵亘高淳  
不使中江走陽羨沿溪水瘦湖水肥水影分上征人衣  
一帆如龍忽東去劈浪欲上桃花堤

渡小南湖

南湖雖小卅里周水面亦復分三州濤聲忽漲柁樓上  
挂席風急知難收舟輕半日穿湖靄雲氣青紅不知夜  
鷓鴣方欲飛入雲激電正穿雲腸下

廿一日抵宣城偕凌教授廷堪戴孝廉揚輝暨蔣表姪  
德培至城南看桃花值雨

此花綻日征帆開看花直到宣城來泥中處處留鴻爪  
花笑征人在家少官河一路春雨絲嫩寒莫厭花開遲  
紅紅白白競顏色敬亭山放朝晴時山雲青黃水雲墨  
襯得此花成五色看花人憶卅年前花亦嬌然念疇昔  
城頭細草已若麻坡底正謝紅山查固知地氣輸不盡  
餘力尙放山鵲花雨聲蕭蕭走西街多半春陰壓衣重  
幽人過曉尙未醒小閣三層結春夢

蘭石桓太常墓

古戰場邊置古祠，祠旁荒家柏參差。猶疑上廁街刀讖，想見搜城伏節時。一瓣香留故治萬年遺，臭付佳兒孝侯生。札克生勁天道從來未可知。

重至洋川書院

依然林鳥喚春風，三面晴窗落采虹。採藥僮歸青嶂外，著書人老白雲中。東山未肯隨安石，北海誰能問孔融。衰病漸將忘世事，經旬不更展郵筒。

山居雜詠

白露零有影，白雲流有聲。靜中一相值，倍覺幽興生。我欲過石橋，眺此殘月明。行穿竹柏中，踈鐘已三更。空際飛瀑來，忽向足底橫。

一月不出門，驚筍折衣架。偶然窺北牖，竹密已無罅。山中春仲月，氣已若長夏。生徒增日課，所幸仍有暇。意欲校道書，閒從佛樓借。

樓居一何高高出，雲百丈樓前。芳草地一片，綠如掌。攜燈坐深宵，空此一一想。竹梢穿入隔，坐久不獲仰。破曉山鷓鳴，官蛙始停響。

山鷓鳴官蛙始停響

我從居山中，不復關世事。所苦剝啄聲，郵筒有時至。經旬及逾月，排案已鱗次。預擬欲別山，從頭一披視。案塵僮不拂，聊用一相試。此僮有機心，不遺案旁侍。

受業呂培校字

更生齋詩卷第七

陽湖洪亮古著

西圃疏泉集

競渡燈船行

燈船尚隔三條橋，寶氣已復衝層霄。三橋百巷密如櫛，波上歷歷人聲喧。須臾赤焰將橋鎖，分半樓臺燭光裏。林鴉林鷓驚四飛，鴉背鵲頭都帶火。忽然龍爪攫半空，千人萬人看燭龍。橋回風勢亦稍緩，龍忽正面停波中。橋南百尺波如沸，龍甲龍鱗照天地。妖狐竄水魚登岸，光景欲從何處避。綠楊枝頭閣幾層，無數紅袖圍紅燈。船燈直與閣燈接，咳吐落處雲霞蒸。百舟迎龍百舟送，別有百舟排不動。三更以後抵北關，一派火光飛入荷。鉦聲已遠簫聲起，裊裊聲驚人雲裏。蜻蜒舟小琉璃暗，有客添衣出蓬底。雲溪我住三十年，客夢只落雲溪邊。回船復向溪上過，衫影笠影人疑仙。曙光矍矍斷更鼓，千萬燭光收入浦。君不見何如天上兩燈忙，圓月乍傾圓日吐。

跋錢三維喬自製壙銘及三幻圖說後  
雖非祖道香河干易水一紙上蕭蕭風色寒君是生魂  
我生輓銀屐，聊當白衣冠。  
太虛偶爾級微塵，詎有前身與後身。多少樓臺雜松竹，君皆疑幻我疑真。

宗忠簡祠

六百年來氣不磨江干遺廟鬱嵯峨  
迎門九派東歸海 卧榻三呼北渡河  
夢裏銅駝餘涕淚望中鐵騎敢經過  
劉琨祖逖應同傳未了忠心尚枕戈

陳少陽祠

少陽祠外駐征輪國士應知俎豆尊  
已覺舉朝忘二帝 不妨在野踏三仁  
捐軀子諒彈仙客並世朱雲值佞臣  
一樣書生心跡異首前叩馬又何人

城渡橋訪明唐襄文讀書處

荆川臺址尚峻嶒卜宅當時愧未曾  
余戊午乞假回將卜居于此後不果  
君慕古人三不朽我甘世事百無能  
牛腰卷軸傳難必 馬車功名謗已騰  
何似掩關長却掃白頭仍擁讀書燈  
讀書書偶成

剩得荆揚半壁天偏安王氣尚綿延  
生憎謝客稱山賊 死笑孫恩作水仙  
南渡化龍纔幾日北來飲馬是何年  
茫茫萬里中原土只惜無人肯著鞭

七夕京口淩江閣待友人不至率成四絕即寄張文學  
崑邦孝廉塾暨及門于生淵

兩株高樹倚檐前却擁秋衾自在眠  
絡緯乍停蟬又響 曉霞紅入寺門鮮

煉丹臺畔值佳辰也買甘瓜向曉陳  
不敢更談天上事 久安心作謫仙人

北固潮頭未肯降忽驚人影出蓬窗  
誰言一葉舟偏小 滿帶秋聲過北江

年來百事總關珊門外江流亦漲灘  
一枕水窗眠未醒 算來還比白鷗閒

是日過聽秋軒飯并觀瓜果筵作

華堂乞巧筵商略祀牛女天邊瓠包星  
筵上獻摘取 華堂乞巧筵商略坐宵  
瓦籬角牽牛花迨迨妒星影 陰晴客  
不知榮悴草無語門前洗手花門外洗車雨

天孫踏鵲橋中隔雲一片靈鷲不擡頭  
何由見仙面 千聲與萬聲蛩響一何切  
天邊方停棧地上已促織 天上星神過  
人間兒女忙欲知霄漢事除問杜蘭香

攜于生淵夜半剪江至焦山

百尺驚濤內呼舟半晚過夜帆明  
蟬蟻秋浪狎龜鼉舊 兩南徐少回風北固  
多到山山已黑撼樹且高歌

焦山

山頭高士壘山下大江潮一柱中流兀  
千年古像瀾氣 猶凌北固名欲並南  
嶽山本名且且把心香燕魚龍未敢

聯

張秀才學仁寄糕圖

家山同百里各復感飄蓬我在昆侖上  
看君滄海東枕 戈馳遼夢振袖揖長空  
咫尺天河近無須更使風 吾鄉錢生履坦  
在南昌日作梅花卷子寄萬刺史廷蕭

到日正值刺史八十四壽辰因繪為長卷刺史并作詩紀事邀同人共賦

此梅公手植梅壽亦輸公却喜南枝早香浮北屋中老來長句健客到一尊同他日花開慶先酬百歲翁

翠屏洲

秋聲塞港口風急船不過江蘆明百頃一曳截江卧游鱗逐驚蛇居然上舟枕

嘉魚港

大水抱細水水盡波忽動中有百頃澤嘉魚歲堪種食之可平心兼乏江海夢

種竹軒

百竹綠牛村十竹綠一巷人從巷口立時與竹竿撞海上蟪蛄來餘光半軒絳

巨公厓

重來巨公厓石石悉迎客惟餘一石傲壓客險及額石上雲亦奇孤飛上天直

初九日鄒水部文瑛載酒相訪因約同人松寥閣小集

分韵得聲字

難得新涼載酒行酒兵門罷門心兵江光入夢仍如練秋色博空若有聲悟後雨從衣上落醉餘天向笠邊橫

京華舊事勞重說卧看潮頭滅復生

初十夜山半步月至三鼓始回

出門看山光月色忽無盡簾前秋景好花氣亦徐引江光山光新月光點入秋色逾蒼涼花香堂前一杯酒杯底清光無不有三更以後月愈明興發我欲凌波行秋花倘點頭秋竹若揺手秋鏡冷冷恍開口一風吹入人竹樓竹樓旁邊茶百甌茶香雖清客沉醉七尺竹牀三客睡花香亦若憐酒人忽灑花影來周身夜光齊收夜鐘歇却夢酒魂飛入月

十一夜東昇閣看盂蘭盆放燈作

一燈先出法界樓大魚迎燈爭逆流燈來大魚忽然竄一鬼一燈擊不亂三燈五燈波面停兒欲待侶方同行

有時一燈聚鬼擊惹得燈影皆深青燈光時分復時集

鬼臂壓魚魚直立燈光叢處鬼亦駭魚驚避鬼欲出波大聲軒然波上起盡捲燈光入雲裏鬼車鬼馬已四飛

燈去鬼伯愁無依洲東洲西萬聲沸鬼氣居然避人氣

樓頭仙客正朗唵激得波響如鳴琴君不見神燈紅鬼燈綠入海無心競遲速東流燈影西上潮鬼勢瑟縮魚龍驕

龍驕

萬刺史廷蘭邀集台子承紀丹徒官解小飲即席賦贈

萬為壬申庶常前輩

方壺員島振公名八十年來始合并佳士盡看稱弟子

靈光真欲比先生南遊畫鷁仍須迓時約遊吳門日便道過訪東下

飛蝗偶有聲適有飛蝗過境幸不為害今日宰官誠不易好傳良法

拯疲氓刺史居官舊有聲

江口待慧超僧不至却寄一首

松寥高閣不同登一榻慵眠醒未曾僧性流癡我憶放生池

上路秋花病雀與孤僧

月波臺夜坐

月色轉綠天光青松梢盡處明一星星光忽隨白露零

倒射北斗光冷冷星光墮後山光暝竹屋居然覆漁艇

三更向盡吹曉笳海上已復生紅霞

林下二髯圖為萬刺史昆仲賦

北江一漁舟日昨泊北固欣逢西江叟相與話情慄叟

顏如春髯若戟髯上冷冷流古色比肩令弟何不來與

共官齋話晨夕見公與公語別公展公圖我題詩贈公

公見應軒渠君不見林泉不復營生計只有公家好兄

弟一執奇書一如意后泉淙淙瀉奇氣石上松花積何

脈山果投林有真味阿兄詩成屬余季老友寥寥亦堪

寄石門前頭百級砌老木千章萬章蔽門外紅塵即如

拂一山遊完一山替五老八公時把臂我昔亦是神仙

吏謫下九天居九地他時華髮倘下垂曳杖從公共遊

戲

六月二十日偕同人載酒至城東陸氏中隱園看荷花

至二鼓始歸率賦

今年水滿荷花低前後一月稽花期花期忽展六月杪

花朵如盤色逾好陸家荷餘捐城墻隔城薰風沸滿塘

橫舟亭畔一雙燕聞信遠復來尋芳難鶯縱老尚引吭

蝶翅不待秋間黃花前十客羅百觴過午一一來追涼

花枝迎客若問訊一客一花須坐近坐久未窮花底蘊

花下蛩聲亦殊韻殘蟾出水光何陸花竟媽然開笑口

看花親切花轉羞花已低頭客滿首花梢蓮實花下藕

花底誰人小垂手引得荷盤貯杯酒月影星光滿盤走

看花既足酒亦完花外尚有千琅玕深綠影護紅團藥

不須更與花朵語花外鶻聲催客遽一半酒人穿竹去

陸孝廉繼輅洞庭綠樂府

下第才人暗自傷忽驚奇福出尋常龍堂入夜波如海

別展數宮作壻鄉

玉茗花殘閣亦傾是誰拈筆與爭名到頭一倒神仙夢

樂府新傳兩柳生

陸公子鎔邀至城北看荷花而客坐正與花相背率賦

一首 時將遊焦山

屋向南頭水北頭背花開燕我殊羞預愁簾蒜遮香氣

聊折荷筒抵酒籌有客苦談當世事是誰能代古人憂

深杯到手休辭醉明日征帆向潤州

清泉濯足長卷

門前水屋後山山深深水潺潺紅塵三十年足垢久當

浴尋常一曲流又恐污吾足奇峯千叠谿九回溪流曲

處點碧苔客欲濯足時歸來足垢既濯登峯若飛鷹教  
仙人世外可期飛空游行有時倦展我北堂三萬卷吉  
金樂石東西列瞻視居然又成癖周秦爨器唐漢碑視  
材端溪復欲溪何日約客來搜奇我攜蜻蛉舟爾居鴻  
雁浦挂帆一日卽詣君與開一軒談蓬古

年來里中賽神之會事事競勝較十年前費已百倍矣  
感而賦此時七月望日俗所傳中元節也

令節尋常事奢風幾歲開綺羅裁幟髮金玉裹與儂神  
豈餘威及人爭罄產來徒充里胥橐一日醉三回

鳴鳩圖

占得危巢復幾時滿天風雨劇相思一枝費盡林鳩意  
只有山禽總不知

江流斷處有停水數十步荷花盛開偶賦

黃雲昏處盡黃蘆留住荷花世界無滯上鷺絲爲料理  
約風三日水平鋪

新構卷施閣成登眺偶賦

萬瓦縱橫內居然時一樓愛從雲盡處看到郭東頭世  
味都應熟吾生台少休掃梁迎舊燕相與話初秋

題范秀才來鳳鐵琴詩草

以鐵作簫以鐵作笛何如鐵琴聲出金石琴或以石琴  
或以銅何如鐵琴逸響遏空君家鐵琴詩堅古亦如鐵  
前古與後古試問欲誰敵一編能窺天地心白電掣屋

霜飛林我攜君詩及鐵琴海上落落求知音

月夜登北固更望金焦二山回途與友人憩演武廳小  
飲作

更從石脊眺昏黃無盡江流入渺茫百歲過人疑短夢  
兩山與月門圓光鷓鴣影逐浮漚沒蟋蟀聲隨墜露涼  
北府健兒京口酒算來今日摠尋常

哭同年楊大令倫

一生心術及詩篇都復研摩到昔賢稷契許身聊復爾  
君生平作詩服膺杜氏所著有三萬歸骨程途涉七千未敢與君中外叙  
逾三萬歸骨程途涉七千未敢與君中外叙予與君皆母則余外家姊也忘形且自託齊年

登別峯菴望海忽值風雨

朝曦色染滄溟綠東望海門如半粟滄溟突處天蕩搖  
頃刻已見西來潮象山南頭蒜山尾一舸倒流遂數里  
風威不敵潮勢狂吹角北岸停帆橋君不見日居萬瓦  
鱗鱗內眼暗頭低殊不耐此時懷抱覺暫開足底隱隱  
聞驚雷天公似把炎蒸洗東海叱龍龍盡起一騎江都  
電影來翠屏洲上紅三里

山中避暑聞同年曾都轉煥將報竄入都却寄一首

野客空山避暑遲正聞輜傳入都時西京鹽鐵何妨論  
南園鶯花盡入詩應有功名參計相完憐風味似經師  
愛才一例尤難及報到平安杜牧之



地燈行

五月朔燈高懸不照地乃照天七月晦燈下墜不照天  
 乃照地燈高懸禮北壇土人云天燈為天地水府而設其實元張士誠有德于蘇常蘇  
 帝之民于其死日懸燈一月以天地水府稱三官燈下  
 報之託言天地水三官神也天地水府稱三官燈下  
 墜出東郭幽明教主轄萬族俗傳地歲為幽明教主天燈不接天  
 僅與星斗聯地燈不貼地都復舉指砌地燈數比天燈  
 多五里直接官塘河雜以梵唄兼笙歌千舫百舫燈前  
 過君不見天燈完地燈接更有水燈波上貼三燈看盡  
 無燈看秋半皓月升團圓

偶檢故書得三友人遺札各賦一首

通政司副使錢澧  
 早年重望出遐陬六詔人文第一流作史舊曾居柱下  
 建言頻見伏螭頭鷹從鳩化心仍怨蓬自麻生節亦遭  
 君與余同年葉舍人委疏著指甲辰年科陝甘我是庾公樓上客彈章傳  
 到亦生愁署督畢宮保一事

太子太保提督花連布

提督死事尤烈其碑文余在翰林時所擬進也與余同官貴州交契尤密生平以志墓文見委故所撰碑文叙其死事頗詳盡云

尺書肯為故人題已值倉皇盡命期生戴頭來知秀實  
 死餘膽在說姜維蠻荒屢其中宵讎絕徵曾襄大將旗

君先在金川著功

八百里驂休更御送公天上去騎箕君有善馬嗜之

成

鳳山縣知縣贈雲騎尉湯大奎

廿年里巷憶同居廟食今看義烈俱君少時與余同居中河橋委巷中巷祠即陳司徒果仁未到斷頭先墮指完憐歸骨尚街  
 鬚書埋魚腹濤空沸餉轉羊腸道苦紆君年前曾解餉甘涼畢竟  
 酒人能報國君尤善飲霸陵醉尉亦捐軀時里中王麗可亦佐維殉節陝西

近築西園將次落成偶賦八截句  
 堆甯奇氣漸銷磨山不嶙峋水不波只有露臺高百尺  
 偶然平視到羲娥

薤草澆花久之人攤書聊刺此閒身不妨我少元章癖

蒲架傾歌滿座塵

荷戈歸後鬢初絲未碍齋頭睡起遲忽夢天山萬年雪

一燈如豆酒醒時

轉憶童時奉母居三遷遺訓尚欽歎半間板屋孤兒占

聊抵親存侍板輿

心事初冬鬢晚秋祇餘春夏氣仍留旁人莫笑閒居早

五岳遊完住此樓

人說池亭入畫圖臨流時悼影形孤防他春到鳩鳴急

巢好先無婦可呼

作達時時憶樂天尙嫌七十始歸田一工一壑吾應足

不更描摩池上篇

屣得蝸牛一角居

蔣通判騏昌官與平縣日子土中得漢張鷟印一方與

平古槐里也壬戌歲出以相示并屬作一篇以紀

西京世數傳至九文爲仁君武英后張鸞鑿空縱萬里

金印何嘗大如斗姓名惟刺玉一拳誰果好事爲流傳

玉方一寸白如雪或者采自黃河源當時開邊承意指

堂邑氏奴同出使隨軍即以勳得侯終是人間妄男子

功名雖奇意則妄地上行完歷天上惟應地下名不傳

想欲攜之伴深莽騫經絕域我亦經祇少一棹天邊行

伊江傳有故侯碣伊犁傳有張鸞石碣搜訪百日終沉

冥四周雖完一角折世上誰能盡完壁漢家末葉益可

傷傳國壘猶輕一擲君不見廢工千載剩荒工故物摩

拳說故侯國土一坏何處竟轉因槐里憶朱游朱雲槐里人墓

已無考

同里戈裕良世居東郭以種樹累石爲業近爲余營西

圃泉石饒有奇趣暇日出素箋索書回題三絕句贈

之

奇石胷中百萬堆時時出手見心裁錯疑未判鴻濛日

五嶽經君位置來

知道衰遲欲掩關爲營泉石養清閑一峯出水離奇甚

此是仙人劫外山

三百年來兩峽羣山靈都復畏施斤張南垣與戈東郭

移盡天空片片雲

中秋夜坐

天上風初緊人間晷盡收獨搖明月影頻訪市橋秋暗

灑蠶藏砌華燈燕出樓年年當此夜坐待曙光流

八月二十日抵寧國同年魯太守銓邀遊北樓并留飲

桂花樹下賦贈二首

自有茲樓復幾年爭傳句好問青天人言李白曾低首

我是洪厓許拍肩不覺玉盤遲出海何訪金粟早開筵

羣仙高會今三度余與太守同年同門然把貽甚少惟

此而一榻仍容醉後眠

汝穎東西頌宰官一麾出守又江干魚頭參政家聲古

鶴背仙人鬢影寒秋老茱萸先釀酒銜荒首帶罷堆盤

凌教授欲招飲以此而止升沉中外誰能記仍作龍華會上看

半月臺久坐

正值下弦候來登半月臺夢中雙屐遠足底萬扉開閣

世餘喬木流光瀆古苔他時闌楯蒼太守欲修北樓及此臺應許

醉千回

席上喜晤施上舍晉賦贈

十年不遇施居士金粟花開偶來此白須居士金粟花

我鬢亦與霜爭華主人開筵當日夕夕日暉暉照杯赤

我傾一斗君百杯秋老頓覺春風回陵陽仙人作校官

邀我首落餐闌干我嫌首落不救飢却向太守求甘肥

山陰之尊飲不竭滿案溪菱間山栗仙人赤鯉膾作絲

興發不顧琴高唾青松枝頭碧月來移酒欲上元暉臺

眼前百事不措意，肘後花朵驚齊開。山禽飛回水禽集，只覺樓高渺難及。何時百尺為貯梯，時北樓梯拆不得上送我白雲頭上立。

琴溪客館作

拉拉雜雜彈琵琶，蕭蕭瑟瑟開清花。青天沉沉忽無見，殘月黯黯生光華。迨迨溪水何方瀉，漠漠山窗已成夜。膠膠擾擾鷄一鳴，雨點落落煙冥冥。

曉度箬嶺

屏山高萬仞，厚亦徑千尺。空明初日照，表裏恍不隔。寧知深谷底，夜氣未收墨。白鳥倚樹眠，青蟲抱枝蝕。林梢開百里，下嶺勢尤仄。天都雖半露，地脈已全拆。平塗無十步，絕頂一關阨。亭午日氣紅，楓林亦齊赤。

夜宿許村

許村凡五里，路險客難到。回厓視昏旦，絕頂突夕照。高低皆萬仞，山石時露竅。昏鴉無樹集，占此社公廟。原北色已暝，原南赤如燒。蹉疲思托宿，地陷忽如窞。明晨還屈指，卅里路森峭。夜半嚙語多，擔夫時競道。

與程吏部振甲話舊

精廬百里走難停，依舊山排屐齒青。老眼讀碑猶似月，故人堆鬢已多星。揮毫尙記參旁午，君久備機廷鑿險今看

邁五丁。君尊甫虛谷先生修築嶺南北道幾及百里至今行人德之君又續修府城中道八門皆備

却喜過庭詩禮在，半傳家法半傳經。

程君欵我于丹工，精舍前後凡五日。醉後率成二律，即贈令子待詔洪溥。

帶得天都夢來眠，石室雲半庭花韻。寂一谷草香薰李，白金魚佩羊欣白練裙。醉中揮墨嬾且與話離羣。

山雲猶帶夢山溜，已驚眠林果堆衾。上秋蟲出枕邊宿，醒吾尙病縱飲客疑仙。問訊諸郎好溪茶，手日煎。

河西橋太白酒樓歌，同汪孝廉燦及程待詔洪溥作。

春人不肯留春燕，亦難駐秋風。開簾帷微黃入山樹，山菓欲落禽驚翔。紅樓參差已夕陽，一千年上事誰識樓。

上有客傾千觴，新安茶多苦無酒。何似山陰剡溪走仙人，遊戲無定方飛去。飛來亦何有，我疑黃山六六古未開。五字那不題元暉，不然元暉去後公復來。何以長句不賦空街杯，驚人向好公問天。我轉欲問公從前惜哉。

仙人蹤跡不稍待，祇見樓外山色點。點谿水鳴灘，灘公前祇有樓公。後復有橋石橋千步，樓百尺遠視城郭何迢迢。白雲中間立，少時適有遠札馳相思。時方明經如川札約遊

嚴同遊年少，亦清絕。瀟灑並若崔宗之君不見樓頭一派揚之水，直下嚴灘復難待。故人憶我我憶公，雲自歸山水歸海。

烏聊山

女牆沿山百千級，客到女牆皆却立。城南暝色似拒人，一片昏鴉噪樓集。山頽五石皆隕星，突處尙帶天光青。

山僧煮茗備山客五客一人蹲一石山頭有落星石今裂爲五

離居幾日無情緒雁尚未來春燕去城頭乾鵲時一雙

咒得蘆花白如絮太函山人畫掩關五客偶復遊茲山

丹正南頭碧潭左一塔對窗如揖我

傍溪菴

西風冷冷響天關炊煙一城飛出山炊煙飛青水煙白

襯得斜陽滿江赤新安古刹皆李唐此刹勢復凌層岡

石厓中飛雲縷縷佛頂古苔堆寸許

環峯閣

雲光開處穿飛騎一嶺蓼花紅到地瓜花黃蔓復上天

石屋踈踈集秋氣屏風一曲隱一牀窗扇重疊穿朝陽

芙蓉花生溪水死一半遊鱗鏡中紫

留別程吏部

茶香清後酒魂蘇更對奇峯引百壺明日兩重山外路

夢君先欲夢天都

偶向新安踏市塵蕭然六合此閉身煉丹池畔揮千紙

赤鯉先驚化墨鱗

贈沈教授成涓

我愛沈夫子平生見地超鬢踈秋後葉筆勁午前潮地

僻成鷄市官閒類馬曹醉談先世事七十恍垂髫

贈莊司訓雋申

我愛莊夫子中年薄宰官君大執一等呈改教職芙蓉開院晚首  
稽笑闌于世事心知熟羣經口誦完俸錢餘數百先約

客晨餐

出郭望天都峯

三爲歛嶺遊一詣天都頂天都頂上人今晨若居井蓮

花何鬱鬱蓮葢何迢迢蓮峯雖絕奇未與天爭高我雖

憶天都天都不思我天風響空中青紅落雲朵昨登九

子山正面天都峯潤別三十年舉手揖半空芒屨久已

穿遊客亦俱蛻謂壬辰歲同遊諸君我憶天都峯無心返吳會

半道宿吳公壁

危途怯宵征百步亦千折我攀飛鳥巢忽見孤僧室同

儕亦驚喜天上一燈出寧知到天上石屋左右列酌我

山腹泉心空水清澈重陽猶未屆霜露已成雪危梯延

客卧膚凍慘欲裂濛濛委枕風嵐翠入窗密燒燈雖未

燼辨色戒行疾出屋望始驚山禽挂枝歇

道中偶得二絕句即寄洪溥并呈瑤田徵君

煉丹池北小方亭無數山光入幕青贏得閉門三日醉

持螯左手不曾停

易田三禮嬰齋史更有魚門五七言怪底郎君家學好

春華秋賞萃臺墩徵君及文學教編修音芳皆豐墩友

山中夜起

山空羣動息木葉已先凋衆響從何至天風與蕩搖砌

涼蟲語寂閣暗鼠聲驚夜半催人發新霜幕外飄霜降在

重陽日霜降

重陽日霜降

白衣方送酒青女正飛霜聊記重陽節今年在下洋

唐二軼華罷東流縣尉寓居皖口已二十年昨得問訊

書作此奉荅并勸歸里唐本名鵬後以字行

昔年曾住屋西頭薄宦離家已廿秋彭蠡九江時北望

廟薄一水尚南流君舊居也踏殘春草思前度數到晨星憶

舊遊工壠近聞荒翳甚待君歸更理余秋

見落葉有感

年已迫遲算無復少壯時落葉既辭樹終難上故枝今

年故枝衰明歲新枝好亦如人代謝子老孫復抱明年

春異今年春老人衰遲喜抱孫花開千回落千徧孫復

抱孫吾不見

乘月行宣城道中

葉葉隨風逐去程半空殘月出殘更秋林紅到傷心處

先有曙鴉啼數聲

李白西樓眺北樓南樓又占庾江州老夫才地雖然減

也築危樓東海頭

登北樓作

卅載時牽夢今辰眺覽真頽然五蒼柏都似六朝人徑

有元暉月樓無庾亮塵更應招白也同醉小陽春是日立冬

夜泊小南湖

小南湖畔路舟泊已初更四壁懸星影千灘出雁聲夢

零前夜雨雲識詰朝晴魚鼓敲何急如從枕上鳴

深陽道中

木橋分西南澗水四邊集人家臨澗好門外水聲急青

山無半里朝爽近堪挹村翁無一事倚杖水邊立兒曹

農事竟茅屋飭修膏禽鳥靜不譁深村啄餘粒

滿湖夜望

沿林風轉急紅葉裹歸僧隱隱青山隙迢迢露塔燈夜

雲空際落殘魄望中升十月南湖涸魚龍氣尚蒸

題畫

留得春風自掩關三層閣上著書閒祇饒碧蘚無紅葉

不使秋冬氣入山

蘇河感舊

挂席去無影夕陽空閉門重經昔時地類斷昨宵魂檻

折春禽占廊虛暗水吞尚餘煙柳在依約舊衫痕

乘月行攝山道中至朝陽門作

水雲村樹共彎環樹裏人家未啟關正是四更殘月好

騎驢行徧六朝山

南岡北阜界初分遠憶孳蒙蔣子文江左名山本無幾

讓他一帝一眞君  
過徐中山王墓道有感

難從英辟其功名事過猶令野客驚彭越醢非三尺法  
謂藍玉傳 范增疽盡一杯羹中山病疽特賜鴨  
友德等 范增一樹食之乃卒龍蟠帝  
闕形仍壯葵啄王孫兆已成猶幸開平得前死不然險  
欲壞長城

送孫大星衍仍兵備山左

葛仙祠畔早披襟在句容 不信居然算景侵兩世逮君

皆皓首君祖年近百齡尊甫年已七十五君須髮盡白又數年矣 一生于我伴長

嗟知交出處關成數天地分明鑒寸心良史異時商合

傳莫教 廊廟媿山林

采石重謁大白樓

枯僧驚爲起蓬關三十年前棹始還身後名輸一杯酒

眼中人隔幾重山前與孫大同遊今孫大尚留滯吳門 夢留蔥嶺煙雲外

月挂蛾眉杳霽間公論夜郎余更遠得歸公亦代開顏

然犀亭懷古

過江名士竟誰優到死猶爭第一流倘遇可兒先拔舌

早逢英物一開眸孤亭正對天門峙百怪將從地府搜

却憶登壇善師日義旗幾欲指荊州

一事傷心說倚闌求忠于孝果非虛勤王縱使能投袂

將母何因便絕裾休更火犀然穴鼠也應風樹泣臯魚

留賓截髮兒能報羨殺陶家奉板輿

涇縣黃田訪朱吉士珩曰留宿培風閣卽席賦贈并寄

哲昆觀察理閩中

君家門前溪水足大石寬千百間屋到來三折山已深  
鎖徑一橋環碧玉四山蒼蒼合一澗澗水時聞不曾見  
青松點入紅葉灘時有水雲飛片片溪風蕭瑟溪雨涼  
鷓鴣直來問字堂縹緗堆架一何滿山鶴亦聽書聲忙  
樓頭讀書日幾回樓上客兩官蓬萊西園子弟盡才俊  
作賦險欲追鄒枚一更月出斷厓口却對好山爲置酒  
醉向培風閣上眠窗疎不礙看星斗談深復憶神仙侶  
橐筆乍完仍叱馭溪山如此不歸來却復看山廈門去  
列岫軒久憩

峯巒三面峻都抱讀書堂半夜吟聲苦層霄月影涼偶

懸徐穉榻具認鄭公鄉他日來相訪門前荷菱香

二十二日夜雨曉起見山頂皆白蓋天氣嚴寒山半以

上均已作雪也喜而有作

飛雪不到地祇積高高峯高處亦不停旋轉西北風稜

稜夜半風尤猛東嶺雪仍移北嶺樓頭一白直接天樓

上客具同坐井清寒入骨難久留北風吹人下小樓衝

寒簾下一杯酒酒色絕似清江流曉風初收晚鐘動山

骨吟肩疊高聳圍爐倚酒欲作書飛白先驚人窗孔

復憩松竹塢卽贈陳孝廉寶泉

松竹軒中說授經授經人已久知名詩傳一一鶴聲峭

考比非非國語精墨鯉鏡中浮浪起蒼龍天半怒濤生

闌干月上應無事更掃書堂門酒兵

莫愁湖久憇并謁徐中山王畫象

結綺臨春事久非湖北卽清涼山臨隔坡樓殿尚依稀

到來海燕樓禪榻運去山龍暗衣空館尚餘調鶴地

眞王徒利釣魚磯今朝尙屬中山子孫收稅惟應兒女英雄淚灑向

秋空作雨飛

感賦年來里中同歲者相繼物故近聞劉舍人召

流光到眼若飛塵零落知交倍愴神鄉曲苦無同歲友

名場唾作過時人酬知事每失交臂傳世書仍欠等身

只有壯遊聊自慰記經星海陟昆侖

偶書示友

習尙多年卽一更後生原不及先生好名亦是文人事

不近情人不近名

楊大令倫劉舍人召揚歸櫬尙未抵里復追悼一首

一作郎官一省曹五旬年命不堅牢管寧死後無龍尾

謝守生前有鳳毛君爲劉文學博可曾編說苑愁多先

已反離騷殘秋旅櫬仍難返望斷清江綠半篙

天王堂謠堂在城東太平興國寺

天王堂中屋不修雨脚總打天王頭耳中穴鼠雀啄眸

力士杵亦隨波流欲修天王堂泥閉天王目一臂天王

已先剝臂落金剛復傷足擡天王出募錢募錢踈挂天

王肩募錢縱多僧醉飽却任天王坐旁倒

以太長至日 太和殿早朝詩 課院中諸生亦敬賦一

首

鸞尾千行瑞雪消火城三面集金貂記曾采服趨中

禁特荷殊恩拜內朝至日皇上或不御殿

行禮惟值內廷諸臣準萬里烽煙清禹甸丙辰丁巳

采服拜乾清門階下九天音樂奏虞韶觚棧回首眞如夢獨向江村

聽麗譙

萬卷歸裝圖爲孫大賦

每耻前人我不如年來妄念始消除笑君積習偏難盡

尙喜人間未見書

君正襄惟我荷戈買書錢已苦無多丹黃別有三千卷

或可釐君校本謔

月午樓歌

仙人好居樓樓築青山頭樓居又比山居好八牖居然

拓天表山樓明月不待宵海上月出光先搖讀書聲高

月亦高月午尙覺書聲飄前黃高峯後簷嶺書聲飄歷

四山頂松梢夜半老雀醒雀唳亦比書聲清樓頭雀影

兼人影樓外雲鋪百餘頃仙人世外無書看聽書日日

來檐端月亦不得落書亦不得完君不見紅闌干前白

玉盤讀倦且把明霞餐

更生齋詩卷第八

陽湖洪亮吉著

北郊種樹集

讀史六十四首

大九州藏小九州大瀛海外水仍流九州各有開天聖

送柱乾坤到盡頭

啾啾唧唧四邊鳴造字臺邊夜哭聲足見一篇無鬼論

便從上古已難行

一粟先看世界浮女媧搏土不曾休自從未有人行日

玉兔金烏已出頭

魯陽戈已嫌多事第一尤憎后羿弓正要不分昏與旦

懸他十日照寰中

棋家國手說秋儲此局開從九子朱破盡工夫究何用

笑他一著競羸輸

何須刻意別靈頑物物同生宇宙間各有出奇爭勝處

莫填東海壖開山

蠶食何堪四面來陽人負黍離難回周家八百年天下

末路惟餘避債臺

曉饌牲牢夜擊鮮華堂養士各三千何如五百田橫客

蹈海都同魯仲連

督亢先看具地圖樊于期忽仰天呼燕齊海上多奇士

狗盜要難及狗屠

一椎一筑一匕首三客果誰能策勳滄海君來亦無用  
先知獨讓高池君

開國先愁乏建圖西都習尚逮東都漢家一代崇虛誕  
黃石兵書赤伏符

緣知隆準是真龍白帝先愁試劍鋒功狗已烹高鳥盡  
祇留一雉雉深宮

萬卷先從客舍儲拱成八覽紀乘除笑他只善居奇貨  
也學虞卿強著書

漢家中葉慶連綿元狩元封國祚延天上歲星來執戟  
如何天子不長年

前殿危言批逆鱗後宮忌重亦忘身朱雲折檻鴻攀檻  
越顯名臣與美人

蘭茝招魂些續歌楚天萬里不生波願將魚腹詞人弔  
文考湘江屈汨羅

宣元以後治優柔況復專朝有五侯正與商君法相反  
虱官不去鼠姦留

客未登車主候門世家家法已無存史臣倘為宣尼諱  
十四傳中削此孫

烈士傷心古道旁一生曾未值孫陽却看老驥還千里  
正負鹽車上太行

法堯禪舜亦家風二十韶年作上公不見露臺曾惜費  
偏能全賜蜀山銅



著書空費萬黃金，剽竊根源尙可尋。呂覽淮南盡如此，  
兩家寶客太欺心。

並世才能識魏公，死猶兩女嫁英雄。炙雞斗酒無多費，  
我欲時時酌冢中。

大將王常太尉牟，嗇夫游徼盡通侯。東京人物寥寥甚，  
卓茂居然冠輩流。

同時北海出儒宗，邴管仍堪合作龍。畢竟漢朝經學貴，  
黃巾爭拜鄭司農。

祖尙元虛自晉賢，黃初人物已開先。漢家盛日尊黃老，  
不習南華內外篇。

霸業王基並有因，轉嫌封拜不酬勲。侯賜劍燕王，勿  
忍負難兄付託殷。謂孫大帝宋太宗

東京文格本來卑，一字無慚語亦欺。不被古人瞞到底，  
曹娥碑與郭君碑。

多金贖女出匈奴，友誼曹瞞絕世無。愧煞君家五官將，  
刀頭難放仲宣孤。

聖證篇成漢學亡，六書訓詁孰推詳。一編難與專門較，  
杜預春秋霄穀梁。

家世何應出阿戎，嗜錢鑽核作門風。葫蘆塵尾皆長柄，  
莫哂南朝王侍中。

絃歌小邑荒風流，一令寧輸督八州。強使名賢附華胄，  
泉明地下亦包羞。

江東王氣總綿延，晉宋梁陳代屢遷。只有蔣山惟一帝，  
居然香火占千年。

白雀空矜一世才，新支堡下忽徘徊。回死胡尙曠生天子，  
何怪堅頭入夢來。

漁人何事舌偏饒，饒歷數炎精迄本朝。從此桃源不淳古，  
并知劉石與苻姚。

虛無上八洞，眞僊稗史新傳委。宛編不信堯時白蝙蝠，  
能知混沌與開天。

已見苻堅過項城，八公雀噪與風聲。淮南雞犬都仙去，  
尙剩沿山草木兵。

妄思成佛反遭魔，歷劫應知負債多。何必贖身同泰寺，  
累他臨碣喚荷荷。

武都山接谷軒轅，百頃仇池富水源。不是氏羌來據險，  
人間此亦種桃園。

蕭曹丙魏冠西京，房杜淪亡姚宋生。只有漢唐人物好，  
中興開國盡名卿。

三峯高接華山巔，下視蒼茫幾點煙。不是謫仙人在世，  
好詩誰敢問青天。

胡雛相異兆生時，鐵額銅頭并護持。制得豬婆龍死命，  
僅須一箇李豬兒。

中唐風節數韓公，詎止文章一代雄。異類強藩盡低首，  
王庭湊與鱗魚同。

總是滄來劫裏來唐除丑口呂書問何應一落金門第  
不作仙人即盜魁

萬羊太尉李文饒食料誰知命所招日啖半升原作相

何需八百石胡椒

轉覺雙鬢有定評旗亭聲價一時傾怪他九級慈恩塔

徧檢都無李杜名

絕代才人韓致光百篇詩句一奩香虎須拚罷吟么鳳

鐵是心肝錦作腸

迹怪精神作語林誰知劫數已相尋冠貂衣紫人如豆

從下南朝徐楚金

年名五代不多時七姓官家盡健兒辛苦九朝長樂老

朝秦算楚費支持

魯論半部箇中藏垂老應知亦健忘怪底一朝多語錄

用他學究佐興王

香孩兒事寃堪疑滅迹思將一代欺身上黃袍袖中稿

製成恐不是臨期

百事都嫌強出頭扶乩壇上亦來遊神仙何苦名心重

處處題詩向酒樓

詩案曾留御史臺儼人亦轉歎奇才雄文却要蛟龍助

不枉先生過海來

尙書別有古文傳西蜀才人著太孛僭聖亦同非聖例

楊雄梅賾趙師淵

今所傳通鑑綱目實朱子門人趙師淵所作揚以太孛擬易趙以綱目擬

春秋與梅賾擬偽古文尙書其罪一也

一成之旅總堪憑萬頃洪濤一葉凌不據西湖據東海

趙家端可號中興

儒林道學本同原分傳翻嫌史例繁只我欲書三獨行

石工軍校鄭監門施全監安上門鄭俠

萬乘曾爲孤注來惹他譏口一時開契丹西夏非強敵

祇覺中原乏將才

七尺終常死報君黃冠南下屬傳聞一編瓊瑤名臣錄

都讓王家生祭文

戴主思如戴昊天投荒百日準歸田家風尙愧鄒

陽集雪窖冰天十五年

詩情畫筆號專門三絕雖兼格不尊說到彥回先齒冷

更誰人數趙王孫

讀史常侵夜漏餘時時一夢到華胥可知不在青天外

竟欲乘風去卜居

都似空中飛鳥過強分名目費編摩試將列傳平心看

一代傳人本不多

千日中山醜已嘗便須一鋪冢中藏伯倫死酒非眞死

想要逃名入醉鄉

飲咏何須更好名修具先要近人情烹龍魚鳳瑤池譙

誰說仙家不殺生

晉代旌陽唐李筌是誰人已得眞詮近來老輩神仙少

數到元時白玉巖

寓興

一身從何來父母之所昇既須建修名亦以綿世繫受全歸亦全所係實非細骨然魂魄化仍與親附麗一一返厥原同歸天與地形骸既速化齒骨朽亦易留貽世間者不滅惟此氣

古人善讀書書亦本來少經年可卒業不必徹昏曉沉酣六經外祕籍偶探討方書亦無幾素問及本草百二十國書一一名作寶少纔能肆力多即難見巧陳編逮今日富至不勝考所以無用書空資蠹魚飽

天地雖至大物力本不多惟茲樽節心為能養天和日食數萬錢遠聞王與何飛走不得逃高下設網羅曾誇龜重裙兼詔四足鵝風俗近益奢背峯炙明駝俊味罔不登棧及燕雀窠末流心竊憂詎敢揚厥波非有求福心又豈懼譴訶甘受鄙吝名不敢知其佗

學術本一途後乃判釋道魏叔寬無識作史列三教三教中復分十百富名號爭奇仍鬥捷一一欲建效遂令清淨域無事亦爭剽民生半無業物力因已耗合一縱甚難何不各守要兼取更非計分路或同到惟求心所安誓不惑果報

新進喜事人不可位相將持其一偏見違復計得密紛然變成法畢竟無一當古來大聖人貴速不貴創周官

不善讀邪說復首唱青苗市易行天地為播盪巴東亦不免時露好事狀偉哉無口瓢此乃真宰相

側聞飛仙人上者居列洞騎龍跨鳳外頭石亦能控游行一世間風伯自迎送怡神雖足樂于世究無用况經年五百劫數亦殊重我意不謂然除糜復時弄空言如有神後世亦諷誦無為守丹竈寧可抱酒瓮化人王無功日昨屢入夢沉冥雖已久顏色益飛動醉鄉苦無書

為寫酒德頌

家儲萬黃金或者有憂色行乞得數錢陶然樂斯夕賤者未必非貴者未必得置身豐歉外庶不為物役鍾乳

一千兩胡椒八百石縱如彭祖壽亦恐難畢食徒然使後來笑聲千載劇

少歲盛意氣不願為詞人垂老筋骨衰勤力始作文披荒昨歸田松菊僅有存親凶逮卅年兼復鮮弟昆偕老願亦違骨肉滿墓門尙幸一室中不乏子與孫又客偶

一歸旨酒又已溫僕婢立我前勸我盡一樽慰勞固多方嘯笑恐未真欲營山水區庶畢勞瘁身持此一寸心不死期報恩

北轅窮大宛西轡險樓閣洪河狎蛟蜃滄溟截鯨鱗回思至危境亦即寓至樂豈惟豁雙眸胃次亦已拓丈夫

處閭巷百事苦束縛終年心賞處僅止一邱壑低瞻慙赤鯉高視愧元鶴寧知轉輻屬天外亦飛落平生無別

慮閭巷百事苦束縛終年心賞處僅止一邱壑低瞻慙赤鯉高視愧元鶴寧知轉輻屬天外亦飛落平生無別

晴有景必搜索生當恣游覽死即安冥漠一世誰寬惠  
南山石成柳

束髮事結交良友堪悉數文章與談讌各有投合處立  
身復不同分道各馳騫揚雄性沉默逸秀欣世務君看  
華與管始合分末路彼此不必非邪正性所賦即如同  
學者意見亦參互王何標理解張趙崇傳注璣稱善名  
物曜乃詳訓詁一得皆可傳無須學跬步君看天上星  
東西各分布飛何必隨走赤亦難請素絕交論亦編故  
者無失故

學術尙周孔治術尙黃老漢家西京前異說不得擾官  
皆核名實學亦具師表黃初尙元言配老乃以莊治術  
日以類沿流益荒唐明道崇理學升孟以配孔專門學  
益希語錄行千種寥寥一千年感此風教殊實政罕達  
民私心競師儒誰祀周公誰讀軒轅書

獨遊水西登煙雨亭久憇追悼朱學士筠江太守恂辰壬  
四月會同遊此

山城一水環如帶雙塔影飛三里外行人望塔路不迷  
斜日已過山城西別來江水依然綠竹樹千尋路千曲  
林梢盡處立一亭日氣轉赤煙光青亭危一角驚先折  
使我傷今復懷昔春燕巢空春草枯堯誰更問春消息  
當時逸氣橫九垓桃李迎客爭先開寧知過眼若飛電  
三客坐處生莓苔卅年舊事愁難再何況風光隔千載

龍徒空山杳莫尋雀歸華表寧能待芒鞋已倦蒲帆舉  
別意惟同夜烏語行客多時怨水風危亭入夢仍煙雨  
過水西渡

只有參天竹萬竿  
青弋江舟行

順流轉比逆水難北風吹水欲上山風中歸鳥性偏急  
逆浪逆風穿樹入青山影外溪流足溪水亦輸江水綠  
水西明月來水東却單一角斜陽紅

夜起  
窗櫺高下綠低迷夜半何人發水西留得月痕剛一線  
却教山鵲盡情啼

長至後一日消寒第一集諸及門餞余洋川書院之生  
雲閣分賦得山樓卽事四首

前宵雨初停濕霧一山皺白鳥入白雲延回飛不透  
樓閣三百家溪流自環繞澗底出笙歌年豐賽神早

却倚青松樹迤東築小樓昨宵驚驟冷靈鷲宿牀頭  
紅林千百株一夕已無影山風颯然來巢禽各延頸

蕪湖喜晤張太守祥雲時攝道事

暫移五馬駐雄關意外相逢遽往還同輩漸如秋後葉  
異書高比屋頭山人傳海上魚龍橫時祥匪在寶山我鼎定一帶滋事

共江千鷗鷺閒濶別十年重握手喜君青鬢不曾斑

否友人贈梅

一棹欲歸江浦五株誰贈溪梅却掃款紅塵去安排暮

綠華來

港口小泊

濛濛雨細天垂黑白鷺欲將行客嚇眼前風浪轉不驚

飛鳥踏空人躑躅

消寒第二集陳孝廉謫本招遊蕪湖城東沿後湖隄至

三昧菴看黃梅作

後湖三百頃煙霧忽微茫寺作前山界隄具夾水塘瓜

分留寓縣

東晉時改蕪湖立粟垣定陵遠道三備縣

果熟薦空王坐久還成

雨黃梅發古香

十五日晚自東梁山移舟至西梁山泊晨起阻雨

東梁山上雲欲作西梁雪移此江南舟過江看落日江

千三尺霧又向江南結三更迎面雨隱此當頭月已有

孺鵲聲愁霖苦難歌

守風西梁山竟日

雲從西走東頃刻一山出回瞻東梁山復向雲表沒寧

惟南下少北去帆亦絕橋鳥與林鵲對語較清切荒庵

懸陟岸正晝色如漆我倦亦枕書陶然醉終日

舟過蕪湖始聞彭尙書元瑞之計謹輓一首

不求立異不從同十載追隨采殿東編集會昌名一品

蓋棺光政贈三公設後奉論旨仍贈協辦大學士升沉總在雲霄上

公自副相降補閣學復擢待郎尙書皆直南書房恩怨都銷氣篋中寬惜石渠

天祿署更誰博物比司空公聞見氣博尤悉本朝掌故一時無兩

十七日晨起北風尙勁書此遣悶

昨宵雨如煙今晨雨如霧多謝西梁山留人三日住咫

尺不見城角開山溜隱隱喧驚雷明朝未敢望江浦祇

願征帆泊牛渚

是日晚抵采石因獨遊三元洞作

西來長江一萬里盡向石竇光中收回頭滄海亦不遠

初日欲上潮驚流孤僧聽慣亦不訝枕上長江六時郵

長明燈燼已十年空水光中不知夜

夜起登太白樓

準擬宵深秉燭遊然犀亭下泊扁舟青天無月人無酒

辜負三更太白樓

十八日早自采石挂帆將抵江寧訪孫大星衍先寄一

篇卽以志別時將赴山東監司任

今晨挂席思凌空五色已曜帆檣東舵樓繙書未一卷

席帽亂捲三山風新晴水面鋪朝旭影外波濤尙如斛

艱危歷盡心已平水狎龍龜岸麋鹿此時却憶單居使

可己乘流向揚子白髮樽前有底忙素心海內無踰此

河流雖濁官能清河隄使者憎好名得聞蒙仿徐內史

他時青兗來看山北抵二嶗東岱嶽

十九日早過烈山作

烏江浦口暫徘徊昨日舟從采石開半晌舵樓眠未穩

六朝山已上帆來

十一月二十一日消寒第三集胡戶部稷昆仲邀同孫

兵備星行冒雨至小倉山房探梅并留飲小眠齋即

席賦呈並贈袁公子遲

曾見郎君入抱時傳經近復課佳兒古梅似向閉人揖

舊事都應老雀知墩割一隅袁大令枚即埋謝傳錦留

五色付丘遲談深紅燭全銷焰門外三更雨若絲

十二月二日消寒第四集李兵備廷敬招同人集平遠

山房觀宋四家墨蹟即席同賦

裝成橋頰荔枝詩尙憶煙雲過眼時余欠客畢宮保署

二十餘種尤奇者藏文忠橋頰榮端明荔枝詩也

一代傳人原磊落百年真氣

藉扶持寒梅消息遲霜信殘臘心情付酒卮我是庾公

樓上客摩挲故物劇相思

題秦宮人曉粧圖

仙雲如綺復如羅天上新看鏡乍磨錯認廣寒宮小集

一輪圓月一恒娥

李兵備以會勘江浙地界泛海至羊山信宿公事畢繪

泛海圖屬題率成長句以正

一帆出海何飄然五百甲卒藏戈船帆檣解與潮勢鬥

五色幢上蛟龍纏竿梢時浮復時沒屢氣回環一山出

海風吹人若步虛却及島中方履實誰言海外一事無  
文案積若牛書粗經時履勘事甫竣瞰海絕壁如浮圖  
故人尚有洪厓在挂席何應不相待請公別買一葉舟  
我亦時來看東海

初四日消寒第五集李明經筠嘉招同李兵備廷敬何

徵君琪陸孝廉繼翰林錦儲桂榮椿華李學瑣鮑熙

改琦徐棠諸文學並鐵舟上人吾園小集時余以明

日旋里諸公皆即席賦詩相餞醉後率苔一篇即以

留別

一雀引一客閑步汀西頭汀西開上人一一如眠鷗元

裳丹頂時窺牖坐雀居然戀紅袖有時合隊出探梅七

尺亭亭影俱瘦簾前新月輝簾外疎梅開春人結束登

春臺鼓吹復從門外來主人約客排宵燕落日暉暉坐

中見陸郎年少飲亦豪十七人中稱寃健香巖餘高詠

竹圃鮑歌激得開外生回波就中匿笑何春渚七十風

懷尙能補生中有歌解衣作畫改七蕪我亦石上題成

忙鐵舟開士詩才逸畫筆年來亦如鐵論仙開衙東海

頭好客絕似劉荆州殺人詞老梅村叟前後可稱雙祭

酒時逢吳祭酒錫微嫌病酒及十旬明歲花開可來否

一更飛觴至二更坐上客始連翩行冥濛歸路不知數

幸有導騎持燈迎君不見新知雜故知卜畫又卜夜三

更未醒船已行挂席當從蠡河鉅

鐵舟上人邀至南園早飯

晨餐未了午雞啼好客應知劇孟齊上人坐上一人食客嘗蒲一味孤

行竄相稱公參玉版我黃荃

舟過昆山有感徐司寇乾學王司農鴻緒舊事率賦二

絕句

傳是樓空水榭荒百年先已感滄桑早知身後名皆在

何必師生軋百場司寇奉命所修一統志及司農明史稿皆係可傳之書

人言太僕繼南豐微覺前賢面目同我讀亭林居士集

不求工處自能工

初七日消寒第六集瞿應謙別駕攜酒招遊虎丘久憇

生公石時宿霧漫山飲畢不見一人悵然而返分賦

得石字

山僧啟山關驚出雙逸翻寧知攜榼者先已候門隙僧

寮雖未啟已布行客席樓臺丹碧影裏此寒霧白三載

偶一來為歡感今昔兼攜亡友句時適携亡友遂寧久張問替詩為闕定人並不至

憇生公石同儕櫻世事一晌閑不得

上苔寥寥坐雙客

臘八日破曉過錫山作

山雨接天白破寒溪上來北風吹別袂南酒勸銜杯宿

鳥依林顛鷺魚蹴浪回呼僮泛膏粥聊賞瞻瓶梅

先壠側形家言尙有昭穆二穴因以昭穴葬亡婦而舍弟冢適被水漂遂遷葬于穆穴自此先壠已無隙地

他日子姓不得更附葬并作此詩以為戒約暇日復

課兒子等添種松百本作籬衛之庶幾封殖之義云

兩

憶從葬西原子姓殊不少一輩課十株佳柯已纒繞冬

青女貞樹墳道藉以表東南離百步溝水成曲沼春到

上冢船鄰鄰碧波小經營三十載齒髮慙已老無賍地

下羞吾行倘堪保

十步依我祖五步依吾親料量松栢株芟此荆與葉石

几清且修藉以列俎尊吾弟近亦遷庶免水囓墳弟冢為水

復誰存恒幹有自來吾以還二人

逐臣西戌日卜冢渾河源回頭慮嶺高萬仞瞰北原豈

知螻蟻微竟荷天地全荷戈復歸來衣敝履亦穿得耐

先壠旁此事豈偶然願既遂首邱萬念盡可捐所慙德

未酬以勗子與孫

憶昔初結禱白雲溪畔坐追隨三十載亦既衣衾弗一

朝人事改丹旄屋頭設明明同命者今日乃獨活忍心

奚若此委彼在林樾翁姑歲時饋地下冀修潔却待松

有壽吾行亦歸骨

十七日消寒第七集楊上舍槐招同趙兵備翼莊宮允

通敏劉宮贊種之金太守聚方明府寶昌早飯石竹

山房復至秦園茶話始別分體得五古一首

春筍未及抽石竹已成列草堂花氣暖無異燕春日主  
人工治饌厨婢亦修潔溪魚及圍韭日昨已梳剔樽羅  
會稽釀盤滿洞庭橋寧惟充口腹志意亦怡悅尤欣嘉  
會早燕罷日方及復有繡地方秦園若堪暇宅北有茶亭仿錫山

更生齋獨坐

更生齋獨坐俗客無一到圖書堆滿案藉以拓裏抱主  
人五十八始覺有白須益常無幾時所幸樂有餘前時  
葬山妻日昨哭亡友乎茲萬古愁庶藉一杯酒林梅既  
寒香水仙亦幽姿呼兒開甕頭屈指當祭詩

讀歸方伯景照猶女佩珊詩冊率跋一首時聞方伯已  
從戎所旋里卽以寄之

每誦嬌兒筆陣道憶借臣卦戎西郵李騰空仙不旋踵  
段秀實歸仍戴頭種樹經曾攜萬里方伯在塞外時簪菊種至數百  
花格已定千秋東山絲竹具堪慰各有深閨侍唱酬  
過白土鎮

右縣華陽驛前朝白土鄉刺坡餘臘雪微雨出朝陽月  
向蟬頭墮人從驢背忙盤餐思往事乙未冬過此本鎮茂才紀開旭以盤餐  
頻問讀書堂

青元觀

仙人高臥處後卽尊仙翁大家一卷亂雲飛列闕具如峙蒼松  
相與依鵲靈朝語警霍古道身肥法侶來迎客仍穿履

斗衣

重至句容展亡友王廣文吉士殯率賦一篇卽呈令兄  
司馬周南理問斗南

卅年不到華陽岡岡南栢都己蒼縣中老友誰更健  
腹痛寬憶西頭王與令兄周南分居東西宅當時賓從頻來往修竹  
山房及西舫漫士心情沈隱候校官風度王元長騎驢

已倦牽車來醉客何止三千問澹香吟屋賦詩處采筆  
一一埋青苔朱茂才鑄及令姪麟暨孫郎遠宦鴻河口

我亦荷戈天外走前時白袷諸少年相對各驚成老醜

青元館前訪葛仙更向鳥翅岡頭眠三峯遠復有前約  
時將遊道士待客排雙筵城南欲別頻回首復聖城西

草葦酒一杯酌爾應快心生友竟堪成死友

臘月十九日消寒第八集王司馬周南招宋學博保賢  
令弟理問斗南文學簡可陪遊獨窈山莊看梅歸飲

修竹精舍卽席賦贈分韵得莊字

三十年來事渺茫塢中藤蔓屋頭乘何期句曲羣仙會  
重醉先生獨窈莊天上黃人曾捧日聯論西清舊事月邊青女

自飛霜遲眠緩步消餘酒嗅盡寒梅樹樹香

二十一日自句容沿破岡瀆抵綠野村裴主政暢招同  
楊文學鳳翔暨小阮中翰錡上舍鍼集金粟山房作

消寒第九集并約明日同遊茅山卽席分體得長短

句一首



我飲秦淮水欲覓秦淮源荒岡百折走不盡側耳已聽  
流聲喧未遵赤山湖先逢破岡瀆古澗寒流三尺足其  
上莓苔益深綠關心七日卽小除爆竹響已盈衝途年  
殘只我無一事尙向山腹搜奇書道人相貽綠玉笥一

笑欲上高高峯寧知遊輿昨方發大茅山頂雲先紅招  
邀伴侶皆踈散祀竈黃羊亦充饌饋歲人貽赤鯉魚經  
時我啖青精飯主人頻開綠瑩堂更約入夜傾千觴一  
門羣從悉來謁問我何事投遐荒遐荒萬古風沙集我

感 君思仍雨泣不是天邊早 賜環何能地上  
周遊展陶貞白葛仙翁拍手空際欣相逢神仙大半遊  
世上宰相亦復居山中清涼境地真殊絕一樹寒梅一  
甌雪我向梅花樹下眠羅帷夜半飛明月

遊裴氏園亭  
深澗遊魚五色小樓乾鵲千聲寒日欲斜松阜亂雲已  
暗山城  
破岡瀆夾岸皆栽桃裴明經鍼于此送別更約花時復

遊因作此贈之  
破岡瀆後亂山多結屋欣看傍澗阿此是碧桃花世界  
不妨開日更經過

入茅山自黃仙墓至乾元觀宿  
死非死生非生黃仙蛻處還留坐山不出處不處宰相  
居山究何補平生不解陶華陽念念都欲禁君王惟餘

一事差快意愛聽千尺松聲涼宦途不礙神仙境句漏  
庭陽兩仙令但使能修駐景方周妻何肉都非病我來  
依茅岡咫尺鄰荒墳山風蕭瑟淚水温夜半白狼來叩  
門

山北尋老君垂雲諸洞  
半月西已墮半月東復升團團滿月光莓苔結三層一  
洞嵌碧月一洞垂紫雲紫雲欲下候復上離地鶻看不  
盈丈高低元氣若吐吞一朵突出鶻當門其餘一朵復  
一朵忽若雕盤貯新果朵雲盡處叩石鐘復有雷鼓聲

隆隆君不見壘中飛雲亦已奇此洞何止雲能飛洞中  
英英鋪不足却惹生雲夜來宿  
乾元觀夜起乘殘月看梅

萬夢初醒處回廊歷幾周好花紅蝶背新露白鳥頭徑  
轉風千尺簾斜月一鉤是誰喧客耳春水竹中流  
宿乾元觀有懷孫兵備星衍

百轉千回歷轡岡踰前事渺難忘曾攜天上神仙侶  
來憇山中宰相堂今日故人分出處更憐餘子半存亡  
乙未冬同遊者兵備外爲林公子  
崇錫與及門鄭聯華今均已下世  
蓬萊海水都清淺  
以陶貞白爲蓬萊  
那水監故及之  
畢竟誰尋駐景方

張太守鳳枝論成伊犁以愛姬再寄其姊榮陽令署華  
太君處越歲太守札致太君偶不及姬姬本思憶成  
病復因是銜恨遂維經卒太守自戍所還傷之屬賦

此詩

繁臺幾化望夫山却待征人久未還情到死生何以報  
揮殘老淚入陽關

七千里外別銷魂姪貴州人十五年前誓尚存郎不薄情儂  
薄命再生端欲入空門

地府元埋千載恨天山不寄一行書傷心三尺生綃影  
入夢多時尙未除

索嶺盤江歎遠官相隨幾見月團藥定情金縷裙猶在  
相向空箱不忍看

東坡南海公西海算雨朝雲夢總空寂莫小桃墳上樹  
異花猶染淚珠紅

魂小仍隨油壁回憶郎門向裏河開築他燕子樓千尺  
供養平生畫像來

瞥見鷺鴻影未真在貴陽日太守會喚姬出拜青綾步幃動遊塵多  
應平視劉公幹罰作新詩悼洛神

尙有西臺藏案存誓心終不出侯門九原若遇河陽令  
謂陳大令熙甫時亦久卒更欲低頭拜昔思

小除日更生齋招諸同人祭詩  
年殘風雪寒良朋悉遊歸如何未入春石砌已墮梅東

西比鄰中雅有數子才招來更生齋相與銜深杯諸君  
盡華年感我算景催送客復入門晴陽尙暉暉

趙司馬懷玉自山左奔喪歸同官贈以一舟至清江浦

渡河膠敗舟圻八口幾至覆沒以救得免司馬作厄  
解自嘲并索余一詩記事

大舟裁裁高百尺敗久無人肯相索先生途窮欣得之  
輦致妻孥及書策忙中方渡天如開意外忽趨河伯宅

無端突起尺一波竟敢馮陵四千石兼攝本郡馮生詎欲謁  
陽侯展氏不關多隱隱船無阿堵物堪羨丹有辛餘靡

亦拆郎君幸免魚頭戴如願本從龍窟得篙工舵手聲  
齊奮撒網持鉤拯亦亟微軀險欲爲人旣定例并須援

嫂溺孤兒一日三番哭水厄仍兼絕糧厄推量其故亦  
可曉至寶隨身遭迫逼龍神要看瀧岡碑鮫府思搜辟

雍刻不然畫寶吳道元或者字藏黃魯直遭風濕米考  
竟升落水蘭亭價誰敵評書既貴屋漏痕佞佛本當衣

壞色但令釜底不生魚何必篋中長貯帛罷官尙飲八  
關水助葬誰貽一船麥可憐剩有朝衫綠亦復染成天

水碧窮經先已集坎培讀禮還遲卜窀穸曝日神方時  
僂僂見星歸路難匍匐髮膚未毀具天幸妻子得全容

衆力王楊廬駱半遭此君節州唐四傑集才大例須沉澤國先  
生盛名亦不減一死何妨塞其責即令萬一免沉淪從

此尤應斷綠墨如何更不思愆咎更準解嘲成解嘲君  
母更以性命戲勢必重遭神鬼劾一官青社既僥蹇三

載聖廬須簡默仍愁溺後陸士龍照見麻衣笑聲劇  
受業曹景先校字

更生齋詩餘卷一

陽湖洪亮吉著

冰天雪窖詞

主人少喜填詞壯歲後恐妨學輟不復作卽偶一  
爲之終歲不過一二首歲戊午自京邸乞假回車  
箱無事輒填至數十闕及自塞外回里亦時時作  
之遂滿一卷名曰冰天雪窖從其後言之也少日  
所作亦不忍棄并裁作一卷附焉機杼燈影詞是  
矣

臨江仙

綠鬢學仙愁已晚卽今況復蒼顏天空鳥去不曾還未  
知雙蠟屐再入幾名山 半世著書難得了硯臺肯放  
清閒酒人相約掩蓬關臉從花索笑心與石爭頑

憶王孫

涼風吹綻一天星約伴時時過水亭說鬼宵深不可聽  
掩疎屏小婢齊聲唱佛經

過汀故說愛新涼躲過前頭姊妹行私語喃喃已不妨  
卻提防移得鸚哥出畫廊

兩重門內忽相逢一串花香出袖濃剛賭秋千氣力慵  
且從容眼角回青頰轉紅

傷春長自下簾鉤杏葉扶疎柳葉柔三月花前雨不休  
沒來由私語催人上小樓

滿江紅 陳其年先生填詞闕爲伯恭學士賦

卅載填詞香一瓣敬酬陽羨可可是家山百里畫中類  
見前曾見先生四十畫像涉筆偶描秋士影關情別有春風面笑

青衫五十尚沉淪工排遣 將灑笛先施鶴乍展卷仍  
安視仗卿卿壓盡等閒釵鈿別夜寂憐天似水當頭吹  
落雲成片算個儂風味有誰窺梁閒燕

試問 熙朝人物在宋元之右只己未宏詞一榜尤稱  
淵藪前輩幾才真似命昇平樂事吾能究趁閒來歌板  
兩三聲消清畫 竹垞老梅村叟招玉叔攜紅友且不  
知秦七何論黃九翡翠几暫停三寸管新腔已落千人口

羨當年風月寂清華誰能又  
雙調江城子 紅豆詞爲題親王世子作

深秋門巷動涼颺掩關遲雨如絲折得一枝紅豆立多  
時天上亦添新別恨人不見渺相思 拈來枝葉影參  
差意誰知酒難辭且與梁園賓客譜離詞只有文園消

渴甚賦不到九秋枝

十六字令 初冬  
風一夜千林葉墮空開軒望斜月正中峯

減字木蘭花  
香濃月淡幾朵露蘭光欲泛行過房櫳福榻裁燈墮小

紅 茶甌清冽留得那年元夜雪說夢聲低偏惹簾前  
鸚鵡疑

唐多令

真氣本無前豪情忽欲顛一百番沉醉酣眠亂摘九天  
星與斗權當作酒家錢 寥廓約頑仙踏紅雲種田待  
秋成歲月三千擬釣六鰲滄海去雖不飽且烹鮮

眼兒嬌

杏花樓上杏花香無語斷人腸千他甚事鶯鶯燕燕咒  
盡年光 依然簾幕依然鏡依舊隱斜陽如今再要當  
時人面卻費商量

又

飲心百事總難忘閒處一端許鮑姑執扇柳嬾羅襪謝  
姊綠囊 愁多不合住江鄉夢少也千場笙歌元夕鶯  
花上已簫鼓端陽

轉應曲

雷鼓雷鼓打過春三四五還虧列闕豐隆催得前村挂  
龍龍挂龍挂一幅水鄉圖畫  
蝶戀花 時欲乞假南回書示子弟

十二闌干紅半曲桃杏將開一雨先舒萼多分散人真  
有福半春好夢無重複 卅里迢迢煙艸綠欲望江南  
遠樹偏遮目好水好山生計足汝曹莫恨歸期促

賣花聲 春分

艸綠未成茵柳線難勻等閑鶯語幾曾聞只讓杏花同  
燕子占盡春分 心切望朝暾霧暗連長關心西北有

征塵日曰玉堂天上坐卻是閒人

調金門

誰決策除是劉琨祖逖一事差堪贏越石承平非狎客  
又手巡行今夕放眼追思嚼昔好友綠儒都入墨寥  
寥心孰白

相見歡

黃昏獨下珠簾病懨懨差喜簪頭常苦夢常甜 三又  
渡三生路白雲尖惆悵長林斜月影纖纖

鳳棲梧

畢竟春來饒氣勢萬鳥啼春萬夢隨春至惹得玉梅添  
意智花開又豈干春事 白袷春衫開已製輕暖輕寒  
春轉無倫次何是與秋非一致春人只把情懷試

滿江紅 譚子受英雉兒女圖

大纛高牙問此是誰家年少只巨巨倚天長劍勢將離  
鞘千里偶追流電影萬金願買傾城笑算渠儂二十五  
年前堪同調 且緩緩金樽倒更艸艸離愁搜看車前  
努力急思投効兒女情懷何者是丈夫志業誰能料問  
卿卿何日定天山紅旗報

菩薩蠻

玉皇宮殿高無極東西龍虎更番直天上事偏多仙人  
鬢亦皓 麻姑空一笑偶自舒長爪掐破碧桃花光  
照萬家

減蘭 寄舍弟

吾家阿弟先我一年辭 帝里玉版銀鱗飽嘆江南二

月春 小桃開落穩坐卷施東畔閣應念衰翁騎馬朝

朝目朔風

應天長 直盧即事

構巢招得雙鴿鵲激水養成千屬玉長林麓橫溪曲卻

向此中開竹屋 閑官殊不俗所喜更無拘束昨賜萬

條官燭寫 三朝要錄

江南好 將將乞假南回作此寄里中親舊

鄉園夢昨已到雲溪生小樓臺三編換柳邊門巷亦全

非新綠浸簾衣

鄉園夢昨已到花橋對妨乍憐詩社歇陸郵生每與丁叔儀兄弟及兒

子飯孫等聯吟看並遠出隔河添得酒旗飄燈火徹清宵

鄉園夢昨到棧舟亭小港蓄魚橋牛圪荒庵燒菊戶全

屬僧老厭繡經

鄉園夢昨到放生池煙柳綠交楊令宅楊大令西河水宅在池側

雲碧捲謝家祠清景待題詩

鄉園夢昨到驛樓前障眼市塵高百尺關心鄉語別經

年真個說歸田

鄉園夢昨到石橋村高阜欲盤雲外塔神魚時拜竹園

墳松子積臺門

鄉園夢阿弟屢邀呼新築水亭招社燕別營山家葬童

烏鴉子鳴作達且提壺

鄉園夢好友遞將迎木杪軒中搜逸句竹初庵內證長

生奇論尚縱橫

鄉園夢外舍寂依依榆莢綠綠穿徑水蓄薇紅隱上樓

梯花發子規啼

鄉園夢羣從亦翩翩坐我小樓敲句好輪蹄長日枕書

眠屋外水周天

前調 抵江南境作

江南地一碧已無塵小市雨晴初試馬長隄星磨乍達

人猶剩一分春

江南月不厭徹宵看無奈乍圓還乍缺未妨輕暖與輕

寒長凭玉關子

江南岸屈曲蘆花棧舊亭乍思情漠漠夜程初急雨瀟

瀟已過驛西橋

江南煙鴻滿與同飛待得柳稍殘月出水禽驚跡已全

迷留得夜鳥啼

江南屋低小只如蠅一樹石榴初吐雙四更銀燭尚高

然隱隱笛聲穿

江南路從此遂幽尋轉盤雙詞客寄意陽城下考亦甘

心別念撫孤琴

江南夢日昨已全醒黃卷誤人頭欲白綠楊窺客眼猶

青閣小戶仍扁

江南客天末溯歸蹤漁唱便須蘆笛和  
芰衣仍待柳絲  
縫鷓鴣且從容

江南侶說著已銷魂松栢徑中尋舊友  
鴛鴦原上指新  
墳尤歎此衰門

江南節屈指已天中絲柳乍青蒲葉綠  
楊梅初紫杏火  
紅水淺試雙龍

虞美人

黃昏獨坐關千左竹葉深深鎖橫陳  
玉體見何曾知道  
紅窗六月不燒燈 夢中囁語愁人  
覺小婢都辭御無  
聊長自睡青鵲悵一鈎殘月鬢邊升

江城子

生疎廊屋幾曾經意恹恹步伶仃  
偏是半邊團扇有流  
螢縱向曲闌深處躲防照見一星星

紅闌千外路三千病癩癩說當年  
贏得半生憔悴半生  
眠只有畫籠鸚鵡好渾不記有從前

采桑子

別來已覺無情緒放了風箏過了  
清明總向閒門冷巷  
行 何時約畧三春夢  
多比流螢少比踈星  
春睡膏騰

白晝醒

轉應曲

天上天上誰把兩丸安放東西  
滄海漫漫出沒真如轉  
丸丸轉丸轉天也有時不管

明鏡明鏡看了有時仍聽吉祥善事  
多候頓覺慈顏喜  
歡歡喜歡喜儂與鏡兒知己

春夢春夢誰向小窗分送夢中說  
夢尤疑身外分身絕  
奇奇絕奇絕魂共燭花凝結

千里千里只在離人足底別來  
吳苑花香又復蒸臺夜  
涼涼夜涼夜酒薄衾多謝

虞美人

人人愛說芳菲節更愛團圓月  
箇儂心事獨嬌愁御喜  
花看春半月初三 長安道上  
金貂集青紫客人拾到  
來生怕說頭銜只戀年時  
憔悴舊青衫

昭君怨

原是一般年紀可算他作弟  
記得小名無業中呼  
入夜畫樓先鎖百計要將人  
嫁何意學生踈上頭初

柳梢青

纔賭千秋又遶門艸且漫藏  
鉤象裏聽明箇中機警格  
外溫柔 日斜剛下粧樓  
招女伴更番出遊鳳尾墩邊

鷓鴣毛洲上龍嘴灘頭

西江月

夢裏鶯花綠繞愁中風雨  
廉纖一般時節症癩癩相對  
燭花呵欠 小膽疑聞鬼語  
細心時卜神籤病兒生怕

不增添百計把人排陷

減字木蘭花

乍談心曲何事小名呼小玉彈指年華未比梅花比杏花  
寂寞同調入字果然生鬼肖判與他生自有麻姑  
肯玉成

蝶戀花

閒日偶從妝閣偵聞說驚鴻險被袁宗聘私語又防人  
竊聽團圓只指隨身鏡 情短情長何自定除了今生  
更把來生訂一晌遲疑還未應喃喃只說心腸硬

酷相思

贈俠士

日晚黃塵都似織徒倚徧樓南北便四海無家歸未得  
一劍也千金直一騎也千金直 耻向人前稱羽客况  
肯談天釋任醉眼昏昏青轉白天上也誰相識地上也  
誰相識

醉春風

好把春衣換更舉離觴勸眼前誰可寄相思算算算指  
上先掄心頭久嵌口中難喚 合是人天眷莫更情懷  
亂個儂只怕太酸寒看看爾許年華這回風格那般  
詞翰

羅敷媚

年來情事誰能識神也瞞他佛也瞞他小婢依微道着  
些 無端兩地難牽合心在誰家身在誰家夢裏時愁  
去路賒

又

秋千架下分頭走姊住東谿妹住西谿只望秋千影不  
迷 更闌重到秋千下月也低迷露也低迷畫索斜拋  
烏夜啼

長相思

風蕭蕭雨蕭蕭窗裏無人響玉簫紗燈壁上搖 夢無  
聊醒無聊窗外荷珠落亂跳游魚蹴浪高

木蘭花慢

秋夜重聽團圓書  
屋示蔣二振三

只團飄書屋仍一片挂斜陽算杏已摧紅蘭先殞紫桂  
尚扞黃悄悄那邊門巷歎簾衣何短艸何長百徧欲尋  
歸燕幾番試問寒蠶 十年羣從半淪亡頭白剩蕭郎  
縱見了桃根尋他菱角也費猜詳平時枕書眠處是何  
人重與攏繩床酒醒佛燈藏幔夢回鬼語沿廊

又太湖無眠

眼中何所有三萬頃太湖寬縱蛟虎縱橫龍魚出沒也  
把綸竿林威丈人何在約空中同凭玉闌干薄醉正愁  
消渴洞庭山橘都酸 更殘黑霧杳漫漫激電閃流火  
有上界神仙乘風來往問我平安思量要栽黃竹只平  
鋪海水幾時乾歸路欲尋鐵裏望中隄落銀盤

念奴嬌

生日東西家

半秋纔過不多時到了初三新月八字雙飛胡蝶好生  
與菊花同日剛欲題糕仍遞說餅且把書聲歇齊肩看  
歲那人先占佳節 猶記七夕樓頭穿鍼簾底腰瘦頻

頻折知道個儂勤頂禮偏喚小名何必笑鬢方閒愁眉  
更歛梁燕防饒舌燈花解事雙雙紅蕊偷結

菩薩蠻 贈伏客

偶然來預朱門宴身輕只比梁間燕驚地出人頭燈前  
尚閃眸 一腔填恨血七首懷中熱座客酒遲乾先防  
冷眼看

木蘭花慢 已去中秋內城  
南池寓舍作

歎八年此夜移八處看陰晴算幾載持衡雨番入直一  
度歸耕西風欲催人老趁乍寒刮得鬢星星已被月中  
人笑從今莫更多情 依然薄醉擁桃笙如水玉階平  
只三十年前境難依約夢不分明沉思那回塵劫把深  
杯都向夜臺傾一例碧虛解事半宵霞采橫生

臨江仙 恭纂 高宗純皇帝實錄第一分進  
呈擬欲乞假南下偶此書事

人說綠鬟青箬好可容仍殿朝班玉堂官燭影闌珊昨  
朝書已 奏明日棹當還 天上樓臺曾小住明湖如  
帶回環夜涼偏欲夢鄉關屋前雙壑港屋後一堆山

琴調相思引 歸燕

一樣樓臺夕照昏杳無心緒入朱門欲飛還止街得舊  
時恩 差喜故巢同海上好春仍得話溫存倘逢精衛  
可許代招魂

減字木蘭花

夜涼人定正好明心同見性一縷茶煙透到梅花小閣

邊 休休莫莫夢好正嫌無着落與我周旋莫門眉梢  
眼角禪

滿江紅 贈崔三慶生

十八年前相見在謝家庭院驚一揖玉梅花底與花同  
顛高塢東西山水窟劉綱夫婦神仙眷便匆匆從宦向  
湖頭湖冰泮 茗甞上類開譙荆郢路頻傳箭只悠悠  
七載幾曾謀面蔥嶺南頭時入夢蒜山北下仍相見歎  
人生聚散總無端空中電

昭君怨 苦雨

窗隙與誰同坐咒雨鴉兩箇兜兜起卅年愁舊南樓  
暫向曲屏高臥夢又把人顛撥睡覺夜燈青影伶仃

滿庭芳 雨窗獨病  
振三昆仲

撒卻千山行完萬水偶來茅屋勾留又教聽雨日日捲  
簾鈎畢竟誰人過訪三兩客兼雜鳴鳩門扇響奚奴睡  
熱親為點茶馭 颺颺風乍急紙窗搖動無異扁舟擬  
乘流徑去隨分清遊東海波臣尚笑曾見汝大漢西頭  
祁連冢何時築就埋骨此荒丘

念奴嬌 元夕醉中復至  
城東慰吳宮樓

餘生何意孽蠻賤重寫孝侯風土醉我百杯元夕酒更  
聽一堂簫鼓我醉還歌歌仍引滿說盡邊亭苦妻孥雨  
泣昨年投界豺虎 殘夜出戶開行城門東去彌望多  
平楚一領綠篔收拾好怕漏滿湖漁父踏曲歸來兒盡



指我眉目皆飛舞為言此客與樓與月千古

前調錢竹初依  
菊嶺存圖

十年歸計只剛剛長就滿籬松菊買得半園工位置儘

可賞心娛目忽悟浮生因求大藥并禮西天竺回頭自

望鬢毛鏡裏先禿 差幸服食祈年迷途未遠末路仍

堪贖莫待扁盧俱束手醫雅難于醫俗一逕香清一簾

花好一味茶初熟這回休誤白駒頭上行速

因而自省笑先生曷不工于責已萬里歸來行樂好何

以埋頭不起幾尺牙簽三分燈影一寸書堆几蠹魚規

客先生今盍休矣 倘冀後世名乎三唐兩漢試問誰

堪擬况是傳人皆有命不朽古來能幾文仿淵雲經研

鄭賈詩筆還蘇李君應請我愚公愚更無比

沁園春 喜趙味辛乞餞歸里即送之  
青州司馬新任依原調二首

司馬江州從事青州頭銜若斯歎穰庭綸開鳳池遽奪

治中別駕驥足安施竿上綠魚磨中旋蟻可是先生宦

興詩呼驢問儘才堪令僕汝好為之 雖然樂已難支

只白髮高堂健飯時算阿奴碌碌無慙令弟深源咄咄

尚有佳兒跨鳳清才乘鸞仙客君請瑞皆都唱徵雲山

抹詞掀髯笑趁唐灣風月且倒金巵

三十年前稱詩少年惟君不狂看元卿三徑招邀二仲

謂黃仲則 宏農別館欵接他揚揚介社薪之元之叔姪  
左仲甫 系出山陰故 以他榜例之

消歇已半登鬼錄半下名場 別來萬里投荒幸絕域

初歸鬢乍蒼便依然花鳥何時索笑依然樓閣何地傾

腸蔥嶺煙雲祁連冰雪夢裏都憐徹骨涼君知我是愁

多易老

恩重難償

金縷曲 題萬大令廉山講學園開作于大令年十五時  
後二十年大令隨舉秋旆尚書姜杜香侍郎勳

辰州紅苗  
寂著勞績

此客真先謙趁升平時時留覽九邊扼塞試問請纓何

太早髮正垂垂覆額天下事引為已責手理韜鈴仍躍

馬果湖湘陡建非常績勳勳徧壺頭石 丈夫自信饒

奇策况生平服膺所在劉現祖述如許少年能十單分

置楚南川北談笑盡荏苒之澤只我感

恩思効死便歸耕尚枕投荒戟隨爾去殺殘賊

鷓鴣天 秋夕雲  
溪晚望

谿光未是廿年先一樣闌干到眼前風急萬鴉爭古木

露寒獨鶴舞長天 情漠漠淚綿綿舊家仍倚白雲邊

尋春去問堂前柳破夢來穿渡口煙

滿江紅 中秋夕雨

竊海歸來正聆望此年此夜還準擬半宵燈市半宵水

榭三徑久憑風伯掃萬錢欲向天公借更持螯左手右

持盃人閒暇 雲驟暗重簾靜雷驟起層檐下忽蕭蕭  
瑟瑟及溝如瀉後樹鷓鴣巢乍圯走橋人嬾粧先卸歎

街泥滑處約良朋稱多謝

西江月 九月初七日  
雨窗遣興

門外愁霖似潑帳中清淚同揮一年多事上心來不飲  
已防先醉 明歲重陽何處去年此夕方歸人言死別  
復生回今日正當周歲

鵲橋仙

日斜時候日斜年紀又是日斜風味斷腸言語不須多  
況正值斷腸天氣 前宵牢記昨宵牢記此夜更須牢  
記半生家怕說銷魂敢再到銷魂田地

江城子

柳絲南北罩通津水波勻月痕新卻到晏公祠畔暫遶  
巡偏是畫船紅燭影頻照見夢中身

又

播錢堂上記還真是穠春是花晨依約別來如影復如  
塵安得學他雙燕子來與去不隨人

壺中天 和女史歸佩珊詞即  
寄台叔方伯伊梨

從天試問恁詞華只付掃眉才子百歲含愁容易過經  
得幾番彈指未盡名心先拋世味且復營書史回看海

水比來清淺如此 猶憶絕塞歸來君家癡叔憔悴何  
能死寥落雁鴻千萬里憑寄阿兄數紙并說中閨尤憐  
嬌女詩思清如水比來相見怪他風味都似

又贈僧鐵舟

浮生如夢記念念滬濱城邊小別石爛海枯重握手相

對各驚華髮瓶鉢隨身才名益世詩畫書三絕鋼經百

鍊鐵舟果否如鐵 今日短簿祠前長洲苑外客路將

鋪雪一領袈裟渾欲破賣字依然得活極目天南關心

鄉國鞞鼓聲纒歌何時飛渡醉眠黃雀樓月 僧漢陽人

浣溪紗

病後般般總率真見時故故不溫存已教銷盡昨宵魂  
開士心情居退院美人顏色賦長門年來偏重過時

人

鷓鴣天

百罰深杯總不辭忽從酒半透徵詞前房阿母都瞞卻  
只許青溪小妹知 重攬鏡更添衣衆中偏覺語支離

不知天上頻攜手故說人間會面稀

臨江仙 六月二十日請學宮觀諸  
生禪茶并登尊經閣遠望

憶向校官稱弟子春秋祀屢追陪仲丁六十又三回舊

題名已暗明倫堂有進士舉 親為拂塵埃 尋徧講堂

兼學舍兩株列栢誰栽尊經高閣暫時開青衫皆後進

紫燕亦新來

浪淘沙 壬戌中秋夜起望月  
不見時在洋川書院

幾歌雨冥濛月甚朦朧玉塔處處有吟蟲咫尺好山都  
不見說是秋中 少壯去如風老尚飄蓬別家還喜住

江東金粟玉簪開已徧開卻簾櫳 舍間屬事興  
又此二花

蘇幕遮 醉題焦山月波臺

屋瀾闌樓法界十仞高臺更在危樓外奇氣尚能除百  
怪穩坐蒲團且受江豚拜 舉杯遲吟句快乞篆題緣  
總仗孤僧介一日已償詩畫債與來不學前人派

瀟湘夜雨 汪秀才大玉屬題夜意歸時余悼日近與君同病爰率賦此寄意

悟徹前因銷磨塵劫又來樓上孤眠徹黃燈影鏡臺偏  
聲慘慘寺鐘初動光黯黯簾幕斜褰無聊境我方匝月  
君已三年 兩愁相校望夫山外愁更堪憐只投荒歸  
日病正纏綿渾欲訴金戈鐵馬念誰禁激管京絃忘情  
好他時同穴百歲鎮隨肩

入聲 甘州 夢亡婦

向空房盡處及燈昏缺月影橫陳算傷離感逝殘冬既  
爾何況經春打疊牛牀衾枕時為拂纖塵奩鏡都安好  
與照歸魂 畢竟瞞卿何事只夜臺相值問尚殷勤歎  
襄王孤館久已斷行雲想關千東西十二便夢回總欲  
一周巡梅花句從今不賦防要含顰

前調 常熟訪吳祠都竹橋賦贈

又匆匆扶醉入山城雪意釀寒更算玉芝堂朽赤崖閣  
圮紅豆莊傾今日劍門吾谷都已屬先生壓徧江南北  
壞塔呼噪 小弟頭銜一品但才名絕似遜難兄羨  
盈門弟子分日門心兵更傳聞量才只好隔絳帷親授  
與雲英憑誰有平生奇福來入詩盟

小重山

夢不分明醒可憐小樓簾半卷月初初啞啼聲低緩髻斜  
偏朦朧坐誤認卜金錢 衾薄恐添綿舊曾揮淚處錦  
仍鮮擁來都恨夜如年無眠客今轉羨長眠

如夢令 過碧浪湖

龍氣出波冉冉鴻鴻鷺絲皆閃海日未升時幾片斷霞  
如斬休喊休喊驚破一羣鷓鴣

刺得曉星數顆芒角出同諫果尚未破天光水碧盡將  
魚裏孤坐孤坐千尺浪中一我

菩薩蠻 十四夜過南瀉

高高下下游鱗繞侵人不已侵巢鳥一碧作魚天空明  
不起煙 東西樓似織出水高千尺玉手盡垂空長廊  
接斷虹

減字木蘭花 十五日五鼓過平望湖

偶開窗扇破曙鵲聲波上亂百頃湖光捲上先生六尺  
牀 雪花難集低強水蟲多不墜落月團團東海魚龍  
尚愛看

昭君怨 吳江道中夜行

惹得夜烏難住萬點鬼燐穿樹似復有人行散如星  
鴻鴻鷺絲屬玉齊傍水仙祠宿宵半忽爭鳴學巡更

清平樂 湖中

風風雨雨且向前湖去欲問來船船不遇進退總愁無

據 忽然香氣縱橫半空舉手將迎岳瀆貴神抗禮算  
來只有書生

浣溪紗 萬頃橋

萬頃湖頭萬頃橋雨霏煙柳共飄搖水從天外綠周遭  
宿火照將鴻雁眼曉霞烘得鸞絲驕是誰來伴客無

聊

鳳棲梧

戊子秋杪至虞山赴邵先生荷菴之喪時亮吉  
結禱甫三日今復以事來遊則距悼亡日甚近  
也感而賦此

憶昔來遊才合卺新婦三朝尚向紗帷隱小別乍歸爲  
整鬢對人言語尤奇窘 三十三年真轉瞬未比松筠  
早向深秋殞紅豆莊前紅淚隕回途魂已銷將盡  
虞美人 寶帶橋

蒲帆過盡危橋百徑縱無千尺便將蟬煉屈成梁只惜

都無寶帶一般長 冷冷橋外光如電雲朶裁成片頃  
傳三萬六千寬聞說眞仙不教放漁竿

憶秦娥

殘冬甚暖夏蟲  
並出感而賦此

羊裘熱營營案上蠅聲出蠅聲出醉螿當漉凍魚須徹  
煤通藥債都應遍商量艸艸營除夕營除夕年年共  
命此年獨活

清平樂

孫解元子滿屬  
廂雙紅豆卷子

夢回不盡滿地春光斂半領綠衫花氣透胡蝶趁香來  
嗅 文窗特與丁寧東風格外垂青欲配一雙紅豆陳

非天上雙星

浪淘沙

夢入小紅扉露灑簾衣鏡奩殘月影微微偏是獨眠人  
帳外胡蝶雙飛 小膽更多疑怕踏層梯畫屏深處認  
依稀七尺紫檀香案上誰共扶乩

前調

斜照鬼門關落月彎環夜臺可有望夫山生怕瘦魂扶  
不上添箇紅闌 推枕漏初殘朱淚斑斑寒宵何止夢  
能還地下若無埋恨處仍到人間

十六字令

拚歷徧長廊耐曉寒梅花瘦不厭百回看  
聽一雁寥寥下遠汀荒寒境月黑鬼燈青  
休斷送春人不上樓三更夢和月挂簾鉤

遲已是踈鐘報曉時山禽影蔽蔽落高枝  
念奴嬌 未至常熟四十  
里值大風雨

三更向盡忽驚呼飛去蓋頭竹笠鐵馬金戈聲乍沸波  
峭半篙難入絕整魚龍陰厓神鬼空處通呼吸推篷起  
望一湖湖水全立 只有卅里遙程前舟顛簸側搶回  
須急病羽樓頭秋蟲砌下纔復商量蠶愁人無寐殘宵

短夢千摺

水調歌頭 自吳江常熟回  
舟欲至婁上作

性既不談釋又不學神仙半生機一彈指何苦慕長年

卿自理憂地下我欲寄愁天上索醉向雲間自有十洲  
客供我入方鏡 胥江口雷峯尚湖邊回頭三十三  
載舊事散如煙昔日蘆簾紙閣今日梅花紙帳清冷耐  
孤眠短夢乍回處殘月影床前

前詞

偶厭玉虛住屈作世間人人生誰寂快意良夜與良辰  
我欲花開地下更使水流天上耳目一番新倚荷化工  
允寧懼俗流嘆 又誰願朝列關叩羣真百年三萬多  
日臥足幾回伸九野分鋪列宿五岳填平四海從此罷  
揚塵萬事等閒耳無鬼亦無神

點絳脣 題折枝  
圖贈友

遠恨新愁半春已覺難消受海棠花瘦鴛鴦雙雙兒

十二紅闌春氣應全透關心否鶯前燕後定有人垂手

賣花聲 過三叉河  
贈練塘僧

洲樣亦如瓜淺泊江沙二分月已透窗紗留得雪泥鴻

爪影都為梅花 稍遠市樓譚港到三叉山僧親為煮

山茶白髮一龕忘世久與證年華

浣溪紗 梨花和金  
手山秀才

一棹春遊蘇小家紅紅紫紫信方賒玉闌干外幾枝斜

仙子衣裳原縞素美人顏色本空花淡雲流水證年

華

望江南 過京口訪翠峯香  
女史率成二首

忘世事只有杜蘭香  
一爐煙未燼萬枕門外去來

忙吟客鬢都蒼

凄冷處招得女生徒 女徒脫姓其姊為故尚書和琳側  
室琳死姊以身殉其妹流落無歸

香以居 因依佩  
桃李盛時顏朱莫海山佳處語稊糊猶憶故尚

書

陽湖洪亮吉著

機聲燈影詞

蝶戀花 題畫

絲雨絲煙湖上道夢裏年華深淺誰知道天上玉梅開  
過了又教人世東風早 春事及今偏艸艸有分披  
月與花枝小獸立數峯吟句峭乾坤分半輪裏抱

鷓鴣天

學畫敲詩輿轉關更從花裏響銅環籠出語偏生脆  
翻遣鸚哥課小蠻 顏冷落致闌珊萬重密意總相關  
鄰家姊妹邀同坐說夢先消春晝閒

點絳脣 春病

隔箇紅窻強將八字排來看自憐魂斷欲把他生算  
支枕應難且復憑詩案誰相伴喘聲低緩虧得鸚哥喚  
風入松 題春山 獨往園

偷然一境迥難攀幾家人住谿灣疎籬敗壁荒誰補借  
亭亭隔岸青山小史亂頭粗服先生兩笠雲衫 生綃  
忽破酒人顏清夢置其閒谿塘正好營高閣待他時風  
月人還仲蔚逢蒿須補劉安鷄犬都馴

醜奴兒令

海棠小院春深見一晌難描千種無聊容易將人挂眼  
梢 低徊不解傷春句一卷離騷纖手難拋自把蠅頭

小字鈔

紅林擒近

紅錦香猶淺白闌春正長睡起懶無事鬢花碍釵柔春  
衫攜來早皺呼小婢凝沉香屈指挑來年光待畫艇尋  
芳 麗句傳鸚母名絲繡雁娘妝樓無事鏡邊更展綵  
細算傷春未敢閒愁無據背人私自禱海棠

點絳脣 送春

又是春殘海棠花外游絲亂淚珠成串待把年光換  
惜別匆匆鎮倚閒庭院闌干畔綠愁紅怨約畧傷春秀  
漁家傲 題陳野 畫竹

午餘睡起茶初熟一竿愛寫玲瓏玉葉葉枝枝濃淡各  
還須屬三更窻外秋聲莫 娟娟穩稱輕綃薄圍成好  
置闌干角待得晚涼新雨足天如沐月痕倒挂梢頭綠  
酒泉子

暮地行來一樹好花離地出雕闌排玉砌陟瓊臺 四  
更玉笛聲三弄肩上露華堆重與雲飛隨月上逐風回  
探春令 題侍女 屏風

晚妝初罷怯春寒約伴花閒步正一縷愁來無著處把  
十三絃偷訴 玉簫斜倚林閒路想個儂丰度到宵深  
霜月空濛錯認作梅花幾樹

醉桃源 前題

薰風池閣簾微亞日暖豪犀偷卸行到綠沉窻下一樹

榴花謝 滿樽蒲酒人初厭  
結伴消他長夏采獻又還  
輪卻些事關心者

紅窻聽 前題

一院飛花空白晝  
看結束春弓閒走隄  
畔盈盈堆絮厚  
靚得鞦韆瘦 簾幕深深垂錦繡  
闌干外總燒金獸昨  
宵霜冷今宵風驟  
屈指剛三九

買陂塘 題錢孝廉湖川  
鸚鵡集傳奇

為多情青衫血淚  
生生判向愁老冰絃  
誰把傷心譜又  
早別懷縈擾幽會  
巧君不見茫茫碧落  
相思鳥芳心寸  
拗待密約重圓  
愁盟暗續一一淚珠  
繳 銷魂處我亦  
青鸞信杳年來  
暗損懷抱江南  
江北傷春恨付  
與斷腸  
衰艸辜負了是  
舊日金釵鈿盒  
情多少閒愁待  
掃又一  
兩三聲無端逗  
起清夢隔簾情

河濱神 述藏

遊戲共登壇  
窄靴小袖衣單  
身輕總欲避  
遮欄空裏時  
時指彈 同是  
曲欄何處躲  
慧心先向偏  
左女伴盡皆  
藏過百忙何  
苦尋我

清平樂

楊花凭早不待  
春歸了可惜玉  
人渾未曉逗  
點與他知  
道 晝長人倦  
敲詩畫屏一  
枕閒支睡覺  
數聲搏黍消

他春日遲遲

點絳脣

花事關心東風吹到  
茶蘼架燕兒多謝  
呪得春成夏  
不放春歸斜日  
簾微亞秋千下  
游絲無賴又向  
荷錢惹

鵲橋仙

玉鈞響斷玉簫聲  
斷更苦玉人音斷  
清明上已總無聊  
欲飛去晴江南岸  
小園春半小窗月  
牛尤喜小樓天  
半黃鶯紫燕不曾  
來只蟬螻與人伴

望江南

幽夢破斜倚小紅樓  
又是卷簾人不見  
滿街絲雨兩春  
愁綠暗幾重流  
昭君怨 江行

帶得綠鬟鐵笛消  
受短篷秋月帆影  
入江流小子鳴  
日極楚天遙甸潮  
接海門如線一點  
着林梢是金焦  
減字木蘭花

垂垂一樹曾見  
個儂珍重處已  
分成陰頭白蕭  
郎恐不禁 還  
憐飛絮一樣東  
風飄泊去郎已  
沾泥莫趁流鶯  
是處飛

相見歡 夢中作

無端踏御輕鷗  
共清遊夢裏居  
然東海向西流  
雲中 一叢花

林禽喚我作春遊  
煙景逼南州藍  
輿卸處幽吟好  
尋僧 話又引  
閒愁無事銜  
盃有山埋骨  
此外總悠悠 消沉

白了少年頭青鏡惜風流江山勝處余歸也等幾度白  
玉成樓悟徹孤花彫殘心字春總不如秋

青玉案 十三夜 玩月

東風又把細梅染看靜裏簾斜捲追取十年前事轉亭  
涼月暗漏深花滿兩兩傷春秀 如今細雨沿門慘幾

陣落紅愁欲浣鐵笛五更吹更慘任他風雨任他憔悴  
再也無人管

千秋歲 瓶梅

春來心性花與人同命香未拆愁先迸一枝聊供汝五  
夜誰相訊寂好是百花頭上懶懨病 晝永寒先瞥骨

冷魂尤勁花總謝香難並幾絲芳意織一瓣心香永拚  
得是閉門風雨無人省

買坡塘 邵二雲姚 江歸棹圖

黯然歸一肩行李春風不遣人住姚江雙漿悠悠去去  
也更休回顧天意苦要汝是名山夜雨成千古功名射

虎只亘亘平生才皆中下李蔡豈君伍 當年事千佛  
名經曾數一枝原最高處衫青袍紫都閑物惹我酒閒

起舞舞君莫誤君尚有數椽茅屋秋風浦萍蹤語汝恐又  
引先生酒闌燈炷清泪滴殘柱

天仙子

溪上鷺絲忙報客玉人遣透春消息恁恁相送已嫌遲  
無可說祇相憶門外漏湖千頃碧

蝶戀花 落梅

白白紅紅開未止一擲孤標即兆飄零始如此人生剛  
半世問年一樣輪餘子 入夜春愁為剪紙屬汝重來

休味初來旨多分柔魂猶在水五更吟斷梅花詠  
又

窗外游絲空復漾十見花殘那得人無恙莫向酒閒矜  
跌宕春風已把飛瓊葬 花未開時愁已釀寄語桃根

春到休輕放人世有情還有障招魂供汝青綾帳  
賣花聲

獨客正思家到曉啼鴉灑寒雨又如麻不放南枝開  
到好春有些差 客裏事堪嗟似錦年華幾人紅泪隔

窗紗燕子平生真恨事不見梅花  
倦尋芳 春呈

寂寥銀闕怪底瓊妃賤他數個三五春宵可許玉階同  
坐人說高寒應讓汝九重天上還難妥咲風詩只咏到

衾裯被他喚做 也知我殷勤看爾駐向樓頭幾番難  
過錦樣連錢一例被風吹墮仙掌夜過防暗攜月盤靈

冷愁輕緩寄新詩先問汝點頭也麼  
荷葉杯

病到幾番委頓誰問曲闌旁畫眉頻喚不能住病是甚  
心腸

蝶戀花 啼鴉和 仲剛



艸繡平堤花繡樹如此江南隻影堪飛度畢竟塵情猶未悟雨晴簾角聞呼侶 荷樹鷓鴣爭笑汝三度營巢依舊無家住幾日酒痕兼墨污樓頭催澣春袍袴

前題 鷓鴣

莫向天涯棲苦竹只遇啼鶯歸計須頻屬望帝愁魂魂已續此閒樂亦應思蜀 何事啼聲常傍屋解喚哥哥引起春人獨花到黃陵千度落這回尚憶詩人谷

憶秦娥

春時節春人住處春光別春光別風紅花朵臘黃新月濛濛膩綠千條結樓梯欲上愁三折愁三折文蕭聲

動剪刀聲歇

柳梢青

新柳次高東井韵

向曉層巒將煙做霧釀雨成寒鬢綠衫青眉長眼瘦于女何干 一枝折了重看怪徹底春愁總諳柳病前身

萍花再世我亦差堪

沁園春

題萬黍雜持 壽提解圖

儒林傳耶貨殖傳耶君因併書嘆百不如人一籌還展

十嘗九誤些子都輸業可拋經讀空從律且把蒼生經濟儲他年看看致君事了更累錙銖 滿盤算了還虛

怕仰屋他年更苦劬只田從玉局須求陽羨家從杜牧更創吾慮我謂先生歸謀之婦料理牀頭阿堵鋪先生

笑有五銖七幣盍往觀乎

摘得新

難得來休教到便回屋頭雙喜鵲久徘徊紅窗故啄隨青梅勸銜杯

玉珥墜金環

畫永窻虛嫩寒先把花朝做幾番凝恨上重樓樓又教人鎖長自兩籬風簾把春陰當成功謀況思往事判盡浮名換他真個 寂寞深園小桃也肯留人坐細拈春夢寫春愁夢又將人躲知道枕衾孤臥算風光幾曾到我年華誤盡到了今番更教難安

東風第一枝 桃花

團泪成花搓煙做骨商量不遣春瘦幾番醉了重蘇依然十三時候前塵誤汝應一例向風回首笑無端占了珠簾肯放玉人垂手 只花也憐人非舊問此度探春何後簾錢堂上重來不似那時清畫芳心易逗算薄命承供人咒待拈他花片緘來付汝一春消受

八聲甘州

又西風吹雨上空樓點點雜更聲正涼隨雁至背同燭承夢與年更十二鏡雲何處江館聽吹笙多分樓前約不記啼鶯 一半塵封玉鎖看碧紗籠處墨兩縱橫只蠻箋消息何事苦難免想蕭郎傷春恁遠料夢魂逗不上銀屏須知我青衫泪濕不為浮名

南鄉子 自雲溪放舟至青山莊

藥王廟晏公祠北關剛值午晴時三折水程欣已到都  
贊好門外水田門內沼

花塢曲門廊周半塘煙雨幾時收百步小橋隨鶴過思  
久坐翡翠北軒晴日墮

長亭怨慢

蟹

猛霜風漸肥郭索是處橙香薦他黃玉記得年時酒徒  
醉月小樓曲深盃浮綠陡地向天公祝臣願把浮名都  
付與蟹螯添足 稻熟漸燈明深港縻破一溪寒綠鱸  
魚便美怎占得九秋名目第一是左手須閒怕明日故  
人相速只紫蛤紅螺風味幾堪作僕

金縷曲 寒夜重光齋頭看秋海棠因言前曾于花下掘  
得古蠟發之儼內妝宮嬪也余感其事因併賦  
之蠟蓋齊梁  
時宮人云

燭冷人初醒正虛廊角聲吹徹商聲又警籬落寒花開  
自好露點欲斜仍整粧慘淡玉人微病不向春園誇勝  
事件艸根菜甲三秋承其下有波如鏡 千年舊事思  
量猛被西風吹將世換泪珠紅併一半齊梁遺蹟在漠  
漠土花填井待說與古懷誰省落月微黃天乍曙向關  
干逗出銷魂影重認取劫灰冷

玉燭新

窺簾新月小卻數朶花枝照人寒峭新詩寄與雙環巧  
故把幽期漏了文鴛堆枕密意取夜香薰好又是玉  
漏星星門前乳鴉啼曉 紅箋付與殷勤只此恨平分

幾時堪繳歸期及早重到也不是玉簫年少浮浮絮  
試逗點與他知道須記取錦瑟年華暗中易老

鶯啼序

關神武廟後有隙地里人別  
講諸高忠武廟落成謹賦

丞相祠堂看古栢陰陰翠繞重來處一瓣名香空裡晴  
絲自曩黃石兵書吾懶讀青田洞府愁難到只先生志  
業今古幾人同調 覺高回首炎精中燼天意殊難曉  
聞說定軍山下翠羽靈旗山昏月黑鼓聲猶惱陰平  
悞夔門敗踵滿盤都錯何須說更譙周黃店知幾早相  
隣壯繆遺祠未了忠心此時重表 茲地當年紫髯虎  
踞更周郎年少奈江山數著殘棋着手便教輸了把荆  
梁十郡名區輪織屨小兒坐嘯尚躊躇北定中原南清  
江島 當途高也往日紛紛割據鼻曹瞞尤狡匹馬過  
秦中早鷄筍全拋虎鬚重燎巾幗謀臣彈碁胃子一揮  
羽扇愁俱倒只遺恨在五原秋艸十年深計擬將赤帝  
關河重藉手還高廟

法駕導引

補赤城真  
夫人詞

天上樂天上樂博戲更藏鈎怪底燭龍呼不醒兩九日  
月覆金甌螢火照清秋

雲漠漠雲漠漠飛渡赤城梁摘取列星歸北斗側傾銀  
漢入西江天闕費平章

銀漢畔銀漢畔織女起高樓玉作簾衣花作座海雲爲  
佩月爲兜標縵生牽牛

借勝侶借勝侶仙閣坐虛無一賦玉樓猶未竟人閒甲子總模糊長爪比麻姑

點絳脣次黃仲則詞

尺五荒墳小桃一樹傷心艷寄將花片沒個人兒便

芳艸多情引他歸騎尋教遍模糊見月殘如線霧隱傷

春面

如夢令

簾外日遲風簸簾內粉消香澗未慣是橋蒲輸了更拋

金鎖還我還我莫被小鬟猜破

摸魚兒清風亭故址

又斜陽晚林一抹天空飛破歸鳥危亭竟遍蓬蒿徑咫尺謝家山到吟未了算好景如前好句還輸眺初三月

早看一縷吟魂寒鴉爭瘦逗去碧波小當年事此地

放歌孤嘯狂來幾側烏帽詩名天地成何補身後一椽

誰保吟愈峭把長句風前漫博先生笑思君欲老怕騎

鶴還來此間亭上留得醉中艸

青玉案過凌敲臺故址

凌敲臺剩荒基也雨洗石苔侵瓦到日短衣尋客話庚

郎年少衆中爭羨不醉看盤馬孤城陟築寒山罅城

裏猶聞暮潮打休怪客愁容易惹那邊人語者邊雁叫

月照荒荒野

減蘭

閒遊采石早起披衣看曙色不敢窺簷鳥鵲南枝夢正甜酒衫芒屨二十男兒工跳躍一縷吟魂先向風前

逗早春

金縷曲清風亭夢李白

天與人俱老又何爲一千年後此間憑弔一半江山歸

李白一半分還謝眺我到也祗餘衰艸畢竟微軀容易

盡覓些須身後名纔好勤打疊零星藁青衫百計供

人笑只悠悠非公知我恨和誰告金粟前身真小劫墮

作五湖年少有夢也不離蓬島猛憶人生何者是只浮

雲偶寄孤飛鳥殘夢破余歸了

前調再次汪劍潭詞

花是明朝放只萋萋滿城芳艸已供凝望多病年時誰

付與綠酒紅愁同量且小立雨中惆悵若許鶯花還再

世拉春人早向春風葬簾蒜搗心旌蕩樓高總伴閒

雲上有當年鏡盟衫誓蓬懷琴况可惜韶光都健在春

到也須微恙莫輪與個儂門巷我比絮泥心更定背天

桃穩坐青綾帳塵夢覺釵鈿響

前調

蠟屐嫌疎放任些時殘紅刺紫幾曾凝望廿載可憐青

鬢改江水未勝愁量春付與別人惆悵我慕蠶魚能再

死趁餘香好伴殘編葬渾未管流鶯蕩聽歌人在青

雲上只年時招邀勝侶尚牽游况杜牧揚州人已換只

有月還無恙，照慘慘幾家門。巷尺五桃潭，三徑艸蕪心。  
香供汝青綾帳，添一綫春潮響。

前調

詞次汪  
劍潭詞

夢遠金鈴響，正無聊紅窻睡足，倚帷幸帳羅襪閒行。花  
霧重，顏怯曉風深巷。潭悟到玉人春恙，薄酒多愁，眼易  
醒。問樓高更有何情況，梯隱約難重上。傷春早怕春  
飄蕩，把泥金書成梵字，伴花同葬。一例有情，應解取花  
也對人惆悵。已開滿十分春量，此度見花，應背面誤人。  
人簾底三年望，屬來歲休輕放。

醉花陰

為孫大和婦  
王采薇詞

日午麴塵何處避，斷粉零紅且自由。天地三十年華愁，  
也未不回頭負春人意。情到九原須更記，骨冷灰飛  
灰冷情還脈。幽夢壓簾魂壓被，醉醒怕沒絲兒氣。  
浪淘沙

路遠小樓低，花朵分飛。依然銜恨上重梯。何止舊人尋  
不見，梁燕都非。愁裏闌窻扉，殘月剛西。畫簾風破鏡  
臺秋，只有曲屏風。六扇猶罩羅衣。

點絳脣

門艸歸來一窻好夢，非無據筆床茶具，且復安排預。  
強自支持，鬼病終難愈。誰來覩藥爐煙畔，只有風飄絮。  
憶王孫

山坳池閣水邊樓，一雨銀塘便覺秋。長日無人掉小舟。

水分流胡蝶閒來立鴨頭

青玉案

算來未到銷魂地，偏是識愁滋味。欲寫紅箋珍重寄，隨  
肩小妹，隨身小婢，多恐難回避。慢垂不放通花氣，又  
早早斜陽把門閉。莫道文窗蹤跡祕，黃鶯紫燕，畫眉百  
舌，箇箇知人意。

浣溪沙

二首

玉腕偏憐金釧寬，鳳釵頻撥獸煙寒。萬重心事壓闌干。  
杜牧已留來世約，蕭郎不作路人看。雖然猶覺恨無

端

前調

背面難禁萬種愁，見時無語只凝眸。初陽一綫下簾鉤。  
百計未能通一語，暫時曾許共扁舟。淚痕和露咽心

頭

傷春怨  
制客

七首飛將過，到處人頭疑墮。日昨詣叢祠，土偶居然離  
坐。旋空中如磨電影，終難挂。鷲地指睛空，一道采虹

中破

金縷曲

僮窺園從子八年矣，體弱善病。今年子秋試，被落忽  
爾辭去，念事傷離，不能無作命沽酒歌。此調以送之。  
衣薄還如紙，寂涼前宵瑁璫，今宵送爾八載追隨，無

別事傷病傷離傷死總誤爾朝飢飲水苦訪蟲魚厚象  
猶但論才爾便成佳士休更作朱門使 無家我共僧  
居寺只蕭蕭寒雲丙舍尚堪南指入夢總從吾父母醒  
處怕逢妻子况薄命人無人齒明日出門誰念我就飄  
蓬斷梗商行止爾去矣派流駛

前詞重九日附  
然亭作

車馬長安道有誰憐中秋雨暗重陽花少尺五開亭三  
徑柳亭徑尚餘秋艸更難得紅塵似掃牛舂料陽新月  
影借團蒲穩夢仙人島算懷抱此時好 玉山莫向墟  
前倒只空囊俸錢難假酒錢輸了門外鍾聲催客去衣  
上薄寒清峭料理是備精代飽無數樓臺凝醉眼訝籬  
頭果大星辰小歸尚有未棲鳥

前詞應得前詞注不  
忍去復求此詞

暗裏驚聞泣一聲聲無端惹我青衫又濕多病經旬誰  
得似欲共候蟲秋蟄爾似燕舊巢遷入典盡衣裘頻擁  
絮更同扶瘦影當風立渾不怕霜華襲 八年待我肩  
差及笑囊空新詩屢付備錢未給費爾一杯村落酒爲  
我解除狂習說月好今宵初十樓上三更雲氣淨看星  
辰如豆天如笠吟正遠催歸急

青玉案十一日同人  
飲長安酒樓

臨街樓上冷冷語醪味薄催添糯一院酒人揮不去持  
螯手冷潑醅顏熱繞著達吟句 臨街樓外疎疎樹已

覺秋聲落無數一院酒人招不住來時天慘去時月暗  
繞著城徒步

憶秦娥寄李仇

鍾已動一聲破我長安夢長安夢世情未了鬢絲先種  
書乍捧故人遲我華陽洞華陽洞丹沙填壙碧山成

家

浣溪紗

薄暝微醺枕酒羸病心一縷逐風搖步無來歷入鴉巢  
初八夜星還照曉十三涼月卻終宵瘦魂尤避出林

鳴

買坡塘透綉公子笠  
莊至江浦

趁霜風沿林飛徧巢荒去住無據雁聲卻有東歸信切  
莫更留征羽淒燕語道千里同來千里應同去霜鴻未  
許算我願隨陽柳尤避熱各自歎羈旅 天涯路來日  
風風雨雨別離顛起愁緒江南兄弟誰能健羨爾雁行  
有序須記取只繁塞重逢可識前時侶天空欲舉穩待  
爾重來春風三月共看滿林絮

漁家傲

宜武坊前清酒美多錢約客誰來會日午闌窻人似海  
孤劍在萬金難買心無愧 畢竟浮名猶可待少年莫  
學呈身銳鼎鼎百年君誤再棺已蓋幾時贖取從頭悔  
一蓼紅羨孝廉克一寓居晉陽處側因  
屬余頗其青日開樽并係以詞

傍禪關構開亭似舫四面敗疎櫺十五良宵一雙人影  
三千里外鐘聲有多少春人心事秋意黃葉已先零  
借了蒲團繡殘笈頁悟徹鐘聲 我亦能來聽此只青  
衫似夢百倍淒清苦竹疎蘆幽花淡柳此身如在江城  
况惹起寒蟲鳴砌又丁丁連漏滴殘更待得蕭蕭響寂  
人語還生

摸魚子 龔克一選遊夕照庵  
卽展其令弟棠樹廡

正無衣墟頭索醉油車忽引君到愁中天氣還如霧咫尺  
遠山舒眺煙柳道算怕是逢人只是逢僧好無多落  
照但挂近禪房和將夕磬便有暮雅叫 荆高市酒人  
一樣潦倒塵沙埋盡年少江干舊侶今誰在 癸巳秋子  
與劍潭紫  
爾同客姑孰可惜龔生竟天渾未料看冠蓋如雲更有  
至宣城始別  
開人弔高原古廟但肯費茶瓜時時款客我輩不須召  
荷葉杯 自夕照庵步  
至萬柳塘

三里望中依約樓角亭館太荒蕪萬株楊柳一行無風  
急戰蒞蘆 林際黑歸一片雅點隔寺暮鐘聞寂寥城  
上去閉雲雲薄帶斜暉

小重山

舊日紅闌已作薪玉蘭花滿樹曉春裙經過燕子亦嫌  
貧呢喃語故故入西鄰 寂寞掩重門小樓三面暗易  
斜暉屏風吹淨十年塵中還有兩小舊啼痕  
謁金門 送龔曉升南歸卽題  
其長松片石行碑

歸亦得卷裏天青雲白不誤今宵歸計決誤前時爲客  
屋三閒醒夢適何止長松片石七十二峯晴歷歷在  
先生窻隙

梧桐影 將至仙遊  
潭迷路

馬獨來南山麓匡上石樓幾一閒推門且抱神龕宿  
玉女泉清無極雲外木魚聲不停三更月向東峯直

臨江仙 溪山秋  
曉卷子

十里空濛雲外水水雲光隱回汀寂無人處小舟行到  
來谿館冷秋燕語分明 渾異踏青前度至滿坡花氣  
將迎刺他幾樹綠無情四更山曙早紅葉點疎星  
蘇幕遮 寒禽枯  
木卷子

綠初離紅乍失白釀層雲黃濤初升日空裏數聲禽語  
切似說宵寒約畧明朝雪 凍絲黏冰綫結莫折高枝  
恐有東風出轉向竹梢深處吹玲瓏石愛蓬山骨  
臨江仙 蘇州

紅鶴谿山烏鵲館金闕從古繁華三分樓閣二分花一  
分留隙地隨分種桑麻 海物新奇爭入市晨餐都厭  
魚蝦等閒吳語六時譚笙歌叢作隊脂粉瀉成洼

玉樓春

圍空瞻小愁無侶錦幕時時風欲舉生憎梁燕不歸來  
街得徑泥何處去 三更又是瀟瀟雨剩得燈光青幾  
聚小樓西畔皆無人一片落花浮鬼語

點絳脣

傳粉攤書硯旁小匣先安鏡梅花同命瘦到年時影

小別生疎問語都愁應更初定爲憐春病偷向床頭省

好事近

抱處恍如無奈小語心尤怯夢裏有誰知曉紅上雙雙

頰 三更碧月淡紗惟涼把重衾壓欲訴二年情事和

淚開吟篋

金縷曲 元夕柳子廟道中作

綠鬢還如舊又依然長隄風細碧空雲皺神神柴門元

夜到催送斷腸時候幸濁酒杯還設愁欲成癡眠轉

醒怕相思一夕人天瘦欹枕處淚痕透 樓高往日長

垂袖摘疎枝殷勤記取柳邊花右分半紅窻堆卷軸多

付個濃消受渾可惜此生難又欲倩雪衣爲懺悔更煩

他百舌聲聲咒春夢破月如畫

霜天曉角 讀天寶遺事

開元政倦無逸圖先換頒到秋來羽扇無多日賢臣竄

威晚更相煽羯奴先兆亂河北河南皆叛何須責哥

舒翰

河湟使典宰相居然忝天子更思康晉還應惜無人薦

傳箭出郊甸馬嵬軍又變啟雲堂開月偃休專怨長

生殿

臨江仙 八月十一夜雲器曉步有感

猶記石橋橋畔路死生離別匆匆綠波搖月去如風睡

痕都作血岸柳不曾紅 留得一行臨別語幾生重得

相逢夜臺沒箇寄書鴻廿年如夢過來聽渡頭鐘

減字臨江仙 十二夜步月葛仙橋

十日秋陰情緒減乍眼卻喜新晴紅墻千尺月華生水

明鏡暗依約卷簾聲 谿口寂寥尋渡少酒徒多分飄

零柳絲笑客眼猶青好天涼夜祇剩一人行

烏夜啼 十三夜

水邊門掩重重海棠紅不信者般顏色墮西風 相扶

醉相偎睡意惺忪正好一燈私語伴秋蟲

中年一種情牽病懨懨欲借舊家樓閣訂當年 黃庭

卷丹爐畔學飛仙留得一絲兒恨未生天

小冲山 十四夜無月三更後微雨

一種閒情那得知乍眠還又起出門遲秋燈替月已多

時三橋走衣袂雨絲絲 空外影參差西風吹不斷柳

絲兒呢他燕子說相思還生怕燕子笑人癡

滿江紅 十五夜坐雨

百事輸人祇贏得幾番沉醉又苦是宵燈替月秋霖成

歲說餅齋拋荒徑外采菱舟冷青溪內倚闌干聽雨到

更殘何曾睡 風轉處枝背檐漏處聲聲碎只無端

堆起舊愁無奈白玉盤埋雲慘淡黃金花買秋憔悴聲

蠻棧題恨寄花前花垂淚

人月圓十六日初

昨宵細雨沿門慘深巷掩重扉繞砌寒蟲滿廊歸燕秋

思依依 今宵暢好橋邊樓上人月雙輝曉漏將殘夜

烏啼徹直自忘歸

醉太平

十七夜庭柱甚開鄰人復有貽秋葉野菊者獨飲偶賦

萼芳菊芳蜂忙蝶忙小庭節近重陽是秋花總黃

疎枝貼窻濃陰滿廊人閒月午清涼比天邊更香

金縷曲

送唐大令燕關之嶽縣任

衣上春雲起記征程錢唐到日好花開矣兄領三州君

作縣穩稱陸家難弟只手版也須隨例昨夢越江東去

好是紅塵不到天光脈官事少看山未

京華往日曾聯騎憶匆匆斜陽古道柳絲同繫

幅東風吹上了兩兩金門高第偏刺得杜陵書記捉鼻

功名知不免笑他時我亦神仙吏輸一著早曾計

買坡塘

送莊舍人植三南歸並寄蔣太守星仲越舍人德生莊進士森深

又惜騰幾番煙月東風吹過年少寂寥三徑尋遊侶只

有阿蒙還小忘不了是當日曾經柳果蘭陵道一官亦

好看衣桁簪花佩囊素筆揮稱此風貌 夷門路金尊

昨日頻倒天涯尚未生艸同來恁不同將去撓亂數句

懷抱歸正巧算剪韭烹葵煮筍都堪飽寄聲短趙更瘦

蔣風流癯莊組藉相憶令人老

虞美人

二十夜揚孝廉敬之招集鷲光館看桂

艸元亭在雲溪北暇日能邀客寂寥深院倒金尊添得  
幾絲疎雨易黃昏 廿年前記題詩處花壓闌干住故  
人多半起雲霄只我閒居尚赴小山招

南歌子 古州道中

似柳應同韵疑花未解羞慣拋白足上危樓喜折連枝

果葉插入頭 生熟居然異形聲迥不伴怪來行立總

如猴拗得脆蛇寸寸啖同遊 生苗有能啖蛇者

人月圓 黎平試院作

蠻中三月春光好新雨又新晴纔離豚水仍盤獅嶺又

抵黎平 昨宵上巳今辰寒食來日清明釀碧成蒼催

紅做綠有甚心情

浣溪紗 揚太守席上晉牡丹作

雲作簾衣絮作塵向前還有幾多春艷陽天氣說生辰

圓比十三將望月嬌如二八上鬟人晚蘭香味玉精

神 又杏花

一晌花枝欲上樓東風先為揭簾鉤和煙和露搭床頭

百五時光容易過十三年紀不知愁初陽難落情凝

眸

菩薩蠻 洪縣道中贈譚上舍子受

青泉落處紅雲碎馬啼亂踏林聲脆十里繞洪泉愁無

青竹竿 遲行雖數里已覺唵聲起知我欲回車來朝



度曲徐

桂殿秋

飯已熟忽呼茶滿盤堆得兩前芽  
羹杯到手復揮去獨自開簾看杏華

三字令

天上月枕邊來似追陪香一盒  
貯玫瑰襯珠蘭和玉蕊  
鬢旁堆羅幕外燕疑猜  
蝶徘徊鐘已歇漏仍催  
婢膝擁窗隙報渚蓮開

呂子曰樂之有情譬若肌膚形體之性情也情失則蕩音必鉅失則隘音必小失則危音必清失則煩音必濁太鉅太小太清太濁則必若震靈若聚蚊若哀弦若噪桐夫古之爲樂也有節有侈有正有淫陽散則定以陰陰閉則宜以陽陰陽滯則爲淫爲侈陰陽調則爲節爲正其所以爲淫爲侈者情之失也其所以爲節爲正者情之得也夫上古之樂情至而樂興中古之樂樂成而情生是故笙簧琴瑟樂之器也詞章譜曲樂之文也而皆非其情也執笙簧琴瑟之所調詞章譜曲之所著而強襲焉脗合焉以爲是樂也是情也人人皆樂樂幾何不亡耶夫漢魏晉唐之樂府樂之糟粕也當其時之爲之則皆有情焉然其文止以述時事非以敘古人也敘古難於述時則以古人之情未必今人之情以情述情無過情無不及情則古今又未必不相及也何也夫人之形骸肥者瘠者高者矮

者髯者疾者肌膚之白者墨者赭者而皆不得以  
己與也然其爲情也則必隨乎其肥瘠高矮髯疾  
白墨赭者各自肖而各不相肖故其爲樂也可觀  
可興可羣可怨其爲詞也可曲可直可豐可廉皆  
適如乎其情而止夫適如其情而止雖古之樂府  
可也况今之樂府乎夫今之詞章譜曲無所施於  
笙簧琴瑟之用而以爲樂府則樂之各有而樂之  
實亾矣然而吾不以名存實亾而樂府之者何也  
夫必漢魏之人之樂府有是題有是篇而今之人  
之樂府亦因以有是題有是篇是無情也是無樂  
也若古無是樂而今樂之則不必笙簧琴瑟而詞  
章譜曲固可以如其情而出之譬如履孟衣冠以  
爲樂也吾不謂然陶氏之琴無弦乃真琴聲也夫  
今之樂府鉄崖始之茶陵繼之梅菴又繼之稚存  
洪子曰吾之爲樂府也祖此矣昨歲喜晤洪子且  
喜讀洪子之樂府將以吾之所以論樂府者質之

而未有以間也今洪子梓其樂府乞余之序之余  
固何以序之錄其將以告洪子者以寄洪子以爲  
然否耶夫清廟之瑟朱弦而疏越一唱而三嘆者  
有進乎音者矣洪子年少力學而性情自得將不  
徒乎樂之有節無侈有正無滯已也異日者且與  
洪子相遇於無言也皆

乾隆歲次辛卯夏月松崖學弟管幹珍拜跋

余童時從黃石緘先生遊先生素邃史學平居爲說典午南北之際事極詳余聽之靡靡忘倦每日夕自塾中歸粗憶其節畧爲諸姊弟言之太夫人頽而色喜忽忽十數載余童而冠而先生則已休神家術矣頃歲以來粗知讀史又以不獲從先生遊得悉其緒論爲恨今秋文戰報罷因取兩晉南北史事雜書之爲擬古樂府百二十首非敢計工拙亦以誌童時結習未盡而所聞于先生者雖忘失殆牛輒根觸于燈昏雨黑時也抑余聞先生言西涯西堂皆以樂府名家然西涯上下千百年而篇什較少西堂則珊瑚木難與牛溲馬勃竝列有陸平原才多之嘆則先生雖伏膺二公之樂府而尙不能無遺議也因先生言益增今日之愧

乾隆三十五年長至後二日稚存洪禮吉自序

擬兩晉南北史樂府目錄卷上

陽湖洪禮吉稚存誤

屠 紳笏巖

同里 管幹珍松崖

錢維喬竹初 閱

趙懷玉味辛

馬同槽 廣武喫

蘇門嘯 社稷勲

作佳傳 別駕謫

峴山碑 飛渡江

銅駝嘆 清談誤

雉短短 金谷識

中台坼 華亭鶴

除二害 思子臺

寧馨兒 侍中血

龍虎爭 十三月

赤白氣 特尙可

壯士歌 留降款

中興瑞 夜半舞

王與馬 新亭淚

呼伯仁 拜士行

踐海冰 義旗指

獻行璽 一目主

謙英物 日書空

海西公 鬼董狐

東山卧 牛心炙

阿房城 長星見

負春來 行路難

丁零王 新平寺

五經表 借鬼兵

續佛經 槐樹賦

虎臺謀 沐謙刺

善星出 義義號

桃源記

擬兩晉南北史樂府目錄卷上終

擬兩晉南北史樂府卷上

陽湖洪禮吉雅存誤

馬同槽

聲嘈嘈馬騰槽火炎炎龍上天去年乘黃鉞今年

加九錫龍旂十二旒天子在頃刻桃花源武陵船

問魏與晉何茫然

魏武帝夢三馬同食一槽甚惡之謂太子丕曰  
司馬懿非人臣也 泰始元年晉王炎稱皇帝  
廢魏主為

陳留王

廣武嘆

一日哭留狂名百日醉留酒名酒名狂名俱不免

先生能作青白眼驅車何茫茫廣武何荒荒當時

楚與漢莽莽百戰場百戰場斜日下豎子成名尙

堪詫擾擾何況牛與馬

阮籍登廣武觀楚漢戰處嘆曰時無英雄使  
子成名 籍能為青白眼見禮俗之士以白眼

對

蘇門嘯

阮生在耶稽生傲耶先生何人冷冷嘯耶咸熙魏

耶咸寧晉耶先生何人冥冥隱耶

孫登隱蘇門山善嘯阮籍見之歸著大人先生  
論 稽康從登遊三年問其所圖終不荅將別

謂曰子才多識寡難  
平免於今之世矣

社稷勲

炎精中燼赤帝死祖龍西來作天子大開明堂錫

弓矢謀臣誰裴與王股肱誰荀與羊金符玉冊何

瓊瓊策勲第一推平陽當時會殺高貴鄉

武帝將廢賈后楊太后爭之曰賈公闔有大勲  
於社稷公闔賈充字 充使成濟殺高貴鄉公

作佳傳

一丸藥勞侍婢千斛米作傳紀彼哉譙周及門弟

三分竊據孫與曹正統那付當途高君不見一士

已沒賴牛士定論早出習鑿齒

陳壽遭父喪使婢丸藥謂丁儀子曰覓千斛米  
為尊公作佳傳 習鑿齒作漢晉春秋以蜀為

正統因有瘞疾  
符堅稱為牛士

別駕謠

海沂之康寔賴王祥邦國不空別駕之功嗚呼別

駕今三公惜哉不作徐州終

王祥為徐州別駕郡中謠云云  
魏亡入晉官太保年八十五始卒

峴山碑

杜公碑碑書功高岸為谷谷作陵叶羊公碑碑墮

泪茫茫淚枯碑不碎碑不碎由民心君不見古來

賢達皆爭名羊公碑後碑俱泯此碑非金亦非石

碑之崇崇以德

羊祜墮泪碑在襄陽峴山 杜預好為後世名  
刻石為二碑紀其勲績一沉萬山之下一立峴

山之上

飛渡江

前揚帆後執柁南人倉皇北人坐橈居前楫居左

岸軍愁呼水軍卧城門開降帆來七萬騎全軍回

當時若聽王渾指北兵安得飛至此

王濬率舟師直抵建業吳人曰北來諸軍乃飛  
渡江也 詔濬至秣陵受王渾節度渾遣信令  
濬暫過計事濬舉帆直

指報曰風利不得泊也

銅駝嘆

立人當立德擇子先擇嫡官門老臣三嘆息銅駝

會見在荆棘老奴亦言座可惜為官乎為私乎此

座何不歸桃符

索靖知天下將亂指洛陽宮銅駝嘆曰會見汝  
在荆棘中 齊獻王攸小字桃符文帝嘗指御

座曰此桃  
符坐也

清談誤

王與謝揮麈尾樂與衛饒名理清談齷齪從天來

洛中已建單于臺

王弼謝琨善清談樂廣衛玠善名理 桓溫自  
江陵北伐登平乘樓望中原嘆曰遂使神州陸

沉百年邱墟王夷甫  
諸人不得不任其責

雉短短

雉短短飛來入官院欲竊主權欺主鬪昨日殺龍

母今日殺龍子可憐銅駝官化作荆與枳

惠帝后賈充女也武帝嘗曰賈公女有五不可  
種妬而少子醜而短黑 后廢楊太后於金墉

城絕膳八日而卒 使  
太醫令程據毒太子

金谷識

紅蕤花開置行幕一盃兩盃緩行樂美人頭向盤  
中落珠歌翠舞斲斜陽珊瑚七尺施作牀人聞夢  
醒春恹恹花枝如烟墮高閣散盡黃金恣揮霍白

首同歸訊潘岳

潘岳金谷園詩投分寄石友白首同所歸  
後岳與石崇同死趙王倫之難遂成識

中台坼

去年誅韓信今年醢彭越駿琬既首禍瓏亮亦繼  
汲南風當國勢絕倫手持天下歸先生中台星  
坼日復餽先生不言務簡默金墉城太后薨許昌  
宮太子凶誰與殺者張司空

中台星坼張華少子趨勸華遜位華不聽華  
將死謂張林曰卿欲害忠臣耶林稱詔詰之曰  
卿為宰相太子之廢不能死節何也華曰式乾  
之議諫事俱在曰諫而不聽何不去位華不能  
答

華亭鶴

華亭鶴雲間哭聲何悲悲二陸白裕喜談兵貉奴

寧作督机山深三泖陰蓴鱸千里方揚舲此時笑

殺張季鷹

陸機將死嘆曰華亭鶴唳可得聞乎 張翰  
聞秋風起思菰菜蓴羹鱸魚膾即日挂冠歸

除三害

禾今芘芘稷兮翼翼父老不樂仰天太息一長跪

告父老父老究何苦父老不苦長橋之蛟與南山

之猛虎二父老慎勿悲山有虎兮虎可摧水有蛟

今蛟可揮兒不讀書兒身何為三兒讀書讀書不

忘始少慕奮身十年俠士長慕事親十年孝子四

兒讀書讀書不近名兒為良臣今天王聖明兒為

忠臣今讒人孽成五

周處為御史中丞梁王彤違法處深文按之及  
齊萬年反彤都督關中諸軍事賊有衆七萬彤  
逼處以五千兵擊之絃  
盡矢絕遂力戰而沒

思子臺

南風狂惠風閉千歲髑髏齒牙利承華門詔誰作

黃門侍郎有潘岳許昌宮逆誰預黃門將軍有孫

慮思子臺愁雲結許昌一聲飛蓋裂金墉城中貯

金屑

惠帝為愍懷太子立思子臺 太子妃名惠風  
太子喪發許昌大風雷電幃蓋飛裂 賈后  
廢金墉城飲  
金屑酒死

寧馨兒

寧馨兒乃具媚人骨少無宦情皇皇詣關長無宦  
情營營三窟一代龍門竟誰識可憐車前拜石勒

阿堵積室中持籌亦錢癖新婦可作阿戎匹

王衍勸石勒稱帝 衍妻郭氏好聚斂嘗令婢  
以錢繞牀使衍不得行衍晨起見之謂婢曰舉  
河堵  
物却

侍中血

長安門開鼓聲死賊騎如雲走天子西來從輦無  
一人萬乘蒼茫草間止行間殺氣何紛紛侍中獨

拜車前塵馬前飛矢着龍節侍中獨濺衣上血侍

中血中散琴琴聲欲絕日欲沉有子乃不傳廣陵

稽紹蕩陰死節血濺帝衣後左右欲浣衣帝曰  
稽侍中血勿浣也 稽康將刑顧視石影索琴

題之日廣陵  
散于今絕矣

龍虎爭

虎皇皇北來牽兩狼南飛值龍龍角張洛中碩鼠

尺二長 解一莫打虎打虎先傷龍龍鱗十五五 解二

莫打鼠打鼠已驚犬犬聲欲聞數武 解三雄鷄默雌

鷄啼大馬死小馬饑 解四

元康中童謠虎從北來鼻頭汗龍從南來登城  
看指齊王罔成都王穎 永嘉初童謠洛中碩

鼠尺二長若不早去大狗至鼠指東海王越狗  
指荀躒 大寧初童謠老馬死小馬饑指明帝

崩成帝  
幼而言

十一月

十一月狼生羆十五月羆生徐羆生已難禦徐生

奈何許蛟龍何况得雲雨絳灌無文隨陸無武以

之讀書橫覽今古父作蒙珠離子作遮須夷神州

擾擾不可止洛中又出新天子

劉淵十一月而生淵子聰十五月而生聰子嘗  
死復蘇見淵為蒙珠離國主且日遮須夷國無

主待汝  
父為之



赤白氣

旗獵獵天門開雲中天子騎龍來赤光耀以西白  
氣耀以東非烟非霧香不知其濛濛熒熒煌煌遂  
開明堂礪礪落落雄藝卓犖石武鄉一生低首惟  
高皇幕中乃有張子房

石勒生時赤光滿室白氣自天屬於中庭 勳  
嘗謂人曰若逢高皇當北面事之遇光武當並  
驅中原 勳以張實為  
謀主實自比張子房

特尙可

鍾離崩陷石穴一如丹一如漆入穴多于蟲出穴  
莫敢雄拔劍刺屋居其中鹽神冉冉兮紛相從神  
之一飛兮九日盡落浹旬茫茫兮不見城郭天空  
空野夢遺以青縷射以雕弓鹽神去王廩地特  
與雄廩君喬欲寄食寧作賊官貪如狼政如火李  
特尙可尙殺我

李特為廩君苗裔先鍾離山崩陷赤黑二穴出  
黑穴者四姓出赤穴者即特先五姓爭為神相  
約以劍刺穴屋惟廩君劍獨着遂為神有鹽神  
從之其飛開天廩君射殺之天乃開朗 特據

廣漢百姓謠曰李  
特尙可羅尙殺我

壯士歌

七尺刀八尺鞍壯士歌悲陳安啾啾啣天陰雨  
黑伏兵邀我西飛騎追我北班騅無聲草間匿嗟  
嗟見入不見出西流水東流河壯士歌奈尔何

陳安與趙將平先戰會日暮雨甚匿於山  
中為呼延青所殺隴上人思之作壯士歌

留降狄

一千義軍守陴哭城中天子亦食粥誰歎守者索  
都督長安城闕生蒿萊長安城門不肯開車騎來

萬戶來

劉曜逼長安城中飢甚愍帝食麴屑粥索琳留  
降款不發使子說曜曰若許琳以車騎萬戶者  
請以城降

中興瑞

綿綿延延華光燭天正氣萃此者五百二十六年  
時已過運乃昌朱旗卓地一丈長金符落天走進  
康化龍一馬興真王龍為王馬遂亾

始秦時望氣者云五百年後金陵有天子氣至  
晉元帝中興果五百二十六年初立石闔有  
牛繼馬後故宣帝深忌牛氏及恭王妃夏后氏  
竟通小吏牛氏生元帝太安時童謠五馬浮  
渡江一馬  
化爲龍

夜半舞

鷄三聲客三喚起視東壁有疎燈啓明光已亂英

雄乘時空浩嘆元明之間久無巨

祖述與劉琨俱爲司州主簿共被  
同寢中夜聞荒鷄鳴琨起舞

王與馬

王與馬共天下將軍前丞相亞將軍無謀丞相詐

丞相謂將軍三州勢堪藉事成爲王失爲霸嗚呼

將軍遽叱咤鼓頰頰肆逆氛丞相大義已滅親白

旗懸首頌將軍

王敦王導秉政時人語曰王與馬共天下永

昌元年敦率衆內向以詠劉隗刁協爲名  
敦

新亭淚

慎勿學楚囚對慎勿酒新亭淚天茫茫天方醉人

茫茫人方睡

過江人士每至暇日相要出新亭飲宴周顛中  
坐嘆曰風景不殊舉目有山河之異皆相視流  
涕王導愀然變色曰當共戮力王  
室尅復神州何至作楚囚相對

呼伯仁

渡江來不安坐茂倫一言伯仁賀向見夷吾在江

左夷吾有急呼伯仁伯仁百口還理君爲君瀝肝

膽爲君全令名叶伯仁言感天子夷吾不言伯仁

死三司耶令僕耶知人不易古所嗟夷吾亦殺鮑

叔牙

王敦反王導每旦率子弟詣朝待罪見周顛入  
導呼曰伯仁以百口累卿顛不應及入爲導申  
救甚至出又上書明導忠誠導不知其恨  
之及王敦問顛于導三問不對敦遂殺之

拜士行

朝亦運百變暮亦運百變欲清中原還致力古人

陰惜寸今人時擲尺欲清中原先惜日叶陶士行

眞名臣神機魏武忠孔明叶陸遜陸抗非其倫前

年擊杜叟今年殺蘇峻君不見元規枉自受顧命

賊來亦拜陶士行

蘇峻反庾亮詰陶侃拜謝侃止之曰庾元規亦拜陶士行耶尚書梅陶與曹識書曰陶公机神明鑒似魏武忠順勤勞似孔明陸抗語人不能及也

踐海水

北風吹海海欲立海底潛蛟抱冰泣馬蹄踏海聲隆隆三日不拆玻璃宮玻璃平鋪三百里鐵騎恣恣踐之起君不見一聲筆築海水開海底已執乖

龍回

燕慕容皝討慕容仁天寒海凍從昌黎東踐海水而進凡三百餘里仁部下叛執仁以降

義旗指

去年反王敦今年反蘇峻六師束手庾元規八州觀望陶士行君父之難安可逃義旗一指天為高官軍已成白石壘賊騎不越朱雀橋功成倘憶絕裾處夜夜精靈泣牛渚

蘇峻之難溫嶠約陶侃東下後侃以糧盡欲返嶠請曰公若沮東敗事義旗將回指于公矣初嶠欲將命母崔氏固止之嶠絕裾而去

獻行璽

獻行糧獻行璽尚薄袁本初何敢學成李二十八宿纏宮門大業無愧張耳孫龍章九錫未入告白恰八棺還自悼還自悼百六乾坤總羣盜執手傳

家自忠孝

前涼張軌漢張耳十七世孫據涼時有石白點成二十八宿子茂以未受王命白恰八棺勉嗣子以忠孝

一目主

長安天子眇一目長安城中月鼎足妖星茫茫射黃屋死我者堅活我雄東海大魚化為龍男皆為王女為公

苻生眇一目童時祖祖戲之曰吾聞瞎兒一泪信乎生引佩刀刺出血曰此亦一泪也性殘忍祖祖欲殺之雄勸乃止生立

識英物

兒勿啼兒啼驚一切兒啼何奇知兒是英物兒勿來兒來光一室兒來何殊知兒有奇骨星茫茫墮

兒頰中七山巖巖橫兒頂中一君不見温太真擅

奇術燃犀照餘幽魅出何不攜來照英物

桓温生未暮温瞻見之曰此兒有奇骨可試使啼及聞其聲曰真英物也 温面有七星

### 日書空

夷甫矜空談神州已陸沉深源復中起蒼生更誰

倚嗟嗟一百年處士相後先書空計已左周旋猶

作我東山捉鼻四十春蒼生所望真斯人

殷浩被廢在信安終日恒書空作字揚州吏民尋義逐之竊視唯作咄咄怪事四字而已

### 海西公

局縮肉馬作犢海西公犢化龍犢化龍是龍子朝

向離宮生暮向吳宮死吳宮死悲何如君不見永

嘉袖手永昌呼八廟曾言帝室儲何因龍種欺黃

犢會見鷄雌擾鳳雛

海西公不男使左右向龍與內侍接生子以為世子民間謠云本言是馬駒今定成龍子局

縮肉元帝時謠 孝武時謠云黃雌鷄莫作雄父啼

### 鬼董狐

鬼董狐事何畧天地茫茫總初覺元凱誰辨而擾

元海誰鱗而躍敦與温重筆削君不見枋頭既敗

史筆誣定論只有鬼董狐

于寶作搜神記劉惔曰卿可為鬼之董狐 杜預在荊州因宴醉卧外人聞嘔吐聲竊窺於戶

見一大蛇垂頭而吐 劉惔母祈子于龍門見一大魚頂有二角伏于祭所夜夢旦所見魚變

為人遂生淵 孫盛作晉陽秋直書枋頭之敗温見之大怒孫諸子懼遂竊改之

### 東山臥

大謝執如意小謝揮塵尾中謝無所為冷泠善名

理一門羣從真無慙閨中飛絮還撒鹽君不見四

十東山臥初足與人同憂亦同樂別墅風流賭棋

局

謝安兄奕為桓温司馬喜執玉如意弟萬常着鶴氅裘白綸巾 安悅兄子元戲賭紫香囊得

即焚之

### 牛心炙

欲知名啖牛心欲書名聚鷲羣 昔不減阮主簿

今可伍王懷祖攜諸子抱弱孫婚嫁畢學尚平學

尚平事亦足中年以後傷哀樂叶得閒且自陶絲

竹

王羲之十三時詣周顛時重牛心炙坐客未啖顛先割啖之由是知名 阮裕有重名爲王敦主簿敦嘗謂羲之曰汝不減阮主簿 王述字懷祖與羲之齊名

阿房城

鳳凰鳳凰止阿房一雌一雄雙翔翔不見雀來入

燕室但見浮雲閉白日鳳西飛雀東飛腸斷朱宮

復紫隄錦袍一領軍前却鳳皇鳳皇不如雀

符堅時諺云一雌復一雄雙飛入紫宮又諺云鳳皇鳳皇止阿房時慕容冲與姊清和公主俱有寵 慕容垂妻亦得幸於堅與同輩宦者趙整歌曰不見雀來入燕室但見浮雲閉白日 慕容冲逼長安堅使送錦袍一領冲却之

長星見

熒惑入南斗天子下殿走熒惑來天垣天子坐未

安坐未安亦何有長星勸汝一盃酒臣願天子聖

列辟賢追古七十二帝恩綿延臣更左執矢右執

鞭妖星射落淵底眠陛下聖壽千萬年

長星見孝武帝甚惡之于華林園舉酒祝曰長星勸汝一盃酒自古何有萬年天子耶

負春來

負春來洛陽驚望塵來司隸逐卿無忘螭蟠朕無忘龍伏嗟嗟景畧奪何速不事西夷事南服八公山悲苻融五將山毒吳忠景畧有君死莫手景畧有兒繫亂首丕登先亡鎮惡後鎮惡死報苻氏

王猛少時嘗畚於市 苻堅七歲戲官道左徐統戲曰不畏司隸縛耶 堅至五將山姚萇遣將軍吳忠圍之求傳國璽不得遂益堅 孫鎮惡奔晉隨劉裕滅後秦爲沈田子所殺

行路難

行路難歌以哭四座茫茫憐無樂叶松栢何啾啾屋下尸自愁挽歌何慨慷道上殯自往袁山松愁何工君家兄弟才偏雄呼盧十萬擲布帽卿輩可

識袁彥道

袁山松喜歌行路難詞又喜道上作觀歌時謂張湛崖下陳尸山松道上行瑣 袁眺字彥道桓溫嘗博進負數萬求濟于眺許之就局十萬一擲直上百萬探布帽擲地曰竟識袁彥道不

丁零王

丁零中一隅地幾人稱王幾人帝

翟斌據丁零慕容垂以爲河南王  
翟釗改元定鼎後敗爲慕容永所殺

新平寺

長星出天十丈長東掃宛洛趨雍涼明光殿前老  
父走甲申乙酉悲魚羊魚羊食人人更少長安十  
陵長秋草威鳳重飛人禁中蛟龍更出屯官道東  
帝鮮甲西帝秦英雄歸骨向新平莫登自構君臣  
禍垂永遣操門戶兵

後秦姚萇繼堅于新平佛寺堅時有人于明光  
殿大呼曰甲申乙酉魚羊食人慕容永爲西  
燕後燕主垂復滅之符登載堅  
木主與萇戰每事必啓主後行

五經表

宗生去大事已趙生來大事濟彼棄龍頭附蛇尾  
才何奇九州小書何奇五經表不處城廬處洲島  
沮渠據北乞伏西自郇以下還無讓

禿髮烏孤據廣武秦王興使韋宗規之歸曰吾  
乃知九州之外五經之表復自有人也宗生

名敝趙生名振烏孤曰吾得趙生大  
事濟矣沮渠據張掖乞伏據金城

借鬼兵

城門西鬼兵十萬啾啾啼城門東陰旗獵獵愁燐  
紅賊騎欲向南鬼伯趨趨趨賊騎欲向北啾啾啼  
鬼伯城門開待鬼來椒漿爲汝奠靈甲爲汝裁一  
朝賊退歸海中幕府上簿皆鬼功鬼兵不來兮奈  
何許賊兵皇皇兮矢如雨風折兮豨弧血染兮頭  
顛將軍苦身折天師竟無術彼夫人兮眞丈夫抽  
刀殺賊賊即呼天壤欲似王郎無

孫恩攻會稽內史王凝之素奉天師道官屬請  
出兵凝之曰我已請大道借鬼兵守諸城門各  
數萬不足憂也及敗遂爲恩所殺  
妻謝道蘊聞變肩輿出手殺數人

續佛經

君不見長安天子好禪論浮屠沙門多以萬殿陛  
空陳豐草詩深宮自進伊蒲飯又不見長安天子  
多武功蜀氛西靖燕東封一朝榮惑星失守萬劫  
昆明火更紅可憐德脩期愈促自謂當時邀佛福

邀佛福三千佛經益卧閣萬死難懺姚葛惡

後秦姚興好佛與鳩摩羅什續佛經長安里中沙門入瓠瓜中忽不知所在是歲秦焚感入瓠瓜中忽不知所在是歲秦大旱昆明池竭童謠詭言國人不妄

槐樹賦

槐樹賦述志賦撰作遐方一何富上馬能殺賊下

馬作露布龍吟夜半與真人譜系乃出飛將軍彼

夫人兮亦清節三年不言似亾息

西涼王李嵩騰西人李廣裔著槐樹賦述志賦夫人尹氏有志節以先適馬元正三年不言

虎臺謀

兄爲囚妹爲虜父命事仇無不可叶父已死兄已

誅父命殺仇仇即夫父仇不報豈女子反面事人

有餘恥事已不成寧惜死黃泉有血流浩浩九州

之外五經表

南涼王偁植女爲秦王熾磐后與其兄虎臺謀殺熾磐事泄死

沐謙刺

一尺七首三尺雲首提葦囊飛入秦飛入秦殺龍

子威恩茫茫復中止君有疾吾侍之君有藥吾奉

之泔泔淚下不能止義士今時爲君死匣中夜半

風颺颺恨不飛斬仇人頭

劉裕使沐謙刺司馬楚之楚之待謙甚厚謙未得問乃夜稱疾楚之果自齎湯藥往視情意動篤謙感楚之恩反爲之用

彗星出

明堂坐一龍纒升一龍墮慟哭來徐公徐公得無

過星離離入太微經北斗絡紫微茫茫一百二十

祀醜君以生不如死晉亡亦有死節士

彗星出天津晉恭帝禪位於宋自遷于瑯琊第秘書監徐廣痛哭謝晦曰徐公得無小過裕使張偉醜帝偉曰醜君以生不如死遂自飲而卒

義義號

仇池一隅世忠孝宋家日月飛不到永初年間義

義號當時形弓與盧矢老臣自當臣晉死我死善

事新天子嗚呼國亡不與亡柴桑處士仇池王

仇池王楊盛聞晉亡不改義義年號謂世子恣日吾老矣當終爲晉臣汝善事宋帝及公立始

用元嘉  
年號

桃源記

不聞人聲但聞琴聲不聞絃聲但聞指聲桃源中  
入羲皇上人何論魏人何論晉人

陶潛性不解音畜素琴一張絃徽不具每朋酒  
之會則撫而和之曰但識琴中趣何勞絃上聲

擬兩晉南北史樂府卷上終

擬兩晉南北史樂府目錄卷下

陽湖洪禮吉稚存誤

屠 紳笏巖

同里 管幹珍松崖 閱  
錢維喬竹初

黃景仁仲則

一尺劍 味卿言

金昌亭 東山展

檀江州 春月吹

封狼胥 佛狸識

宜速斷 見要人

竹林堂 導導旨

領軍腹 石頭城

天王家 移吾牀

易犬子 耶君書

解散髻 八騶喚



閱武堂

合肥捷

談風月

山中相

鹿子闕

房公馬

鮮卑奴

水東流

南飛吉

明月謠

孤非狐

金甌缺

臣如龍

寒山石

百年寬

握槊來

劉桃枝

金叵羅

延年杖

無愁曲

百升謠

殺一圍

脚杖痕

景陽樓

高涼洗

阿干歌

附外域

魚鼈橋

鬼鼓喧

雌雄卜

金羊牀

新羅人

雨為歲

孔雀群

燉煌西

日出處

擬兩晉南北朝樂府目錄卷下終

擬兩晉南北朝樂府卷下

陽湖洪禮吉稚存誤

一尺劍

一尺劍馴兩蛇五百載還劉家一炎精斷典午亂

真人與紹皇漢二草肅肅沒輦轂金之刃之悔不

速三

宋武帝本漢後為高祖弟楚元王交裔武帝伐荻新洲大蛇長數丈射之傷明日見數童子青衣擣藥宋時有童謠云欲知其姓草肅肅蓋蕭道成受禪之讖

味卿言

俗誰長慕容暉有霍光猛誰伍秦符堅有仲父裕誰堪司馬宗有曹瞞知人何詳已何畧如君之才

總誰角可憐死慙高著作

崔浩與魏太宗論近世將相之臣太宗悅賜御綵器十餘水精鹽一兩曰朕味卿言如此鹽酒浩後以誤國史族誅高允為著作郎十七年不遷官

金昌亭

東華吳聲猶未已司空中書執戈起同謀亦聞檀

道濟廬陵何人武皇愛子陛下弟金昌亭邊鼓聲

沸磨刀霍霍且及帝五蛇升一龍去龍歸若得瞻

皇馭應問爾來何太據

徐美之與傅亮謝聯受遺詔輔少帝帝居交無禮美之等令檀道濟引兵入廣帝為營陽王復弒之金昌亭并殺廬陵王義真

東山展

東山展展不釋展不釋作山賊西堂夢夢莫論夢

莫論思王孫君才苦多實苦少別夢盈盈滿春草

君心苦雜迹苦幽探奇累累山靈愁山靈愁向天

訴桃墟邨中夜相捕君鬚成佛骨未仙生天乃落

孟顛前

謝靈運既徙廣州欲要合鄉里小兒于三江口篡取為秦郡將宋齊所發于桃墟邨獲七人靈運悉坐誅靈運將刑捨鬚作維摩詰像孟顛事佛精懇靈運素輕之曰卿生天當在靈運前成佛當在靈運後

檀江州

可憐白浮鳩枉殺檀江州萬里長城君自毀明年

飲馬長江水長江飲馬君有知目光裂電神馳馳

魏人開檀道濟雄名憚之圖以藏鬼道濟被  
及脫贖投地怒曰乃壞汝萬里長城魏太武  
引兵南下文帝登石頭城望之謂江  
湛曰檀道濟若在豈使胡馬至此

春月歌

咄爾箋嗟爾笠曷不遠睚我馬欲逸咄爾騎差爾  
王曷不傍皇我田欲荒一日荒不得實一日飢不

得活王將四征營三驅驅斥老農胡爲乎還君壺  
觴不敢食我田我田食我力

衡陽王義季都督荆湘嘗春月出畋有老父被  
苦而耕左右斥之老父曰盤於游畋古人所戒  
今陽和布氣一日不耕民失其時奈何以從會  
之樂而驅斥老農也義季曰賢者也賜之食不  
受

封狼胥

朔風一夜長城倒百萬甲兵如電掃石頭城上烽  
連天不見居人見秋草秋草秋肥胡馬驕江南地  
赤總無苜蓿徐白骨連青冀又見催書集飛騎君  
不見耕當問奴織問婢封狼居胥亦何易

未文帝欲經畧中原王元謨尤好進策帝曰觀  
元謨言令人有封狼居胥意沈慶之諫曰耕當  
問奴織當問婢陛下伐國而與白面書生謀之  
何由濟帝不聽魏人比破南徐徐克豫青冀  
六州所過赤地無苗  
春燕歸巢於林木

佛狸識

江水飲莫飽佛狸死江鳥去年歲在寅今年歲在  
卯崔伯深死亦早

魏太武南下童謠云虜馬飲江水佛狸  
死卯年佛狸太武小字崔浩字伯深

宜速斷

禁林半夜愁烏號深宮一舉雙鳴臬鳴臬食母鏡  
食父假以羽翼授以刀齋宮門開燭未滅舉几一  
揮指齊裂湛之不斷江湛遲陛下裁弟難裁兒難  
裁兒已殺父嗟嗟雙鳴臬更假一鸚鵡

太子劬始與王濬與嚴道育王鸚鵡巫蠱事發  
帝欲廢太子劬賜濬死與徐湛之江湛王僧綽  
謀之僧綽曰事宜速斷當斷不斷反受其亂帝  
久不決更以謀告潘淑妃淑母也以告濬於  
是太子劬遂與潘淑妃并殺  
潘淑妃徐湛之江湛俱死

見要人

衣如鶉馬如狗道逢八駟不得走平生不喜見要人  
要人近復生公門君不見要人耶亦堪喜陛下

有綸臣仲禮

顏延之子竣既貴常乘羸牛策車道逢竣函簿  
即屏往道左謂竣曰平生不喜見要人今不幸  
見汝 侯景圍臺城邵陵王綸及都督柳仲禮  
按兵不戰梁武帝嘗問策於柳津對曰陛下有  
邵陵臣有仲禮不忠不孝賊何由平

竹林堂

寧馨兒父不知渠大黠鼻何如斯黠鼻不懼鬼射  
鬼鬼殺爾今日當屠猪急付大官厨猪來代爾宰

天下竹林堂空鬼亦怕

廢帝射鬼於竹林堂為壽寂之等所殺 王太后疾篤呼廢帝不往怒曰那得生寧馨兒 帝入太廟指世祖像曰渠大黠鼻如何不黠 帝嘗惡湘東王彧呼為猪王一日彧言帝縛之使擔付大官厨曰今日屠猪建安王休仁笑曰猪未應死待皇太子生彧遂免

違導旨

欲言即負導旨不言還負翟黑子宮中門啓戈矛  
森臣寧負迹不負心天威煌煌距尺咫臣寧負生

不負死高渤海真純臣天文書上天顏溫臣才區  
區勞獎述清河司徒臣不及

高允嘗授太子經及崔浩國史事發并欲誅允  
太子入言允小心謹密且制由浩請赦其死魏  
太武問曰國書皆浩所為乎對曰浩所領事多  
總裁而已至於著述臣多於浩太武怒曰允罪  
甚於浩何以得生太子懼曰天威嚴重允迷亂  
夫次耳臣向問皆言浩所為太武問臣如東宮  
所言乎對曰臣罪當滅族不敢虛妄殿下哀臣  
欲乞其生耳太武為太子曰臨死不難辭信也  
為臣不欺君貞也遂赦之允退為人曰我不奉  
東宮導旨者恐負翟黑子耳先是翟黑子奉使  
并州受布千匹事發謀於允允勸首寔翟黑子  
不從太武殺之 魏太武使允集天文災異書  
凡八篇太武善之謂不減崔浩

領軍腹

七日宴慎勿開司空血裏長安臺牽牛星慎勿見  
蒼梧首離仁壽殿江州首禍徐州亡天意總在蕭  
建康腹中有箭箭有鏃痛恨不穿領軍腹

宋明帝以七月七日殺巴陵王休若後廢帝亦  
以七夕死 帝醉寢仁壽殿冷楊玉夫何纖女  
渡河曰見當報我不見當殺汝玉夫懼遂殺之  
帝嘗直人領軍府值蕭道成晝卧帝畫其腹  
為的欲射之以王天恩言遂以飽箭射

石頭城

石頭城悲孝子悲忠臣寧為粲死慙淵生 叶 江陵

市為忠臣為節士不作充生作陵死

袁粲與于最同死曰汝不失孝于我不失忠臣沈攸之將起兵曰吾寧為王陵死不作賈充

生攸司馬邊榮亦不屈死

天王家

生不落降王車死不入天王家王敬則虎而翼板

輿迎居別宮耳司馬家亦如此王光祿獾尾哭

與亾兩見勿復哀鸞飛又向天邊來

宋順帝禪位於齊王敬則以板輿入迎帝帝曰欲見殺乎敬則曰出居別宮耳官先取司馬家

亦如此帝曰願生生世世勿復生天王家右光祿大夫王琨晉世已為郎中至是攀車獾尾

慙哭曰人以壽為歡臣以壽為戚既不能先驅螻蟻遂復類見此事

移吾牀

紀僧真無所須從官乞作士大夫士大夫非天子

命江家謝家聽不聽欲娶須造中書堂欲貴須近

尚書牀桃笙三尺牀七尺尚書移牀遠俗客

亂僧真得幸於齊武帝請曰臣出自武吏階榮至此為兒復得婚荀昭光女無所復須但願乞作士大夫武帝曰此由江數謝淪可自詣之僧真詣數登榻坐定數顧左右曰移吾牀遠俗客僧真表氣返曰士大夫固非天子所命

易犬子

延昌宮中國祚短神龍墮地化作犬楊婆咒禱空紛紛寧知金翅脚王孫王孫憶翁須好作翁死句時還奏樂花枝裊裊春綿綿楊郎宮中恣醉眠狐裘錦衣左右直徐郎殿前躬畫救寧失官家朝莫犯周侯刀寧違至尊訓莫拒舍人命禁中刀赦空縱橫國運詎識歸宣城尚書不言侍中走舉朝盡醉吳興酒

齊武帝時有小史姓皇名太子帝為移點於外作犬子何點曰太子作犬不得立矣後文惠太子果卒鬱陵王為皇太孫時令女璽騰肥遯求天位及太子卒益加敬信世祖崩大欽舉即呼俊作樂帝左右楊珉與何后同寢處帝寵任恭母珍之周奉叔及宦者徐龍駒等珍之有所求無不應有司相語曰寧拒至尊效莫違舍人命奉叔有單刀二十日嘗語人曰周侯刀不識君龍駒至代帝畫敕宣城公鸞謀繼大統多引朝中名士參畫侍中謝朓心不願求

止爲吳興太守至郡致酒數斛與弟  
吏部尚書論曰可力飲此勿豫人事

### 郎君書

郎君書悲欲死不死三軍死尺紙田橫客走安歸  
先生血染門生衣陸家門生頸已折袁家門生遭

### 狗醫先生之靈幾時沒

晉安王子懋與防閭陸超之董僧會舉兵討蕭  
鸞爲參軍于懋之所殺僧會見懋子昭基書曰  
郎君書也悲痛而卒或勸超之遠遁超之曰恐  
田橫客笑人遂爲門生所殺頭斷而身不僵門  
生亦助舉棺棺墮折其頸而死 袁粲死後其  
家匿一少子投梁門生狄靈慶靈慶遂抱兒以  
首兒死後靈慶嘗見兒騎大駝  
狗戲年餘靈慶竟爲靴狗所殺

### 解散髻

華林園中宴初設彥回琵琶稱第一清歌沈季柔  
王郎三公解事惟拍張尙書尙書技偏乏稽首臣  
須用臣法臣今有法臣知書當時封禪推相如帝  
曰休哉盛德事琵琶聲停拍聲止一代風流比謝  
安插髻散髻解朝冠王郎何似吳興守力飲不肯  
解髻綬

王儉爲國子祭酒作解散髻科插髻嘗謂人曰  
江左風流宰相惟有謝安意以自比 齊高帝  
幸華林園宴集各効技藝褚彥回琵琶王僧  
虔劇世降彈琴沈文季歌子夜來王敬則脫朝  
服拍張獨伶無所解誦相如封禪書齊主曰此  
盛德事乃用 齊主受宋福以謝腦爲侍中不肯  
解髻綬乃用  
王儉爲之

### 八騶喚

君不見鄧仲華二十佐命人爭誇又不見王僕射  
弱冠與齊推定策君名照耀同扶桑三十官止中  
書郎前無八騶任搥壁人何轟轟我寂寂絳衫戎  
服官門來嗟君殊非濟世才濟世才任輕薄驢乎  
驢乎汝好作如汝人材皆令僕 叶

中書郎王融自恃人地三十內望爲公輔嘗夜  
直省中嘆曰爲爾寂寂鄧禹笑人行逢朱雀桁  
閣喧喧不得進捷車壁喚曰車前無八騶安得  
稱大丈夫 齊武帝疾亟融欲禱詔立竟陵王  
子良戎服絳衫于中書省關口斷太孫仗不果  
遂坐詔 融書與劉祥同載祥見道旁驢曰好  
爲之如汝人才  
今皆令僕矣

### 閻武堂

閻武堂種楊柳至尊屠肉妃酹酒阿兄來盤馬走

阿丈來醉一斗宮中夜遊誰敢毀宰相已作破面鬼

東昏侯於芳樂苑設店坐而屠肉百姓歌曰聞武堂種楊柳至尊屠肉潘妃酣酒東昏呼潘妃父為阿丈俞靈韻為阿兄沈那畧臨死罵徐孝嗣曰廢昏立明古今令典宰相無才致有今日以醜擲其面日使作破面鬼

合肥捷

合肥城邊鼓三下將軍乘輿不跨馬麾幢繖扇沿河堤兵不費多還貴寡三關關北增高樓將軍閉壘征人愁征人誰知法中法法在用強還用法百戰孰比將軍功將軍豈數曹景宗原頭射獵師不競行路空歌霍去病

韋叡體素羸每戰未嘗跨馬書乘板輿合肥之捷魏人歌之曰不畏蕭娘與呂姥但畏合肥有韋虎先是諸將請益兵叡曰兵貴用奇豈在衆也梁武帝使叡救馬仙理叡至安陸增築城二丈餘更開大塹起高樓衆頗訛其怯叡曰不然焉將當有怯時曹景宗救義陽頗兵不進但原頭射獵而已

談風月

南尚書奔競謫詹事官求不獲北尚書選格裁洛陽令爭不迴停年格銓選格羽林夜火尚書宅南尚書北不如宵來風月談軒渠

徐勉為吏部尚書客有因宴求詹事五官者勉正色曰今日祇可談風月魏崔亮為吏部尚書立停年格洛陽令崔邈上書諫不聽先是張瑀立銓選格排抑武人羽林相率焚其宅

山中相

華陽夢破生紅塵山中宰相作外臣芒鞋尋山芝草竟茯苓屢辱官家命官家手救來岩陬先生不願金籠頭同時亦有何處士捋鬚不得臣老子

陶宏景隱居茅山國有大事每遣使咨訪時號山中宰相梁武帝遣所在給茯苓武帝手敕禮聘不出唯書兩牛一著水草間一金籠頭武帝欲拜何點為侍中點持帝鬚曰乃欲臣老子

鹿子開

建康城頭衆驚走根根取人餉天狗朝呼食肉宵呼肝根根得人食始歡食始歡殺鹿子龍公不死鹿子死四十八年王氣止

梁武帝立長子統為皇太子時民間謠云鹿子  
開城門蓋反語為來子哭也後太子果薨天  
監十三年都下謠言有棧根取人  
肝肺及血以餵天狗百姓大懼

### 房公馬

糗盈升草盈把兒童競養房公馬見公之馬還思

公連錢蹀躞奔兒童兒童粟多果馬腹更辦名香

馬前哭馬前哭因思公君不見房公之馬鮑氏驥

房謨為大寧太守有惠政以不起兵應爾朱世  
隆為所執以其馬別給戰士戰取蜀人得之謂  
謨遇害莫不悲泣善  
養之謂為房公馬

養之謂為房公馬

### 鮮卑奴

銅拔打鐵拔元家歲將末鮮卑奴起渤海東電隱

隱今雷轟轟朱家魏家總非匹一冒空拳一穿鼻

賊來百箭殺百人武牢不死真有神宜訓宮中叩

頭列一母三天亦人傑

高歡累世北邊習其俗遂同鮮卑 魏孝明時  
洛下以兩拔相擊謠言銅拔打鐵拔元家歲將  
末武牢之敗親信都督尉興慶謂歡曰王去  
矣興慶腰邊百箭足殺百人 歡妻婁氏生六  
子洋演湛皆為帝時  
謠云一母生三天

### 水東流

欲要君四十敵叶欲爭君二千騎東帝不成作西

帝征途歎秋悲啼勿啼君心有南北此水無東西

水東西猶入海魏東西天命改

魏孝武帝惡丞相高歡西依宇文泰 歡上帝  
四十啓帝不省 泰率二千騎逆帝中途帝謂  
侍臣曰此水東流而朕西上因流涕泣下  
帝至關中復與丞相泰有隙飲酒遇醜而殞

南飛吉

### 南飛吉

烏鴉耶燕雀耶南飛者利耶轅門中置大鼓將軍

紫衣氣如虎彎弓北來射鸚鵡

賀拔勝奔梁三年梁武帝遇之甚厚屢乞師討  
高歡不果乃未還勝自後每執弓矢見飛鳥南  
向者皆不射之以申懷德之意 魏時童謠云  
可憐青雀子化作鸚鵡子青雀指孝靜帝鸚鵡  
指高歡

指高

### 明月謠

### 明月謠

明月明月相隨不滅昨宵入懷抱今宵委荒草

魏孝武帝閨門無禮從妹不嫁者三人皆封公  
主平原公主明月尤寵帝以之入關為宇文泰  
殺所



狐非狐

天門開焦梨狗子天邊來狐非狐貉非貉吠聲長  
達河朔青雀何嗷嗷新巢復舊巢舊巢鸚鵡啄新  
巢飽犬腹犬乎犬乎爾何酷會見金鷄樹頭哭

魏孝武時謠云狐非狐貉非貉焦梨狗子嚙斷  
索蓋指宇文泰俗謂之黑獺也 秦母孕秦時  
夢抱子升天纔不至而止 周初童謠云白楊  
樹頭金鷄鳴祗有阿舅無外甥蓋指隋受周禪  
兆之

金甌缺

蕭釋盲老公侯景跛老子中原龍戰四十春乾坤  
戾氣歸斯人斯人不來國不破誰使金甌向空墮  
當殺不殺慕紹宗當斷不斷吳老公跛奴之禍福  
已酷盲僧釀成還骨肉

梁武帝欲納侯景曰我國家如金甌無一傷缺  
脫納景致紛紜奈何後以朱异言卒納之 景  
右足偏短 慕容紹宗追景急景謂曰景若就  
擒公復何用乃縱之 湘東王釋眇一月初武  
帝夢盲僧託生 王宮遂生釋

臣如龍

天子勿走馬大將軍嗔大將軍勸陛下酒敢勿聞  
黃門郎來前且受意癡人勢亦小差未欲進食先  
揮刀龍耶虎耶亾崇朝亾崇朝反及禍臣如龍北  
面坐臣如虎尙是可臣如鼠已殺我

東魏高澄忌魏靜帝使黃門郎崔季舒伺帝動  
靜嘗與書曰癡人比復何似癡勢小差未 澄  
爲騰奴蘭京所殺 高洋欲受魏禪母婁氏曰  
汝父如龍兄如虎尙終身北面汝何人欲行君  
事乎

寒山石

一片石寒山頂餘者誰比蛙黷蛙聲蜩聲猶可識  
邢家魏家工作賊

庾信使北歸人問北方人士何如曰惟温子昇  
寒山一片石堪共語餘若驢鳴犬吠耳 邢邵  
曰江南任昉文體本疎魏收非直模擬亦大倫  
竊收聞之謂人曰伊嘗于沈約傳中作賊何敢  
我言

百年寬

濟南毅魄死不灰九死上叫天關開精誠入日日  
忽變白氣夾日如長團涼風臺前血一斗百年來

時繞堦走兒今何罪生王家乞命作奴還俯首深  
宮半袂留分明兒今已死忍獨生忍獨生還把袂  
明月不來空斷絕君不見婁家血泪還纏綿濟南  
悲罷悲百年

北齊昭帝廢故主為濟南王尋復弑之立子百  
年為太子及昭帝疾婁太后視之問濟南所在  
者三不對太后怒日殺之耶遂不顧而去武  
成帝立封百年為樂陵王河清三年五月白虹  
圍日再重又赤星見帝欲以百年厭之使召百  
年百年知不免割帶袂與妃斛律氏別見帝于  
涼風臺日乞命與阿叔作奴帝不聽卒殺之妃  
把袂不食月餘亦卒袂猶在手父光自孽之乃  
開

握槩來

臣彈箏君進酒君持觴臣為壽君王沉醉宮生春  
兒家乃有握槩臣趙郡痛哭宮門首臣為國家不  
為酒珠簾終蔽和士開兗州刺史需君來士開生  
趙郡死非常作事有龍子

北齊和士開以善握槩彈琵琶有寵於武成帝  
使士開與胡后握槩復得幸於胡后及武成帝  
崩後主尤委任之趙郡王叔與司空婁定遠  
立請出士開外任太后命賜殿后酒殿正色日

臣論國家大事非為厄酒後主不得已出為兗  
州刺史士開被二美女珠簾詣婁定遠願得一  
辭二宮定遠許之士開遂與太后及後主謀殺  
叔 瑯琊王儼殺和士開斛律光聞之撫掌日  
龍子作事  
固自不凡

劉桃枝

劉桃枝信力士所為如此事永安耶鐵籠死平秦  
耶露車死趙郡耶雀離死大明宮裏呼家家腸肥  
腦滿悲瑯琊桃枝桃枝技還絕飛向青天斬明月  
劉桃枝慎勿過君如鶴鷄見者禍嗚呼爾首何時  
墜

劉桃枝齊天保間力士 齊文宣囚永安王浚  
上黨王浚於鐵籠使桃枝就籠刺浚因自殺浚  
平秦王歸彥被復載以露車使桃枝拉殺之  
桃枝拉殺趙郡上獻于雀離佛院 瑯琊王  
儼將死呼日乞見家家桃枝以袖掩口殺之  
周章孝寬畏斛律光縱諸言日百升飛上天明  
月照長安光字明月故言 光至涼風臺桃枝  
自後撲之不什光反顧日桃枝嘗為如此事我  
不負國家 齊文宣嘗使桃枝殺高德  
政桃枝不敢下顯祖怒日爾首即墮

金叵羅

為丞耶耶善盜金叵羅在官帽為達官官善温胡

桃油獻至尊為三司司善刺黃金丹寬一死為流  
囚囚善柔蕪菁子薰兩眸盲人當國亦識古官欲  
殺弟引慶父盲人當國還傾朝官欲殺舅引轉昭  
盲人耶竟誰恃外有和老公內有女媧氏

北齊著作郎祖珽疎率無行嘗因宴失金叵羅  
于珽髻上得之 武成帝為長廣王時珽為胡  
桃油以獻 武成帝將殺珽珽曰陛下勿殺臣  
臣為陛下台金丹因從光州置地半中夜以燕  
菁于為媧由是失明 胡長仁瑯琊王儂之死  
皆珽引經成之 珽媚後主保母陸令萱謂後  
主曰令萱女媧  
以後一人而已

延年杖

延年杖南面植大司馬前為進舄太師前為設席  
皇帝陛下北面進爵百僚捧匱三公洗勺臣學孫  
吳不學孔孟羣公雍雍陛下至聖

周武帝視太學以太傅于謹為三老賜以延年  
杖謹入門帝迎拜謹答拜太師宇文護設席謹  
升席南面坐大司馬馬豆盧寧正舄帝立于舄  
之前西面有司進饌帝跪設醬豆袒割謹食畢  
帝跪受謹以壽 謹幼好孫  
子兵書于經史但畧窺而已

無愁曲

日短短苦未足夜遊還秉燭琵琶絃撥無愁曲鬪  
鷄開府應儀同無愁天子歡無窮歡無窮起相和  
杞人莫自憂天墮女媧宮中捧石坐

北齊後主好自彈琵琶為無愁之曲內侍和者  
百數民間謂之無愁天子 有鬪鷄號鬪府狗  
馬及鷹皆有儀  
同郡君之號

百升謠

清風園中菜租減盲老公言百升反棗枝十束弓  
廿張百升反具何尋常老公言時老母証官家比  
來亦大聖天叵明月資秦人中河不事椎層米吁  
嗟二妃一皇后敕勒老公知不久

北齊後主以鄴清風園賜穆提婆於是官無菜  
賒買于人負錢至三十萬斛律光以為言提婆  
大怨 祖珽以韋孝寬謠言啟後主且續之曰  
盲老公背受大斧饒舌老母不得語盲老公自  
言老母指陸令萱後主曰人心亦大聖我前疑  
其欲反果然 籍光家得棗枝二十束弓廿張  
先是周人懼齊兵之西度恒以冬月中河椎  
米及齊政衰反畏周至冬月米結齊嘗使人椎

殺一圍

撮許賊何能為官家更勸殺一圍平陽城頭賊鋒  
挫美人不來城不破嚴兵何紛紛伐鼓何喧喧美  
人一呼官家奔官家奔亦何往君不見馬上徒膺  
禱翟榮車前已作降王長

周師圍急安吐根曰一撮許賊馬上刺取擲汾  
水中耳後主與馮淑妃獵于天池聞晉陽陷  
齊主欲還淑妃請更殺一圍齊人作地道攻  
平陽城陷十餘步將上乘勢欲入後主救馮淑  
妃共觀之妃黷點不時至城遂不下先是後  
主以淑妃為有功勳將立為左皇后遣使詣晉  
陽取服御禱翟等至是遇於  
中途後主按轡為淑妃着之

那杖痕

欲從君君不可從陛下為不孝孝伯為不忠欲為  
身身不可避堂上有老母地下有武帝天昏昏誰  
與伸嗟嗟陛下勿捫脚杖痕

周宣帝為太子時有過武帝輒加捶撻及武帝  
崩捫杖痕大罵曰死晚矣宣帝嘗從谷問鄭  
譯曰我脚杖痕誰所為也對曰事由烏丸執宇  
文孝伯宣帝與孝伯謀殺齊王憲對曰陛下  
為不孝臣為不忠尉遲運勸孝伯出外孝伯  
日今堂上有老母地下有武帝為臣為子知欲  
之何

景陽樓

樓高高插天表玉樹一聲天下曉宮中天子樂事  
新一日可敵千萬春齊軍三來周再至不恃人心  
恃形勢宮女烟花狎客箋送君還上九重天噫吁  
嘻胭脂井冷何堪辱此間樂復不思蜀一曲吳歌  
酒千斛

陳後主聞隋兵臨江曰王氣在此齊兵三度來  
周兵再度至無不摧敗彼何為者乎後主入  
隋嘗耽醉罕有醒時隋文帝問飲酒幾何對曰  
與子弟日飲一石每預宴文帝恐致傷心為不  
音

高涼洗

中原龍戰苦不息兵戈變盡狼虎跡帝以倫常付  
巾幗江南王氣悲銷沉銷沉忠義無一人投袂乃  
屬夫人城許家善心亦國士陳亡不死隋亡死死  
時應愧夫人耳

陳亡嶺南數郡共奉高涼郡太夫人洗氏為主  
號聖母保境拒守隋遣陳叔寶遣夫人書諭以  
國亡使之歸隋夫人集首領數千人盡日慟哭  
許善心聘於隋會陳亡痛哭三日後以宇文

氏纂終  
不屈死

阿干歌 附外域

莫聽阿干歌阿干心獨苦棘城西去白蘭山茫茫  
隔今古阿干為弟言馬傷君莫怒弟言報阿干連  
枝本同父阿干歌悲無窮阿干有子還思忠登高  
山而望遠海慨異國之朝宗阿干歌歌自悼阿干  
有孫還識孝報誓不得留誓衣縛草作誓兮射誓  
貌阿干歌歌以風此歌安得流寰中君不見宋湘  
東與梁湘東

河南王吐谷渾慕容廆之庶兄也因二部馬關  
廆使讓之吐谷渾遂度隴而西居於白蘭地方  
數千里廆追思之為作阿干之歌 河南王吐  
延雄勇多猜忌為羗酋姜聽所殺于葉延立痛  
念父讐常縛草泣射 白蘭王阿柴登西強山  
觀望江源見水東流慨思朝宗因遣使入貢於  
宋

魚鼈橋

高句麗乃是河伯之甥赤烏子精誠貫日日倒戈  
河伯乃遣魚鼈為填河魚耶鼈耶今日濟我犬耶

豕耶昔日飼我

高麗王嘗得河伯女閉於室內女為日所照遂  
有孕生一卵大如五升王棄於野犬豕飼之後  
彼卵得一子名曰朱蒙 高麗人謀殺朱蒙朱  
蒙出走遇一大水無梁後追騎甚急朱蒙告水  
日我是日之子河伯外孫今追兵垂  
及如何得濟於是魚鼈為之成橋

鬼鼓喧

銀刀霍霍波鄰鄰江魚見水不見人與魚同居識  
魚性刺魚要何魚入定魚一尾直百錢得魚買醉  
神祠邊深秋鬼鼓何填填

獠人能卧水底持刀刺魚百發百中以口嚼食  
以鼻飲 取人面皮籠之于竹及燥號曰鬼鼓  
每有慶賞 即用之

雌雄卜

羽肅肅飛來手中伏男王叩頭女王祝欲得粟須  
剖腹腹中粟如玉今年穀大熟九層樓中仙樂作

蘇毗千秋阿脩羅萬福

女國在慈嶺南世以女為王姓蘇毗 俗祠阿  
脩羅神歲初以人祭祭畢入山視之有一鳥如  
雌雉來集掌上破其腹視之有米穀則驗  
瓦礫則凶謂之鳥卜 土嘗居九層樓

金羊牀

陽春有脚不得走赤帝騎龍作歲首蠻王笑擁金羊牀琉璃珊瑚琥珀光真珠瓔珞垂兩禱七月七日華筵張腰銀弓手金戟囊駝飛來能咬客

波斯國王坐金羊牀視朝國以六月為歲首有鳥如囊駝能高飛丈餘食草與肉亦能食人其國當以七月七日宴會

新羅人

新羅人新羅人新羅山多水復險終古猶匿秦遺民當是避秦竟深入深入千年作都邑武陵太守空驚傳寧知處處皆桃源桃源中共棲歇他時飲

馬長城窟城邊猶認秦時月

新羅國其先世本秦人避長城役來此馬韓割其東界居之以秦人故名之曰秦韓

兩為歲

婆羅蠡鼓喧沙堤綠魚千頭迎客飛舟行海中不見海云是鯨鯢腹中水王開北戶迎北人蔗酒既設柳漿陳柳漿陳且高醉春為年兩為歲

赤土國在南海中冬夏常溫多雨少霽隋使常駿通之既入海見綠魚羣飛水上又數日至一處水色黃氣腥舟行一日不絕云是大魚糞也其國重北戶北面每有南使至則啓北戶迎之以甘蔗作酒亦以柳漿為酒

孔雀羣

孔雀孔雀頭珠懸尾翠壓朝飛暮飛與人狎蠻中不識文禽尊呼作家鷄與野鴨毛毳毳羽堪本尉犁山北不可棲雀乎何不東南飛

龜茲國土多孔雀羣飛山谷間人取而食之葦乳如鷄鶩其王家常養千餘隻尉犁山在龜茲南

燉煌西

燉煌西白骨撐日月飛不進鬼火欲與天爭青朝行暮行不見影鬼聲西來落空井魘魅耶魘魅耶叢叢細草生枯骸枯骸欲歌人欲哭燉煌之西且裹足

高昌國在燉煌西自燉煌向其國多沙磧茫然無有路徑欲往者尋其人畜骸骨而去路中每聞歌哭聲行人尋之多致凶失蓋魘魅魘魘也

日出處

子夷人不可悉我家乃在扶桑之東見日日出  
不識日所歸茫茫渡海尋光輝尋光輝光欲竭汝  
家乃在滄溟之西見日沒日出必有方日入必有

鄉願隨東升日東升朝日王

倭國入自稱子夷其王以天為兄日為弟嘗以  
夜半治事至日出而息日付諸弟其誕妄如此

隋時遣使入貢日日出處  
天子致書日入處天子無恙

擬兩晉南北朝史樂府卷下終

跋南北朝史樂府後

屠紳讓

小年欲寤堪逞志者墨兵大雅相歡乍移情兮樂  
部擅三長而擗管原四始以審音聲與政通辭緣  
情綺論詩每稱為史咏史那得廢詩振古如斯當  
今無輩耳洪君對巖才不患多書能求間以譚天  
之口成擲地之聲謂夫兩介山河六朝金粉天醉  
投壺之酒感此茫茫人迷夾岸之花憐其擾擾龍  
爭入好奇之局鵲起高門靡之文試將翠管填詞  
難盡摸魚戀燒若命紅牙按曲何妨換羽移宮爰  
變新聲獨彈古調事或未經人道言無不獲我心  
晉啓化龍陳亡擒虎三百年王氣將終甥承冒顛  
舅代宇文十六國人情可見易洛哇而高如白雪  
裁機史則穆若清風蓋筆有鹿盧胸無芥蒂矣若  
夫呼稀飲馬陳陳已苦於相因鹽州石壕憂憂更  
難其獨造何似取千秋金鑑為兩部鼓吹登愧備  
于場中追魂而攝魄寄陽秋于皮裏恍日以刺心

縣門且不易千金畫壁豈徒驚一絕此日博聞強  
識官可秘書異時技部就班郎宜協律走也不知  
許事欲喚奈何樂認鈞天編疑艷異彼羌無故實  
等閒當賸馥殘膏苟別有會心遮莫付銅喉鐵板



